

江月光於水。高樓思殺人。天邊長作客。老去一露巾。玉露溥清影。銀河沒半輪。誰家挑錦字。燭滅翠眉顰。

月圓

孤月當樓滿。寒江動夜扉。委波金不定。照席綺逾依。未缺空山靜。高懸列宿稀。故園松桂發。萬里共清輝。

夜

露下天高秋水清。空山獨夜旅魂驚。疎燈自照孤帆宿。新月猶懸雙杵鳴。南菊再逢人臥病。北書不至雁無情。步簷倚杖看牛斗。銀漢遙應接鳳城。

草閣

草閣臨無地。柴扉永不關。魚龍迴夜水。星月動秋山。久露晴初濕。高雲薄未還。泛舟慙小婦。飄泊損紅顏。

宿江邊閣

暝色延山徑。高齋次水門。薄雲巖際宿。孤月浪中翻。鶴鶴追飛靜。豺狼得食喧。不眠憂戰伐。無力正乾坤。

吹笛

吹笛秋山風月清。誰家巧作斷腸聲。風飄律呂相和切。月傍關山幾處明。胡騎中宵堪北走。武陵一曲想南征。故園楊柳今搖落。何得愁中卻盡生。

西閣雨望

樓雨雲雲幔。山寒著水城。逕添沙面出。湍減石稜生。菊藥淒疎放。松林駐遠情。滂沱朱檻濕。萬慮倚簷楹。

西閣三度期大昌嚴明府同宿不到

問子能來宿。今疑索故要。匣琴虛夜夜。手板自朝朝。金吼霜鐘徹。花催蠟炬銷。早覺江檻底。雙影謾飄飄。

西閣二首

巫山小搖落。碧色見松林。百鳥各相命。孤雲無自心。層軒俯江壁。要路亦高深。朱紱猶紗帽。新詩近玉琴。功名不早立。衰疾謝知音。哀世非王粲。終然學楚吟。

【一】

懶心似江水。日夜向滄洲。不道含香賤。其如鑷白休。經過凋碧柳。蕭瑟倚朱樓。畢娶何時竟。消中得自由。豪華看古往。服食寄冥搜。詩盡人閒興。兼須入海求。

西閣夜

恍惚寒江暮。透迤白霧昏。山虛風落石。樓靜月侵門。擊柝可憐子。無衣何處邨。

月

四更山吐月。殘夜水明樓。塵匣元開鏡。風簾自上鉤。免應疑鶴髮。蟾亦戀貂裘。

宗武生日

小子何時見。高秋此日生。自從都邑語。已伴老夫名。詩是吾家事。人傳世上情。熟精文選理。休覓彩衣輕。凋瘵筵初秩。敲斜坐不成。流霞分片片。涓滴就徐傾。

第五弟豐獨在江左。近三四載。寂無消息。覓使寄此二首。亂後嗟吾在。羈棲見汝難。草黃騏驥病。沙晚鶴鴒寒。楚設關城險。吳吞水府寬。十年朝夕淚。衣袖不曾乾。

【一】

聞汝依山寺。杭州定越州。風塵淹別日。江漢失清秋。影著啼猿樹。魂飄結蜃樓。明年下春水。東盡白雲求。

聽楊氏歌

佳人絕代歌。獨立發皓齒。滿堂慘不樂。響下清虛裏。江城帶素月。況乃清夜起。老夫悲暮年。壯士淚如水。玉杯久寂寞。金管迷宮徵。勿云聽者疲。愚智心盡死。古來傑出土。豈特一知己。吾聞昔秦青。傾側天下耳。

秋風二首

秋風浙浙吹巫山。上牢下牢修水關。吳檣楚柁牽百丈。暖向成都寒未還。要路何日罷長戟。戰自青羌連白蠻。中巴不得消息好。暝傳戍鼓長雲閒。

【二】

秋風浙浙吹我衣。東流之外西日微。天清小城擣練急。石古細路行人稀。不知明月為誰好。蚤晚孤帆他夜歸。會將白髮倚庭樹。故園池臺今是非。

九日諸人集于林

九日明朝是。相要舊俗非。老翁難早出。賢客幸知歸。舊采黃花賸。新梳白髮微。漫看年少樂。忍淚已沾衣。

秋興八首

玉露凋傷楓樹林。巫山巫峽氣蕭森。江間波浪兼天湧。塞上風雲接地陰。叢菊兩開他日淚。孤舟一繫故園心。白帝城高急暮砧。

杜少陵詩集卷十七

【一】

夔府孤城落日斜。
畫省香爐遠伏枕。

每依北斗望京華。
山樓粉堞隱悲笳。

聽猿實下三聲淚。
請看石上藤蘿月。

奉使虛隨八月槎。
已映洲前蘆荻花。

【二】

千家山郭靜朝暉。
匡衡抗疏功名薄。

日日江樓坐翠微。
劉向傳經心事違。

信宿漁人還汎汎。
同學少年多不賤。

清秋燕子故飛飛。
五陵衣馬自輕肥。

【三】

聞道長安似奕棋。
直北關山金鼓震。

百年世事不勝悲。
征西車馬羽書馳。

王侯第宅皆新主。
魚龍寂寞秋江冷。

文武衣冠異昔時。
故國平居有所思。

【四】

蓬萊宮闕對南山。
雲移雉尾開宮扇。

承露金莖霄漢閒。
日繞龍鱗識聖顏。

西望瑤池降王母。
一臥滄江驚歲晚。

東來紫氣滿函關。
幾回青瑣點朝班。

【五】

瞿唐峽口曲江頭。
珠簾繡柱圍黃鶴。

萬里風煙接素秋。
錦纜牙樯起白鷗。

花萼夾城通御氣。
回首可憐歌舞地。

芙蓉小苑入邊愁。
秦中自古帝王州。

【六】

昆明池水漢時功。
波漂菰米沈雲黑。

武帝旌旗在眼中。
露冷蓮房墜粉紅。

織女機絲虛夜月。
關塞極天唯鳥道。

石鯨鱗甲動秋風。
江湖滿地一漁翁。

【七】

昆吾御宿自逶迤。
佳人拾翠春相問。

紫閣峰陰入漢陂。
仙侶同舟晚更移。

香稻啄餘鸚鵡粒。
綵筆昔曾干氣象。

碧梧棲老鳳凰枝。
白頭吟望苦低垂。

詠懷古跡五首

支離東北風塵際。
羯胡事主終無賴。

漂泊西南天地閒。
詞客哀時且未還。

三峽樓臺淹日月。
庾信生平最蕭瑟。

五溪衣服共雲山。
暮年詩賦動江關。

【一】

搖落深知宋玉悲。
江山故宅空文藻。

風流儒雅亦吾師。
雲雨荒臺豈夢思。

悵望千秋一灑淚。
最是楚宮俱泯滅。

蕭條異代不同時。
舟人指點到今疑。

【二】

羣山萬壑赴荆門。
畫圖省識春風面。

生長明妃尚有鄉。
環珮空歸夜月魂。

一去紫臺連朔漠。
千載琵琶作胡語。

獨留青塚向黃昏。
分明怨恨曲中論。

蜀主窺吳幸三峽
古廟杉松集水鶴

崩年亦在永安宮
歲時伏臘走邨翁

翠華想像空山裏
武侯祠屋長鄰近

玉殿虛無野寺中
一體君臣祭祀同

【四】

【五】

諸葛大名垂宇宙
伯仲之間見伊呂

宗臣遺像肅清高
指揮若定失蕭曹

三分割據紆籌策
運移漢祚終難復

萬古雲霄一羽毛
志決身殲軍務勞

寄韓諫議注

今我不樂思岳陽

身欲奪飛病在牀

美人娟娟隔秋水

濯足洞庭望八荒

鴻飛冥冥日月白

青楓葉赤天雨霜

玉京羣帝集北斗

或騎麒麟翳鳳凰

芙蓉旌旗煙霧落

影動倒景搖瀟湘

星宮之君醉瓊漿

羽人稀少不在旁

似聞昨者赤松子

恐是漢代韓張良

昔隨劉氏定長安

帷幄未改神慘傷

國家成敗吾豈敢

色難腥腐餐楓香

周南畱滯古所惜

南極老人應壽昌

美人胡爲隔秋水

焉得置之貢玉堂

解悶十二首

草閣柴扉星散居

浪翻江黑雨飛初

山禽引子哺紅果

溪女得錢畱白魚

【二】

商胡離別下揚州

憶上西陵故驛樓

爲問淮南米貴賤

老夫乘興欲東遊

【三】

一辭故國十經秋

每見秋瓜憶故丘

今日南湖采薇蕨

何人爲覓鄭瓜州

【四】

沈范早知何水部

曹劉不待薛郎中

獨當省署開文苑

兼泛滄浪學釣翁

【五】

李陵蘇武是吾師

孟子論文更不疑

一飯未曾畱俗客

數篇今見古人詩

【六】

復憶襄陽孟浩然

清詩句句盡堪傳

卽今耆舊無新語

漫釣槎頭縮頸鱸

【七】

陶冶性靈存底物

新詩改罷自長吟

熟知二謝將能事

頗學陰何苦用心

【八】

不見高人王右丞

藍田丘壑蔓寒藤

最傳秀句寰區滿

未絕風流相國能

【九】

先帝貴妃今寂寞。

荔枝遷復入長安。

炎方每續朱櫻賦。

玉座應悲白露團。

【十】

憶過瀘戎摘荔枝。

青楓隱映石逶迤。

京華應見無顏色。

紅顆酸甜只自知。

【十一】

翠瓜碧李沈玉甃。

赤梨蒲萄寒露成。

可憐先不異枝蔓。

此物娟娟長遠生。

【十二】

側生野岸及江蒲。

不熟丹宮滿玉壺。

雲壑布衣餒背死。

勞人害馬翠眉須。

洞房

洞房環珮冷。

玉殿起秋風。

秦地應新月。

龍池滿舊宮。

繫舟今夜遠。

清漏往時同。

萬里黃山北。

園陵白露中。

宿昔

宿昔青門裏。

蓬萊仗數移。

花嬌迎雜樹。

龍喜出平池。

落日留王母。

微風倚少兒。

宮中行樂祕。

少有外人知。

能盡

能盡毛延壽。

投壺郭舍人。

每蒙天一笑。

復似物皆春。

政化平如水。

皇明斷若神。

時時用抵戲。亦未雜風塵。

關雞

關雞初賜錦。

舞馬既登牀。

簾下宮人出。

樓前御曲長。

仙遊終一閱。

女樂久無香。

寂寞驪山道。

清秋草木黃。

歷歷

歷歷開元事。

分明在眼前。

無端盜賊起。

忽已歲時遷。

巫峽西江外。

秦城北斗邊。

爲郎從白首。

臥病數秋天。

洛陽

洛陽昔陷沒。

胡馬犯潼關。

天子初愁思。

都人慘別顏。

清笳去宮闕。

翠蓋出關山。

故老仍流涕。

龍髯幸再攀。

驪山

驪山絕望幸。

花萼罷登臨。

地下無朝燭。

人閒有賜金。

鼎湖龍去遠。

銀海雁飛深。

萬歲蓬萊日。

長懸舊羽林。

提封

提封漢天下。

萬國尚同心。

借問懸車守。

何如儉德臨。

時徵俊乂入。

莫慮犬羊侵。

願戒兵猶火。恩加四海深。

鸚鵡

鸚鵡含愁思。聰明憶別離。翠衿渾短盡。紅嘴漫多知。未有開籠日。空殘舊宿枝。世人憐復損。何用羽毛奇。

孤雁

孤雁不飲啄。飛鳴聲念羣。誰憐一片影。相失萬重雲。望盡似猶見。哀多如更聞。野鷄無意緒。鳴噪亦紛紛。

鷓鴣

江浦寒鷓鴣。無他亦自饒。卻思翻玉羽。隨意點青苗。雪暗還須浴。風生一任飄。幾羣滄海上。清影日蕭蕭。

猿

鼻鼻啼虛壁。蕭蕭挂冷枝。艱難人不免。隱見爾如知。慣習元從來。全生或用寄。前林騰每及。父子莫相離。

兜

永與清溪別。蒙將玉饌俱。無才逐仙隱。不敢恨庖廚。亂世輕全物。微聲及禍樞。

衣冠兼盜賊。饕餮用斯須。

雞

紀德名標五。初鳴度必三。殊方聽有異。失次曉無慙。問俗人情似。充庖爾輩堪。

氣交亭育際。巫峽漏司南。

黃魚

日見巴東峽。黃魚出浪新。脂膏兼飼犬。長大不容身。筒桶相沿久。風雷肯爲伸。泥沙卷涎沫。回首怪龍鱗。

白小

白小羣分命。天然二寸魚。細微霑水族。風俗當園蔬。入肆銀花亂。傾筐雪片虛。生成猶拾卵。盡取義何如。

哭王彭州掄

執友驚淪沒。斯人已寂寥。新文生沈謝。異骨降松喬。北部初高選。東牀早見招。蛟龍纏倚劍。鸞鳳夾吹簫。歷職漢庭久。中年胡馬驕。兵戈聞兩觀。龍辱自三朝。蜀路江干窄。彭門地里遙。解龜生碧草。諫獵阻青霄。頃壯戎麾出。叨陪幕府要。將軍臨氣候。猛士塞風飈。井滌泉誰汲。烽疎火不燒。前籌自多暇。隱几接終朝。

翠石俄雙表，寒松竟後凋。贈詩焉敢墜，染翰欲無聊。再哭經過罷，離魂去住銷。
 之官方玉折，寄葬與萍漂。曠望渥洼道，霏微河漢橋。夫人先卽世，令子各清標。
 巫峽長雲雨，秦城近斗杓。馮唐毛髮白，歸興日蕭蕭。

杜少陵詩集卷十八

偶題

文章千古事，得失寸心知。作者皆殊列，名聲豈浪垂。騷人嗟不見，漢道盛於斯。
 前輩飛騰入，餘波綺麗爲。後賢兼舊制，歷代各清規。法自儒家有，心從弱歲疲。
 永懷江左逸，多病鄴中奇。騷騷皆良馬，騏驎帶好兒。車輪徒已斲，堂構惜仍虧。
 漫作潛夫論，虛傳幼婦碑。緣情慰漂蕩，抱疾屢遷移。經濟慙長策，飛棲假一枝。
 塵沙傍蜂蠶，江峽繞蛟螭。蕭瑟唐虞遠，聯翩楚漢危。聖朝兼盜賊，異俗更喧卑。
 爵鬱星辰劍，蒼蒼雲雨池。兩都開幕府，萬寓插軍麾。南海殘銅柱，東風避月支。
 音書恨烏鵲，號怒怪熊羆。稼穡分詩興，柴荆學土宜。故山迷白閣，秋水憶黃陂。
 不敢要佳句，愁來賦別離。

君不見簡蘇侯

君不見道邊廢棄池，君不見前者摧折桐。百年死樹中琴瑟，一斛舊水藏蛟龍。
 丈夫蓋棺事始定，君今幸未成老翁。何恨憔悴在山中，深山窮谷不可處。
 霹靂魍魎兼狂風。

贈蘇四侯

異縣昔同遊，各云厭轉蓬。別離已五年，尙在行李中。戎馬日衰息，乘興安九重。
 有才何棲棲，將老委所窮。爲郎未爲賤，其奈疾病攻。子何面黧黑，焉得豁心胸。
 巴蜀倦剽劫，下愚成土風。幽薊已削平，荒徼尙彎弓。斯人脫身來，豈非吾道東。
 乾坤雖寬大，所適裝囊空。肉食晒菜色，少壯欺老翁。況乃主客閒，古來偏側同。
 君今下荆揚，獨帆如飛鴻。二州豪俠場，人馬皆自雄。一請甘饑寒，再請甘養蒙。

別蘇侯

故人有遊子，棄擲傍天隅。他日憐才命，居然屈壯圖。十年猶塌翼，絕倒爲驚呼。
 消渴今如此，提攜愧老夫。豈知臺閣舊，先拂鳳凰雛。得實翻蒼竹，棲枝把翠梧。
 北辰當宇宙，南嶽據江湖。國帶煙塵色，兵張虎豹符。數論封內事，揮發府中趨。
 贈爾秦人策，莫鞭轅下駒。

李潮八分小篆歌

蒼頡鳥跡既茫味。字體變化如浮雲。
 秦有李斯漢蔡邕。中閒作者絕不聞。
 苦縣光和尙骨立。書貴瘦硬方通神。
 尙書韓擇木。騎曹蔡有鄰。開元已來數八分。
 潮也奄有二子成三人。
 況潮小篆逼秦相。快劍長戟森相向。
 八分一字直百金。蛟龍盤拏肉屈強。
 吳郡張顛誇草書。草書非古空雄壯。
 豈如吾甥不流宕。丞相中郎丈人行。
 巴東逢李潮。逾月求我歌。
 我今衰老才力薄。潮乎潮乎奈汝何。

峽口二首

峽口大江開。西南控百蠻。城鼓連粉堞。岸斷更青山。
 開闢當天險。防隅一水關。亂離聞鼓角。秋氣動衰顏。

【二】

時清關失險。世亂戟如林。去矣英雄事。荒哉割據心。
 蘆花留客晚。楓樹坐猿深。疲茶煩親故。諸侯數賜金。

南極

南極青山衆。西江白谷分。古城疎落木。荒戍密寒雲。
 歲月蛇常見。風聽虎忽聞。近身皆鳥道。殊俗自人羣。
 睥睨登哀柝。蝥弧照夕曛。亂離多醉尉。愁殺李將軍。

瞿唐兩崖

三峽傳何處。雙崖壯此門。入天猶石色。穿水忽雲根。
 採獲尋髯古。蛟龍屈宅尊。羲和冬馭近。愁畏日車翻。

瞿唐懷古

西南萬壑注。勅敵兩崖開。地與山根裂。江從月窟來。
 削成當白帝。空曲隱陽臺。疏鑿功雖美。陶鈞力大哉。

夜宿西閣曉呈元二十一曹長

城暗更籌急。樓高雨雪微。稍通綃幕霽。遠帶玉繩稀。
 門鵲晨光起。橋烏宿處飛。寒流江甚細。有意待人歸。

西閣口號呈元二十一

山木抱雲稠。寒空繞上頭。雪崖纔變石。風幔不依樓。
 社稷堪流涕。安危在運籌。看君話王室。感動幾銷憂。

開夜

歲暮陰陽催短景。天涯霜雪霽寒宵。五更鼓角聲悲壯。三峽星河影動搖。

漢西寒望

野哭千家聞戰伐。夷歌幾處起漁樵。臥龍躍馬終黃土。人事音書漫寂寥。

水色含羣動。朝光切太虛。年侵頻悵望。興遠一蕭疎。猿挂時相學。鷗行炯自如。

西閣曝日

涼冽倦玄冬。負暄嗜飛閣。羲和流德澤。顛頊愧倚薄。毛髮具自和。肌膚潛沃若。

不離西閣二首

江柳非時發。江花冷色頻。地偏應有瘴。臘近已含春。失學從愚子。無家任老身。

【二】

西閣從人別。人今亦故亭。江雲飄素練。石壁斷空青。滄海先迎日。銀河倒列星。

平生耽勝事。吁駭始初經。

縛雞行

小奴縛雞向市賣。雞被縛急相喧爭。家中厭雞食蟲蟻。不知雞賣還遭烹。

小至

天時人事日相催。冬至陽生春又來。刺繡五紋添弱線。吹葭六琯動飛灰。

寄柏學士林居

自胡之反持干戈。天下學士亦奔波。嘆彼幽棲載典籍。蕭然暴露依山阿。

折檻行

鳴呼房魏不復見。秦王學士時難羨。青衿胄子困泥塗。白馬將軍若雷電。

覽柏中丞兼子姪數人除官制詞因述父子兄弟四美戴歌絲綸

紛然喪亂際。見此忠孝門。蜀中寇亦甚。柏氏功彌存。深誠補王室。戮力自元昆。三止錦江沸。獨清玉壘昏。高名入竹帛。新渥照乾坤。子弟先卒伍。芝蘭疊瑤瓊。同心注師律。灑血在戎軒。絲綸實具載。絛冕已殊恩。奉公舉骨肉。誅叛經寒溫。金甲雪猶凍。朱旗塵不翻。每聞戰場說。歎激懦氣奔。聖主國多盜。賢臣官則尊。方當節鉞用。必絕葭沴根。吾病日廻首。雲臺誰再論。作歌挹盛事。推轂期孤鶩。覽鏡呈柏中丞

渭水流關內。終南在日邊。膽銷豹虎窟。淚入犬羊天。起晚堪從事。行遲更學仙。鏡中衰謝色。萬一故人憐。

陪柏中丞觀宴將士二首

極樂三軍士。誰知百戰場。無私齊綺饌。久坐密金章。醉客霑鸚鵡。佳人指鳳凰。幾時來翠節。特地引紅粧。

[11]

繡段裝簷額。金花帖鼓腰。一夫先舞劍。百戲後歌樵。江樹城孤遠。雲臺使寂寥。漢朝頻選將。應拜霍嫖姚。

奉送蜀州柏二別駕將中丞命赴江陵起居衛尚書太夫人因示從弟行軍司馬位

中丞問俗畫熊頻。愛弟傳書綵鷓新。遷轉五州防禦使。起居八座太夫人。楚宮臘送荆門水。白帝雲偷碧海春。與報惠連詩不惜。知吾斑鬢總如銀。

送鮮于萬州遷巴州

京兆先時傑。琳瑯照一門。朝廷偏注意。接近與名藩。祖帳排舟數。寒江觸石喧。看君妙爲政。他日有殊恩。

奉送十七舅下邵桂

絕域三冬暮。浮生一病身。感深辭舅氏。別後見何人。縹緲蒼梧帝。推遷孟母鄰。昏昏阻雲水。側望苦傷神。

荆南兵馬使太常卿趙公大食刀歌

太常樓船聲嗷嘈。問兵刮寇趨下牢。收出令奔飛百艘。猛蛟突獸紛騰逃。白帝寒城駐錦袍。玄冬示我胡國刀。壯士短衣頭虎毛。憑軒拔鞘天爲高。翻風轉日木怒號。冰翼雪澹傷哀猱。鑄錯碧甕鸞鷓膏。鏦鏦已瑩虛秋濤。鬼物撇振辭坑壕。蒼水使者捫赤條。龍伯國人罷釣鼈。芮公廻首顏色勞。分闡救世用賢豪。趙公玉立高歌起。攬環結佩相終始。萬歲持之護天子。

得君亂絲與君理。蜀江如線針如水。
魑魅魍魎徒爲耳。妖腰亂領敢欣喜。
吁嗟光祿英雄弭。大食寶刀聊可比。

荆岑彈丸心未已。賊臣惡子休干紀。
用之不高亦不庫。不似長劍須天倚。
丹青宛轉麒麟裏。光芒六合無泥滓。

王兵馬使二角鷹

悲臺蕭瑟石龍從。哀壑杈枒浩呼洶。
角鷹倒翻壯士臂。將軍玉帳軒翠氣。
杉雞竹兔不自惜。溪虎野羊俱辟易。
將軍樹動起安西。崑崙處泉入馬蹄。
荆南芮公得將軍。亦如角鷹下朔雲。

中有萬里之長江。迴風滔日孤光動。
二鷹猛腦條徐墜。目如愁胡視天地。
鞬上鋒稜十二翻。將軍勇銳與之敵。
白羽曾肉三狡獬。敢決豈不與之齊。
惡鳥飛飛啄金屋。安得爾輩開其羣。

驅出六合梟鸞分。

見王監兵馬使說近山有白黑二鷹羅者久取竟未能得王以爲毛骨有異他鷹恐臘後春生鶩飛避暖勁翻思秋之甚眇不可見請余賦詩二首

雪飛玉立盡清秋。一生自獵知無敵。

不惜奇毛恣遠遊。百中爭能恥下鞲。

在野只教心力破。鵬礙九天須卻避。

于人何事網羅求。兔藏三窟莫深憂。

【二】

黑鷹不省人閒有。虞羅自覺虛施巧。

度海疑從北極來。春雁同歸必見猜。

正翻搏風超紫塞。萬里寒空祇一日。

玄冬幾夜宿陽臺。金眸玉爪不凡材。

玉腕驪

聞說荆南馬。尙書玉腕驪。驂驪飄赤汗。舉鞭如有問。欲伴習池遊。

蹄躡顧長楸。胡虜三年入。乾坤一戰收。

醉爲馬墜諸公攜酒相看

甫也諸侯老賓客。白帝城門水雲外。江邨野堂爭入眼。安知決臆追風足。職當憂戚伏衾枕。語盡還成開口笑。共指西日不相貸。

罷酒酣歌拓金戟。低身直下八千尺。垂鞭躡絳凌紫陌。朱汗驂驪猶噴玉。況乃遲暮加煩促。提攜別掃清谿曲。喧呼且覆杯中潑。

騎馬忽憶少年時。粉堞電轉紫游韁。向來皓首驚萬人。不虞一蹶終損傷。朋知來問腆我顏。酒肉如山又一時。

散蹄迸落翟唐石。東得平岡出天壁。自倚紅顏能騎射。人生快意多所辱。杖藜強起依僮僕。初筵哀絲動豪竹。

覆舟二首

巫峽盤渦曉。黔陽貢物秋。丹砂同隕石。翠羽共沈舟。羈使空斜影。龍宮閔積流。

篙工幸不溺。俄頃遂輕鷗。

【二】

竹宮時望拜。桂館或求仙。蛇女凌波日。神光照夜年。徒聞斬蛟劍。無復繫犀船。使者隨秋色。迢迢獨上天。

送李功曹之荊州充鄭侍御判官重贈

曾聞宋玉宅。每欲到荊州。此地生涯晚。遙悲水國秋。孤城一柱觀。落日九江流。使者雖光彩。青楓遠自愁。

送王十六判官

客下荊南盡。君今復入舟。買薪猶白帝。鳴櫓已沙頭。衡霍生春早。瀟湘共海浮。荒林庾信宅。爲仗主人留。

別崔興因寄薛據孟雲卿

志士惜妄動。知深難固辭。如何久磨礪。但取不磷緇。夙夜聽憂主。飛騰急濟時。荊州遇薛孟。爲報欲論詩。

寄杜位

寒日經簷短。窮猿失木悲。峽中爲客久。江上憶君時。天地身何在。風塵病敢辭。

封書兩行淚。霑灑裏新詩。

立春

春日春盤細生菜。忽憶兩京全盛時。盤出高門行白玉。菜傳纖手送青絲。

巫峽寒江那對眼。杜陵遠客不勝悲。此身未知歸定處。呼兒覓紙一題詩。

江梅

梅蕊臘前破。梅花年後多。絕知春意好。最奈客愁何。雪樹元同色。江風亦自波。故園不可見。巫岫鬱嵯峨。

庭草

楚草經寒碧。庭春入眼濃。舊低收葉舉。新掩卷牙重。步履宜輕過。開筵得屢供。看花隨節序。不敢強爲容。

愁

江草日日喚愁生。巫峽泠泠非世情。盤渦鸞浴底心性。獨樹花發自分明。十年戎馬暗南國。異域賓客老孤城。渭水秦山得見否。人今罷病虎縱橫。

王十五前閣會

楚岸收新雨。春臺引細風。情人來石上。鮮鱸出江中。鄰舍煩書札。肩輿強老翁。

病身虛俊味。何幸飫兒童。

崔評事弟許相迎。不到。應虛老夫見泥雨。怯出。必愆佳期。走筆戲簡。

江閣邀賓許馬迎。午時起坐自天明。浮雲不負青春色。細雨何孤白帝城。
身過花開露濕好。醉於馬上往來輕。虛疑皓首衝泥怯。實少銀鞍傍險行。

遣悶戲呈路十九曹長

江浦雷聲喧昨夜。春城雨色動微寒。黃鸝竝坐交愁濕。白鷺羣飛太劇乾。

晚節漸於詩律細。誰家數去酒杯寬。唯君最愛清狂客。百遍相過意未闌。

畫夢

二月饒睡昏昏然。不獨夜短晝分眠。桃花氣暖眼自醉。春渚日落夢相牽。

故鄉門巷荆棘底。中原君臣豺虎邊。安得務農息戰鬪。普天無吏橫索錢。

暮春

臥病擁塞在峽中。瀟湘洞庭虛映空。楚天不斷四時雨。巫峽常吹萬里風。

沙上草閣柳新開。城邊野池蓮欲紅。暮春鴛鴦立洲渚。挾子翻飛還一叢。

即事

暮春三月巫峽長。晶晶行雲浮日光。雷聲忽送千峯雨。花氣渾如百和香。

黃鶯過水翻翅去。燕子銜泥濕不妨。飛閣卷簾圖畫裏。虛無只少對瀟湘。

懷瀟上遊

恨望東陵道。平生瀟上遊。春濃停野騎。夜敞宿雲樓。離別人誰在。經過老自休。

眼前今古意。江漢一舟歸。

入宅三首

奔峭背赤甲。斷崖當白鹽。客居愧遷次。春色漸多添。花亞欲移竹。鳥窺新捲簾。

衰年不敢恨。勝概欲相兼。

【二】

亂後居難定。春歸客未還。水生魚復浦。雲暖麝香山。半頂梳頭白。過眉拄杖斑。

相看多使者。一一問函關。

【三】

宋玉歸州宅。雲通白帝城。吾人淹老病。旅食豈才名。峽口風常急。江流氣不平。

只應與兒子。飄轉任浮生。

赤甲

卜居赤甲遷居新。兩見巫山楚水春。炙背可以獻天子。美芹由來知野人。

荆州鄭薛寄詩近

蜀客邠岑非我鄰

笑接郎中評事飲

病從深酌道吾真

一三七四

卜居

歸羨遼東鶴，吟同楚執珪。未成遊碧海，著處覓丹梯。雲嶂寬江北，春耕破漢西。桃紅客若至，定似昔人迷。

暮春題漢西新賃草屋五首

久嗟三峽客，再與暮春期。百舌欲無語，繁花能幾時。谷虛雲氣薄，波亂日華遲。戰伐何由定，哀傷不在茲。

【二】

此邦千樹橘，不見比封君。養拙干戈際，全生麋鹿羣。畏人江北草，旅食漢西雲。萬里巴渝曲，三年實鮑聞。

【三】

綵雲陰復白，錦樹曉來青。身世雙蓬鬢，乾坤一草亭。哀歌時自惜，醉舞爲誰醒。細雨荷鋤立，江猿吟翠屏。

【四】

壯年學書劍，他日委泥沙。事主非無祿，浮生卽有涯。高齋依藥餌，絕域改春華。

喪亂丹心破，王臣未一家。

【五】

欲陳濟世策，已老尙書郎。不息豺狼鬪，空慙鴛鴦行。時危人事急，風逆羽毛傷。落日悲江漢，中宵淚滿牀。

寄從孫崇簡

嗟峨白帝城東西，南有龍湫北虎溪。吾孫騎曹不記馬，業學戶鄉多養雞。龐公隱時盡室去，武陵春樹他人迷。與汝林居未相失，近身藥裏酒常攜。牧豎樵童亦無賴，莫令斬斷青雲梯。

江雨有懷鄭典設

春雨閭閻塞峽中，早晚來自楚王宮。亂波紛披已打岸，弱雲狼藉不禁風。寵光蕙葉與多碧，點注桃花舒小紅。谷口子真正憶汝，岸高浪滑限西東。

熟食日示宗文宗武

消渴遊江漢，羈棲尙甲兵。幾年逢熟食，萬里逼清明。松柏邛山路，風花白帝城。汝曹催我老，回首淚縱橫。

又示兩兒

令節成吾老。他時見汝心。浮生看物變。爲恨與年深。長葛書難得。江州涕不禁。團圓思弟妹。行坐白頭吟。

得舍弟觀書自中都已達江陵今茲暮春月末行李合到夔州悲喜相兼團圓可待賦詩卽事情見乎詞

爾過江陵府。何時到峽州。亂離生有別。聚集病應瘳。颯颯開啼眼。朝朝上水樓。老身須付託。白骨更何憂。

喜觀卽到復題短篇二首

巫峽千山暗。終南萬里春。病中吾見弟。書到汝爲人。意答兒童問。來經戰伐新。泊船悲喜後。款款話歸秦。

【二】

待爾嘖烏鵲。拋書示鶴鴿。枝閒喜不去。原上急曾經。江閣嫌津柳。風帆數驛亭。應論十年事。愁絕始惺惺。

晚登漢上堂

故躋漢岸高。頗免崖石擁。閒襟野堂豁。繫馬林花動。雉堞粉如雲。山田麥無隴。春氣晚更生。江流靜猶湧。四序嬰我懷。羣盜久相踵。黎民困逆節。天子渴垂拱。

所思注東北。深峽轉修聲。衰老自成病。郎官未爲允。凄其望呂葛。不復夢周孔。濟世數嚮時。斯人各枯冢。楚星南天黑。蜀月西霧重。安得隨鳥翎。迫此懼將恐。

寄薛三郎中瓌

人生無賢愚。飄飄若埃塵。自非得神仙。誰克免其身。與子俱白頭。役役常苦辛。雖爲尙書郎。不及邨野人。憶昔邨野人。其樂難具陳。藹藹桑麻交。公侯爲等倫。天未厭戎馬。我輩本常貧。子尙客荊州。我亦滯江濱。峽中一臥病。瘵癘終冬春。春復加肺氣。此病蓋有因。早歲與蘇鄭。痛飲情相親。二公化爲土。嗜酒不失真。余今委修短。豈得恨命屯。聞子心甚壯。所過信席珍。上馬不用扶。每扶必怒嗔。賦詩賓客閒。揮灑動八垠。乃知蓋代手。才力老益神。青草洞庭湖。東浮滄海濱。君山可避暑。況足采白蘋。子豈無扁舟。往復江漢津。我未下瞿唐。空念禹功勤。聽說松門峽。吐藥攬衣巾。高秋卻束帶。鼓柁視青旻。鳳池日澄碧。濟濟多士新。余病不能起。健者勿逡巡。上有明哲君。下有行化臣。

送惠二歸故居

惠子白駒瘦。歸溪唯病身。皇天無老眼。空谷滯斯人。崖蜜松花熟。山杯竹葉新。柴門了無事。黃綺未稱臣。

承聞河北諸道節度入朝歡喜口號絕句十二首

祿山作逆降天誅。

更有思明亦已無。

洵洵人寰猶不定。

時時戰鬪欲何須。

【一】

社稷蒼生計必安。

蠻夷雜種錯相干。

周宣漢武今王是。

孝子忠臣後代看。

【二】

喧喧道路好童謠。

河北將軍盡入朝。

自是乾坤王室正。

卻教江漢客魂銷。

【三】

不道諸公無表來。

茫茫庶事遣人猜。

擁兵相學干戈銳。

使者徒勞萬里廻。

【四】

鳴玉鏘金盡正臣。

修文假武不無人。

與王會靜妖氛氣。

聖壽宜過一萬春。

【五】

英雄見事若通神。

聖哲爲心小一身。

燕趙休矜出佳麗。

宮闈不擬選才人。

【六】

抱病江天白首郎。

空山樓閣暮春光。

衣冠是日朝天子。

草奏何時入帝鄉。

【七】

【八】

澶漫山東一百州。

削成如案抱青丘。

包茅重入歸關內。

王祭還供盡海頭。

【九】

東逾遼水北溱沔。

星象風雲喜共和。

紫氣關臨天地闕。

黃金臺貯俊賢多。

【十】

漁陽突騎邯鄲兒。

酒酣竝轡金鞭垂。

意氣卽歸雙闕舞。

雄豪復遣五陵知。

【十一】

李相將軍擁薊門。

白頭惟有赤心存。

竟能盡說諸侯入。

知有從來天子尊。

【十二】

十二年來多戰場。

天威已息陣堂堂。

神靈漢代中興主。

功業汾陽異姓王。

月三首

斷續巫山雨。

天河此夜新。

若無青嶂月。

愁殺白頭人。

【一】

故園當北斗。

直想照西秦。

翹翹移深樹。

蝦蟇沒半輪。

併照巫山出。

新窺楚水清。

羈棲愁裏見。

二十四廻明。

不違銀漢落。

亦伴玉繩橫。

必驗升沈體。

如知進退情。

【三】

萬里瞿唐月。春來六上弦。時時開暗室。故故滿青天。爽合風襟靜。高當淚臉懸。
 南飛有烏鵲。夜久落江邊。
 晨雨
 小雨晨光內。初來葉上聞。霧交纔濕地。風折旋隨雲。暫起柴荆色。輕霽鳥獸羣。
 麝香山一半。亭午未全分。

杜少陵詩集卷十九

過客相尋

窮老真無事。江山已定居。地幽忘盥櫛。客至罷琴書。掛壁移筐果。呼兒閒煮魚。
 時聞繫舟楫。及此問吾廬。
 豎子至
 檀梨纒綴碧。梅杏半傳黃。小子幽園至。輕籠熟奈香。山風猶滿把。野露及新嘗。
 敲枕江湖客。提攜日月長。

園

仲夏流多水。清晨向小園。碧溪搖艇闕。朱果爛枝繁。始爲江山靜。終防市井喧。
 畦蔬繞茅屋。自足媚盤餐。

歸

東帶還騎馬。東西卻渡船。林中才有地。峽外絕無天。虛白高人靜。喧卑俗累牽。
 他鄉閱遲暮。不敢廢詩篇。

園官送菜

園官送菜把。本數日闕矧。苦苴馬齒掩。乎嘉蔬傷。小人妬害君子。菜不足道也。比而作詩。
 清晨送菜把。常荷地主恩。守者愆實數。略有其名存。苦苴刺如針。馬齒葉亦繁。
 青青嘉蔬色。埋沒在中園。園吏未足怪。世事固堪論。嗚呼戰伐久。荆棘暗長原。
 乃知苦苴輩。傾奪蕙草根。小人塞道路。爲態何喧喧。又如馬齒盛。氣擁葵荏昏。
 點染不易虞。絲麻雜羅紉。一經器物內。永挂蠹刺痕。志士採紫芝。放歌避戎軒。
 畦丁負籠至。感動百慮端。

園人送瓜

江閉雖炎瘴。瓜熟亦不早。柏公鎮夔國。滯務茲一掃。食新先戰士。共少及溪老。

傾筐蒲鶴青。滿眼顏色好。竹竿接嵌竇。引注來鳥道。浮沈亂水玉。愛惜如芝草。落刃嚼冰霜。開懷慰枯槁。許以秋蒂除。仍看小童抱。東陵跡蕪絕。楚漢休征討。闔人非故侯。種此何草草。

課伐木

課隸人伯夷辛秀信行等入谷斬陰木。入日四根止。維條伊枚。正直挺然。晨征暮返。委積庭內。我有藩籬。是缺是補。載伐篠簞。伊仗支持。則旅次小安。山有虎知禁。若恃爪牙之利。必昏黑控突。變人屋壁。列樹白菊。鏝爲牆實。以竹示式。過爲與虎近。混淪乎無良。賓客憂害馬之徒。苟活爲幸。可默息已。作詩示宗武誦。

長夏無所爲。客居課童僕。清晨飯其腹。持斧入白谷。青冥曾巔後。十里斬陰木。人肩四根已。亭午下山麓。尙聞丁丁聲。功課日各足。蒼皮成委積。素節相照燭。藉汝跨小籬。當仗苦虛竹。空荒咆熊羆。乳獸待人肉。不示知禁情。豈惟干戈哭。城中賢府主。處貴如白屋。蕭蕭理體淨。蜂蠶不敢毒。虎穴連里閭。隄防舊風俗。泊舟滄江岸。久客慎所觸。舍西崖嶠壯。雷雨蔚含蓄。牆宇資屢修。衰年怯幽獨。爾曹輕執熱。爲我忍煩促。秋光近青岑。季月當泛菊。報之以微寒。共給酒一斛。

柴門

泛舟登漢西。廻首望兩崖。東城乾旱天。其氣如焚柴。長影沒窈窕。餘光散澗澗。大江蟠嵌根。歸海成一家。下衝割坤軸。竦壁攢鎖鑰。蕭颯灑秋色。氛昏靈日車。峽門自此始。最窄容浮查。禹功翊造化。疏鑿就欹斜。巴渠決太古。衆水爲長蛇。風煙渺吳蜀。舟楫通鹽麻。我今遠遊子。飄轉混泥沙。萬物附本性。約身不願奢。茅棟蓋一牀。清池有餘花。濁醪與脫粟。在眼無吝嗟。山荒人民少。地僻日夕佳。貧賤固其常。富貴任生涯。老子干戈際。宅幸蓬蒿遮。石亂上雲氣。杉清延日華。賞妍又分外。理愜夫何誇。足了垂白年。敢居高士差。書此俗平昔。廻首猶暮霞。

槐葉冷淘

青青高槐葉。采掇付中廚。新麪來近市。汁滓宛相俱。入鼎資過熟。加餐愁欲無。碧鮮俱照筯。香飯兼苞蘆。經齒冷於雪。勸人投比珠。願隨金腰裏。走置錦屠蘇。路遠思恐泥。興深終不渝。獻芹則小小。薦藻明區區。萬里露寒殿。開冰清玉壺。君王納涼晚。此味亦時須。

上後園山脚

朱夏熱所嬰。清旭步北林。小園背高岡。挽葛上崎嶇。曠望延駐目。飄颻散疎襟。潛鱗恨水壯。去翼依雲深。勿謂地無疆。劣於山有陰。石椽遍天下。水陸兼浮沈。

自我登隴首。十年經碧岑。劔門來巫峽。薄倚浩至今。故園暗戎馬。骨肉失追尋。時危無消息。老去多歸心。志士惜白日。久客藉黃金。敢為蘇門嘯。庶作梁父吟。

季夏送鄉弟韶陪黃門從叔朝謁

令弟尚為蒼水使。名家莫出杜陵人。比來相國兼安蜀。歸赴朝廷已入秦。捨舟策馬論兵地。拖玉腰金報主身。莫度清秋吟蟋蟀。早聞黃閣畫麒麟。

灩澦既沒孤根深。西來水多愁太陰。江天漠漠鳥雙去。風雨時時龍一吟。舟人漁子歌回首。估客胡商淚滿襟。寄語舟航惡年少。休翻鹽井擲黃金。

灩澦

高棟曾軒已自涼。秋風此日灑衣裳。脩然欲下陰山雪。不去非無漢署香。絕壁過雲開錦繡。疎松夾水奏笙簧。看君宜著王喬履。真賜還疑出尚方。

虛子彈琴邑宰日。終軍棄繻英妙時。承家節操尚不泯。為政風流今在茲。可憐賓客盡傾蓋。何處老翁來賦詩。楚江巫峽半雲雨。清簾疎簾看奕棋。

七月一日題終明府水樓二首

東屯大江北。百頃平若案。六月青稻多。千畦碧泉亂。插秧適云已。引溜加溉灌。更僕往方塘。決渠當斷岸。公私各地著。浸潤無天旱。主守問家臣。分明見溪畔。芊芊炯翠羽。剌刺生銀漢。鷗鳥鏡裏來。關山雪邊看。秋菰成黑米。精鑿傳白粲。玉粒足晨炊。紅鮮任霞散。終然添旅食。作苦期壯觀。遺穗及衆多。我倉戒滋漫。

秋行官張望監督促東渚耗稻向畢清晨遣女奴阿稽暨子阿段往問

【一】

東渚雨今足。佇聞粳稻香。上天無偏頗。蒲稗各自長。人情見非類。田家戒其荒。功夫競搨搨。除草置岸旁。穀者命之本。客居安可忘。青春具所務。動墾免亂當。吳牛力容易。竝驅紛遊場。豐苗亦已穡。雲水照方塘。有生固蔓延。靜一資隄防。督領不無人。提攜頗在綱。荆揚風土煖。肅肅侯微霜。尚恐主守疎。用心未甚臧。清朝遣婢僕。寄語踰崇岡。西成聚必散。不獨陵我倉。豈要仁里譽。感此亂世忙。北風吹蒹葭。蟋蟀近中堂。荏苒百工休。鬱紆遲暮傷。

阻雨不得歸瀼西甘林

三伏適已過。驕陽化為霖。欲歸瀼西宅。阻此江浦深。壞舟百板圻。峻岸復萬尋。篙工初一棄。恐泥勞寸心。佇立東城隅。悵望高飛禽。草堂亂玄圃。不隔崑崙岑。昏渾衣裳外。曠絕同會陰。園甘長成時。三寸如黃金。諸侯舊上計。厥貢傾千林。

杜少陵詩集卷十九

一三八五

邦人不足重，所迫豪吏侵。客居暫封殖，日夜偶瑤琴。虛徐五株態，側塞煩胸襟。安得輟雨足，杖藜出岷嶷。條流數翠賞，偃息歸碧潯。拂拭烏皮几，喜聞樵牧音。令兒快搔背，脫我頭上簪。

又上後園山脚

昔我遊山東，憶戲東嶽陽。窮秋立日觀，矯首望八荒。朱崖著毫髮，碧海吹衣裳。暮收困用事，玄冥蔚強梁。逝水自朝宗，鎮石各其方。平原獨憔悴，農力廢耕桑。非關風露凋，曾是戍役傷。於時國用富，足以守邊疆。朝廷任猛將，遠奪戎馬場。到今事反覆，故老淚萬行。龜蒙不可見，況乃懷故鄉。肺萎屬久戰，骨出熱中腸。憂來杖匣劍，更上林北岡。瘴毒猿鳥落，峽乾南日黃。秋風亦已起，江漢始如湯。登高欲有往，蕩析川無梁。哀彼遠征人，去家死路旁。不及祖父塋，纍纍塚相當。

奉送王信州峯北歸

朝廷防盜賊，供給愍誅求。下詔遷郎署，傳聲典信州。蒼生今日困，天子嚮時憂。井屋有煙起，瘡痍無血流。壤歌惟海甸，畫角自山樓。白髮寐常早，荒榛農復秋。解龜踰臥轍，遣騎覓扁舟。徐榻不知倦，穎川何以酬。塵生彤管筆，寒膩黑貂裘。高義終焉在，斯文去矣休。別離同雨散，行止各雲浮。林熱鳥開口，江渾魚掉頭。

尉佗雖北拜，太史尚南留。軍旅應都息，寰區要盡收。九重思諫諍，八極念懷柔。徒倚瞻王室，從容仰廟謀。故人持雅論，絕塞豁窮愁。復見陶唐理，甘爲汗漫遊。

驅賢子摘蒼耳

江上秋已分，林中瘴猶劇。哇丁告勞苦，無以供朝夕。蓬莠獨不焦，野蔬暗泉石。卷耳況瘵風，童兒且時摘。侵星驅之去，爛漫任遠適。放筐亭午際，洗剝相蒙翳。登牀半生熟，下筯還小益。加點瓜薤閒，依稀橘奴跡。亂世誅求急，黎民糠粃窄。飽食亦何心，荒哉膏粱客。富家廚肉臭，戰地骸骨白。寄語惡少年，黃金且休擲。

甘林

捨舟越西岡，入林解我衣。青芻適馬性，好鳥知人歸。晨光映遠岫，夕露見日晞。遲暮少寢食，清曠喜荆扉。經過倦俗態，在野無所違。試問甘藜藿，未肯羨輕肥。喧靜不同科，出處各天機。勿矜朱門是，陋此白屋非。明朝步鄰里，長老可以依。時危賦斂數，脫粟爲爾揮。相攜行豆田，秋花靄菲菲。子實不得喫，貨市送王畿。盡添軍旅用，迫此公家威。主人長跪問，戎馬何時稀。我衰易悲傷，屈指數賊圍。勸其死王命，慎莫遠奮飛。

暇日小園散病將種秋菜督勸耕牛兼書觸目

不愛入州府。畏人嫌我真。及乎歸茅宇。旁舍未嘗嗔。老病忌拘束。應接喪精神。江邨意自放。林木心所欣。秋耕屬地濕。山雨近甚勻。冬菁飯之半。牛力晚來新。深耕種數畝。未甚後四鄰。嘉蔬既不一。名數頗具陳。荆巫非苦寒。採擷接青春。飛來雙白鶴。暮啄泥中芹。雄者左翻垂。損傷已露筋。一步再流血。尚驚增繳勳。三步六號叫。志屈悲哀頻。鸞鳳不相待。側頸訴高旻。杖藜俯沙渚。爲汝鼻酸辛。

雨

山雨不作泥。江雲薄爲霧。晴飛半嶺鶴。風亂平沙樹。明滅洲景微。隱見巖姿露。拘悶出門遊。曠絕經目趣。消中日伏枕。臥久塵及屨。豈無平肩輿。莫辯望鄉路。兵戈浩未息。蛇虺反相顧。悠悠邊月破。鬱鬱流年度。針灸阻朋曹。糠粃對童孺。一命須屈色。新知漸成故。窮荒益自卑。飄泊欲誰訴。庭羸愁應接。俄頃恐逢送。浮俗何萬端。幽人有高步。龐公竟獨往。向子終罕遇。宿留洞庭秋。天寒瀟湘素。杖策可入舟。送此齒髮暮。

溪上

峽內淹留客。溪邊四五家。古苔生渚地。秋竹隱疎花。塞俗人無井。山田飯有沙。西江使船至。時復問京華。

樹閒

岑寂雙柑樹。婆娑一院香。交柯低几杖。垂實礙衣裳。滿歲如松碧。同時待菊黃。幾回霑葉露。乘月坐胡牀。

白露

白露團甘子。清晨散馬蹄。圓開連石樹。船渡入江溪。憑几看魚樂。回鞭急鳥棲。漸知秋實美。幽徑恐多蹊。

諸葛廟

久遊巴子國。屢入武侯祠。竹日斜虛寢。溪風滿薄帷。君臣當共濟。賢聖亦同時。翊戴歸先主。并吞更出師。蟲蛇穿畫壁。巫覡綴蛛絲。款憶吟梁父。躬耕也未遲。

見螢火

巫山秋夜螢火飛。疎簾巧入坐人衣。忽驚屋裏琴書冷。復亂簷前星宿稀。卻遶井欄添箇箇。偶經花藥弄輝輝。滄江白髮愁看汝。來歲如今歸未歸。

夜雨

小雨夜復密。迴風吹早秋。野涼侵閉戶。江滿帶維舟。通籍恨多病。爲郎忝薄遊。天寒出巫峽。醉別仲宣樓。

更題

只應踏初雪。騎馬發荊州。直怕巫山雨。真傷白帝秋。羣公蒼玉佩。天子翠雲裘。同舍晨趨侍。胡爲淹此留。

舍弟觀歸藍田迎新婦送示二首

汝去迎妻子。高秋念卻回。卽今螢已亂。好與雁同來。東望西江永。南遊北戶開。卜居期靜處。會有故人杯。

【二】

楚塞難爲路。藍田莫滯留。衣裳判白露。鞍馬信清秋。滿峽重江水。開帆八月舟。此時同一醉。應在仲宣樓。

別李祕書始興寺所居

不見祕書心若失。及見祕書失心疾。

安爲動主理信然。我獨覺子神充實。

重開西方止觀經。老身古寺風泠泠。

妻兒待米且歸去。他日杖藜來細聽。

送李八祕書赴杜相公幕

青簾白舫益州來。巫峽秋濤天地迴。

石出倒聽楓葉下。櫓搖背指菊花開。

貪趨相府今晨發。恐失佳期後命催。

南極一星朝北斗。五雲多處是三台。

巫峽徹廬奉贈侍御四舅別之禮朗

江城秋日落。山鬼閉門中。行李淹吾舅。誅茅問老翁。赤眉猶世亂。青眼只途窮。傳語桃源客。人今出處同。

孟氏

孟氏好兄弟。養親惟小園。承顏胼手足。坐客強盤飧。負米夕葵外。讀書秋樹根。卜隣慚近舍。訓子學誰門。

吾宗

吾宗老孫子。質朴古人風。耕鑿安時論。衣冠與世同。在家常早起。憂國願年豐。語及君臣際。經書滿腹中。

奉酬薛十二丈判官見贈

忽忽峽中睡。悲風方一醒。西來有好鳥。爲我下青冥。羽毛淨白雪。慘澹飛雲汀。旣蒙主人顧。舉翮唳孤亭。持以比佳士。及此慰揚舲。清文動哀玉。見道發新硎。欲學鴟夷子。待勒燕山銘。誰重新邪劍。致君君未聽。志在麒麟閣。無心雲母屏。

卓氏近新寡，豪家朱門局。相如才調逸，銀漢會雙星。客來洗粉黛，日暮拾流螢。不是無膏火，勸郎勤六經。老夫自汲澗，野水日泠泠。我嘆黑頭白，君看銀印青。臥病識山鬼，為農知地形。誰矜坐錦帳，苦厭食魚鯉。東西兩岸坼，橫水注滄溟。碧色忽惆悵，風雷搜百靈。空中右白虎，赤節引娉婷。自云帝季女，嚶雨鳳凰翎。襄王薄行跡，莫學令威丁。千秋一拭淚，夢覺有微馨。人生相感動，金石兩青燐。丈人但安坐，休辯渭與涇。龍蛇尚格鬪，灑血暗郊坰。吾聞聰明主，治國用輕刑。銷兵鑄農器，今古歲方寧。天王日儉德，俊乂始盈庭。榮華貴少壯，豈食楚江萍。

寄狄明府博濟

梁公會孫我姨弟，不見十年官濟濟。大賢之後竟陵遲，浩蕩古今同一體。比看伯叔四十人，有才無命百寮底。今者兄弟一百人，幾人卓絕乘周禮。在汝更用文章為，長兄白眉復天啓。汝門請從曾翁說，太后當朝多巧詆。狄公執政在末年，濁河終不污清濟。前朝長老皆流涕，國嗣初將付諸武。公獨廷諍守丹陛，禁中決策請房陵。誰謂茶苦甘如濟，漢官威儀重昭洗。時危始識不世才，千謁侯王頗歷抵。汝曹又宜列鼎食，身使門戶多旌棨。胡為飄泊岷漢閒，況乃山高水有波。秋風蕭蕭露泥泥。

虎之饑下巖壘。

蛟之橫出清澗。

早歸來。

黃土污衣眼易昧。

同元使君春陵行

覽道州元使君結春陵行兼賊退後示官吏作二首志之曰：當天子分憂之地，效漢官良吏之目。今盜賊未息，知民疾苦，得結輩十數公，落落然參錯天下，為邦伯，萬物吐氣，天下小安可待矣。不意復見比興體制，微婉頓挫之詞，感而有詩，增諸卷軸，簡知我者，不必寄元。

遭亂髮盡白，轉衰病相嬰。沈繇盜賊際，狼狽江漢行。歎時藥力薄，為客羸瘵成。吾人詩家秀，博采世上名。祭祭元道州，前聖畏後生。觀乎春陵作，歎見俊哲情。復覽賊退篇，結也實國禎。賈誼昔流憫，匡衡嘗引經。道州憂黎庶，詞氣浩縱橫。兩章對秋月，一字借華星。致君唐虞際，淳朴憶大底。何時降璽書，用爾為丹青。獄訟永衰息，豈惟偃甲兵。悽惻念誅求，薄斂近休明。乃知正人意，不苟飛長纓。涼颺振南嶽，之子寵若驚。色沮金印大，興含滄浪清。我多長卿病，日夕思朝廷。肺枯渴太甚，漂泊公孫城。呼兒具紙筆，隱几臨軒楹。作詩呻吟內，墨淡字欹傾。感彼危苦詞，庶幾知者聽。

秋日夔府詠懷奉寄鄭監兼李賓客之芳一百韻

絕塞烏蠻北。孤城白帝邊。飄零仍百里。消渴已三年。雄劍鳴匣匣。羣書滿繫船。
 亂離心不展。衰謝日蕭然。筋力妻孥問。菁華歲月遷。登臨多物色。陶冶賴詩篇。
 峽東滄江起。巖排古樹圓。拂雲蠶楚氣。朝海蹴吳天。煮井為鹽速。燒畝度地偏。
 有時驚疊嶂。何處覓平川。鴻鸕雙雙舞。獼猴壘壘懸。碧蘿長似帶。錦石小如錢。
 春草何曾歇。寒花亦可憐。獵人吹戍火。野店引山泉。喚起搔頭急。扶行幾屐穿。
 兩京猶薄產。四海絕隨肩。幕府初交辟。郎官幸備員。瓜時猶旅寓。萍泛苦資緣。
 藥餌虛狼藉。秋風灑靜便。開襟驅瘴癘。明目掃雲煙。高宴諸侯禮。佳人上客前。
 哀箏傷老大。華屋艷神仙。南內開元曲。當時弟子傳。法歌聲變轉。滿座涕潺湲。
 弔影夔州僻。回腸杜曲煎。卽今龍廡水。莫帶犬戎羶。耿賈扶王室。蕭曹拱御筵。
 乘威滅蜂蠆。戮力効鷹鷂。舊物森猶在。囚徒惡未俊。國須行戰伐。人憶止戈鋌。
 奴僕何知禮。恩榮錯與權。胡星一彗孛。貽首遂拘繫。哀痛絲綸切。煩苛法令蠲。
 業成陳始王。兆喜出於敗。宮禁經綸密。台階翊戴全。熊羆載呂望。鴻雁美周宣。
 側聽中興主。長吟不世賢。音微一柱數。道里下牢千。鄭李光時論。文章竝我先。
 陰何尚清省。沈宋歎聯翩。律比崑崙竹。音知燥濕絃。風流俱善價。愜當久忘筌。

置驛常如此。登龍蓋有焉。雖云隔禮數。不敢墜周旋。高視收入表。虛心味道玄。
 馬來皆汗血。鶴唳必青田。羽翼商山起。蓬萊漢閣連。管寧紗帽淨。江令錦袍鮮。
 東郡時題壁。南湖日扣舷。遠遊凌絕境。佳句染華牋。每欲孤飛去。徒爲百慮牽。
 生涯已寥落。國步尚迤邐。衾枕成蕪沒。池塘作棄捐。別離憂怛怛。伏臘涕漣漣。
 露菊斑豐鎬。秋蔬影澗瀨。共誰論昔事。幾處有新阡。富貴空回首。喧爭懶著鞭。
 兵戈塵漠漠。江漢月娟娟。局促看秋燕。蕭疎聽晚蟬。雕蟲蒙記憶。烹鯉問沈綿。
 卜羨君平杖。偷存子敬氈。囊虛把釵釧。米盡拆花鈿。甘子陰涼葉。茅齋八九椽。
 陣圖沙北岸。市暨瀆西巔。羈絆心常折。棲遲病卽痊。紫收岷嶺芋。白種陸池蓮。
 色好梨勝頰。穠多栗過拳。敕廚惟一味。求飽或三鱸。俗異鄰鮫室。朋來坐馬羶。
 縛柴門窄窄。通竹溜涓涓。塹抵公畦稜。邨依野廟壩。缺籬將棘拒。倒石賴藤纏。
 借問頻朝謁。何如穩醉眠。誰云行不逮。自覺坐能堅。霧雨銀章澁。馨香粉署妍。
 紫鸞無近遠。黃雀任翩翻。困學違從衆。明公各勉旃。聲華夾宸極。早晚到星躔。
 懇諫留匡鼎。諸儒引服虔。不過輪奐直。會是正陶甄。宵旰憂虞軫。黎元疾苦駢。
 雲臺終日畫。青簡爲誰編。行路難何有。招尋興已專。由來具飛檄。暫擬控鳴弦。
 身許雙峰寺。門求七祖禪。落帆追宿昔。衣褐向真詮。安石名高晉。昭王客赴燕。

途中非阮籍，查上似張翥。披拂雲寧在，淹留景不延。風期終破浪，水怪莫飛涎。他日辭神女，傷春怯杜鵑。淡交隨聚散，澤國遠迴旋。本自依迦葉，何曾藉偃佺。鱸峰生轉眄，橘井尙高寒。東走窮歸鶴，南征盡貼鳶。晚間多妙教，卒踐塞前愆。願憶丹青列，頭陀瓊瑛鑄。衆香深黯黯，幾地肅芊芊。勇猛爲心極，清羸任體孱。金篋空刮眼，鏡象未離銓。

寄劉峽州伯華使君四十韻

峽內多雲雨，秋來尙鬱蒸。遠山朝白帝，深水謁夷陵。遲暮嗟爲客，西南喜得朋。哀猿更起坐，落雁失飛騰。伏枕思瓊樹，臨軒對玉繩。青松寒不落，碧海闊逾澄。昔歲文爲理，羣公價盡增。家聲同令聞，時論以儒稱。太后當朝肅，多才接述昇。翠虛捐烟燭，丹極上鯤鵬。宴引春壺酒，思分夏簟冰。雕章五色筆，紫殿九華燈。學竝盧王敏，書偕褚薛能。老兄真不墜，小子獨無承。近有風流作，聊從月窟徵。放蹄知赤驥，振翅服蒼鷹。卷軸來何晚，襟懷庶可憑。會期吟諷數，益破旅愁凝。雕刻初誰料，纖毫欲自矜。神融躡飛動，戰勝洗侵陵。妙取筌蹄棄，高宜百萬層。白頭遺恨在，青竹幾人登。回首追談笑，勞歌踟躕興。年華紛已矣，世故莽相仍。刺史諸侯貴，郎官列宿應。潘生雲閣遠，黃霸璽書增。乳管號樂石，饑腸訴落藤。

藥囊親道士，灰劫問胡僧。憑久烏皮拆，簪稀白帽稜。林居看蟻穴，野食待魚罾。筋力交彫喪，飄零免戰兢。皆爲百里宰，正似六安丞。姍女蒙新裏，丹砂冷舊秤。但求椿壽永，莫慮杞天崩。鍊骨調情性，張兵撓棘矜。養生終自惜，伐叛必全懲。政術甘疎誕，詞場愧服膺。展懷詩誦魯，割愛酒如澠。咄咄寧書字，冥冥欲避憎。江湖多白鳥，天地有青蠅。

秋清

高秋蘇肺氣，白髮自能梳。藥餌憎加減，門庭悶掃除。杖藜還客拜，愛竹遣兒書。十月江平穩，輕舟進所如。

秋峽

江濤萬古峽，肺氣久衰翁。不寐防巴虎，全生狎楚童。衣裳垂素髮，門巷落丹楓。常怪商山老，兼存翊贊功。

搖落

搖落巫山暮，寒江東北流。煙塵多戰鼓，風浪少行舟。鵝費羲之墨，貂餘季子裘。長懷報明主，臥病復高秋。

峽隘

聞說江陵府。雲沙靜渺然。白魚如切玉。朱橋不論錢。水有遠湖樹。人今何處船。青山各在眼。卻望峽中天。

杜少陵詩集卷二十

秋日寄題鄧監湖上亭三首

碧草違春意。沅湘萬里秋。池要山簡馬。月淨庾公樓。磨滅餘篇翰。平生一釣舟。高唐寒浪滅。髣髴識昭丘。

【二】

新作湖邊宅。還聞賓客過。自須開竹迳。誰道避雲蘿。官序潘生拙。才名賈傅多。捨舟應卜地。隣接意如何。

【三】

暫阻蓬萊閣。終爲江海人。揮金應物理。拖玉豈吾身。羹煮秋葦滑。盃凝露菊新。

賦詩分氣象。佳句莫頻頻。

秋野五首

秋野日疏蕪。寒江動碧虛。繫舟蠻井絡。卜宅楚邨墟。棗熟從人打。葵荒欲自鋤。盤飧老夫食。分減及溪魚。

【二】

易識浮生理。難教一物違。水深魚極樂。林茂鳥知歸。衰老甘貧病。榮華有是非。秋風吹几杖。不厭北山薇。

【三】

禮樂攻吾短。山林引興長。掉頭紗帽側。曝背竹書光。風落收松子。天寒割蜜房。稀疎小紅翠。駐屐近微香。

【四】

遠岸秋沙白。連山晚照紅。潛鱗輸傲浪。歸翼會高風。砧響家家發。樵聲箇箇同。飛霜任青女。賜被隔南宮。

【五】

身許麒麟畫。年衰鴛鴦羣。大江秋易盛。空峽夜多聞。徑隱千重石。帆留一片雲。

兒童解蠻語。不必作參軍。

課小豎鋤。斫舍北果林。枝蔓荒穢淨。訖移牀三首

病枕依茅棟。荒鉏淨果林。背堂資僻遠。在野興清深。山雉防求敵。江猿應獨吟。洩雲高不去。隱几亦無心。

【二】

衆壑生寒早。長林卷霧齊。青蟲懸就日。朱果落封泥。薄俗防人面。全身學馬蹄。吟詩重回首。隨意葛巾低。

【三】

籬弱門何向。沙虛岸只摧。日斜魚更食。客散鳥還來。寒水光難定。秋山響易哀。天涯稍曠黑。倚仗獨徘徊。

返照

反照開巫峽。寒空半有無。已低魚復暗。不盡白鹽孤。荻岸如秋水。松門似畫圖。牛羊識僮僕。既夕應傳呼。

向夕

賦畝孤城外。江邨亂水中。深山催短景。喬木易高風。鶴下雲汀近。雞棲草屋同。

琴書散明燭。長夜始堪終。

天池

天池馬不到。嵐壁鳥纔通。百頃青雲杪。曾波白石中。鬱紆騰秀氣。蕭瑟浸寒空。直對巫山峽。兼疑夏禹功。魚龍開闢有。菱芡古今同。聞道奔雷黑。初看浴日紅。飄零神女雨。斷續楚王風。欲問支機石。如臨獻寶宮。九秋驚雁序。萬里狎漁翁。更是無人處。誅茅任薄躬。

復愁十二首

人煙生處僻。虎跡過新蹄。野鶻翻窺草。邨船逆上溪。

【二】

釣艇收縉盡。昏鴉接翅稀。月生初學扇。雲細不成衣。

【三】

萬國尙戎馬。故園今若何。昔歸相識少。早已戰場多。

【四】

身覺省郎在。家須農事歸。年深荒草徑。老恐失柴扉。

【五】

金絲鏤箭鏃。卓尾製旗竿。一自風塵起。猶嗟行路難。

【六】

胡虜何曾盛。干戈不肯休。閭閻聽小子。談笑覓封侯。

【七】

貞觀銅牙弩。開元錦獸張。花門小箭好。此物棄沙場。

【八】

今日翔麟馬。先宜駕鼓車。無勞問河北。諸將角榮華。

【九】

任轉江淮粟。休添苑囿兵。由來貔虎士。不滿鳳凰城。

【十】

江上亦秋色。火雲終不移。巫山猶錦樹。南國且黃鸝。

【十一】

每恨陶彭澤。無錢對菊花。如今九日至。自覺酒須賒。

【十二】

病減詩仍拙。吟多意有餘。莫看江總老。猶被賞時魚。

自瀼西荆扉且移居東屯茅屋四首

白鹽危嶠北。赤甲古城東。平地一川穩。高山四面同。煙霜淒野日。秔稻熟天風。人事傷蓬轉。吾將守桂叢。

【一】

東屯復瀼西。一種住清溪。來往皆茅屋。淹留爲稻畦。市喧宜近利。林僻此無蹊。若訪衰翁語。須令賸客迷。

【二】

道北馮都使。高齋見一川。子能渠細石。吾亦沼清泉。枕帶還相似。柴荆卽有焉。斫畚應費日。解纜不知年。

【三】

牢落西江外。參差北戶閒。久遊巴子國。臥病楚人山。幽獨移佳境。清深隔遠關。寒空見鷺鷥。迴首憶朝班。

社日兩篇

九農成德業。百祀發光輝。報効神如在。馨香舊不違。南翁巴曲醉。北雁塞聲微。尙想東方朔。談諧割肉歸。

【二】

陳平亦分肉。太史竟論功。今日江南老。他時渭北童。歡娛看絕塞。涕淚落秋風。

八月十五夜月二首

滿目飛明鏡。歸心折大刀。轉蓬行地遠。攀桂仰天高。水路疑霜雪。林棲見羽毛。此時瞻白兔。直欲數秋毫。

【三】

稍下巫山峽。猶銜白帝城。氣沈全浦暗。輪仄半樓明。刁斗皆催曉。蟾蜍且自傾。張弓倚殘魄。不獨漢家營。

十六夜翫月

舊挹金波爽。皆傳玉露秋。關山隨地闊。河漢近人流。谷口樵歸唱。孤城笛起愁。巴童渾不寐。半夜有行舟。

十七夜對月

秋月仍圓夜。江邨獨老身。捲簾還照客。倚杖更隨人。光射潛虬動。明翻宿鳥頻。茅齋依橘柚。清切露華新。

曉望

白帝更聲盡。陽臺曙色分。高峰寒上日。疊嶺宿靈雲。地坼江帆隱。天清木葉聞。荆扉對麋鹿。應共爾爲羣。

日暮

牛羊下來久。各已閉柴門。風月自清夜。江山非故園。石泉流暗壁。草露滴秋根。頭白燈明裏。何須花燼繁。

暝

日下四山陰。山庭風氣侵。牛羊歸徑險。鳥雀聚枝深。正枕當星劍。收書動玉琴。半扉開燭影。欲掩見清砧。

晚

杖藜尋巷晚。炙背近墻暄。人見幽居僻。吾知拙養尊。朝廷問府主。耕稼學山邨。歸翼飛棲定。寒燈亦閉門。

夜

絕岸風威動。寒房燭影微。嶺猿霜外宿。江鳥夜深飛。獨坐親雄劍。哀歌動短衣。煙塵繞閭闔。白首壯心違。

九月一日過孟十二倉曹十四主簿兄弟

藜杖侵寒露。蓬門起曙煙。力稀經樹歇。老困撥書眠。秋覺追隨盡。來因孝友偏。清談見滋味。爾輩可忘年。

孟倉曹步趾領新酒醬二物滿器見遺老夫

楚岸通秋屐。胡牀面夕畦。籍糟分汁滓。甕醬落提攜。飯糲添香味。朋來有醉泥。理生那免俗。方法報山妻。

送孟十二倉曹赴東京選

君行別老親。此去苦家貧。藻鏡留連客。江山憔悴人。秋風楚竹冷。夜雪鞏梅春。朝夕高堂念。應宜綵服新。

憑孟倉曹將書覓土婁舊莊

平居喪亂後。不到洛陽岑。爲歷雲山間。無辭荆棘深。北風黃葉下。南浦白頭吟。十載江湖客。茫茫遲暮心。

簡吳郎司法

有客乘舸自忠州。遺騎安置瀆西頭。古堂本買藉疎豁。借汝遷居停宴遊。雲石熒熒高葉曙。風江颯颯亂帆秋。卻爲姻婭過逢地。許坐曾軒數散愁。

又呈吳郎

堂前撲棗任西隣。無食無兒一婦人。不爲因窮寧有此。祇緣恐懼轉須親。卽防遠客雖多事。便插疎籬卻任真。已訴徵求貧到骨。正思戎馬淚盈巾。

晚晴吳郎見過北舍

圃畦新雨潤。愧子廢鉏來。竹杖交頭拄。柴扉掃徑開。欲棲羣鳥亂。未去小童催。明日重陽酒。相迎自醞醅。

九日五首

重陽獨酌杯中酒。抱病起登江上臺。竹葉於人既無分。菊花從此不須開。殊方日落玄猿哭。舊國霜前白雁來。弟妹蕭條各何在。干戈衰謝兩相催。

【二】

舊日重陽日。傳杯不放杯。卽今蓬鬢改。但媿菊花開。北闕心長戀。西江首獨迴。茱萸賜朝士。難得一枝來。

【三】

舊與蘇司業。兼隨鄭廣文。采花香泛泛。坐客醉紛紛。野樹敲還倚。秋砧醒卻聞。歡娛兩冥漠。西北有孤雲。

【四】

故里樊川菊。登高素滙源。他時一笑後。今日幾人存。巫峽蟠江路。終南對國門。繫舟身萬里。伏枕淚雙痕。爲客裁烏帽。從兒具綠樽。佳辰對羣盜。愁絕更堪論。

登高

風急天高猿嘯哀。渚清沙白鳥飛廻。無邊落木蕭蕭下。不盡長江滾滾來。萬里悲秋常作客。百年多病獨登臺。艱難苦恨繁霜鬢。潦倒新亭濁酒杯。

羣山人隱居

南極老人自有星。北山移文誰勒銘。微君已去獨松菊。哀壑無光留戶庭。予見亂離不得已。子知出處必須經。高車駟馬帶傾覆。恨望秋天虛翠屏。

東屯月夜

抱病漂萍老。防邊舊穀屯。春農親異俗。歲月在衡門。青女霜楓重。黃牛峽水喧。泥留虎鬪跡。月掛客愁邨。喬木澄稀影。輕雲倚細根。數驚聞雀噪。暫睡想猿蹲。日轉東方白。風來北斗昏。天寒不成寐。無夢寄歸魂。

東屯北峽

盜賊浮生困。誅求異俗貧。空邨唯見鳥。落日未逢人。步壑風吹面。看松露滴身。

遠山回白首。戰地有黃塵。

從驛次草堂復至東屯茅屋二首

峽內歸田客。江邊借馬騎。非尋戴安道。似向習家池。山險風煙僻。天寒橘柚垂。築場看斂積。一學楚人爲。

【二】

短景難高臥。衰年強此身。山家蒸栗煖。野飯射糜新。世路知交薄。門庭畏客頻。牧童斯在眼。田父實爲隣。

暫往白帝復還東屯

復作歸田去。猶殘穫稻功。築場憐穴蟻。拾穗許邨童。落杵光輝白。除芒子粒紅。加餐可扶老。倉廩慰飄蓬。

茅堂檢校收稻二首

香稻三秋末。平田百頃閒。喜無多屋宇。幸不礙雲山。御挾侵寒氣。嘗新破旅顏。紅鮮終日有。玉粒未吾慳。

【二】

稻米炊能白。秋葵煮復新。誰云滑易飽。老藉軟俱勻。種幸房州熟。苗同伊闕春。

無勞映渠盤。自有色如銀。

刈稻了詠懷

稻穫空雲水。川平對石門。寒風疎草木。旭日散雞豚。野哭初聞戰。樵歌稍出邨。無家問消息。作客信乾坤。

季秋蘇五弟纓江樓夜宴崔十三評事韋少府姪三首

峽險江驚急。樓高月迴明。一時今夕會。萬里故鄉情。星落黃姑渚。秋辭白帝城。老人因酒病。堅坐看君傾。

【二】

對月那無酒。登樓況有江。聽歌驚白鬢。笑舞拓秋臆。樽蟻添相續。沙鷗竝一雙。盡憐君醉倒。更覺片心降。

【三】

明月生長好。浮雲薄漸遮。悠悠照遠塞。悄悄憶京華。清動杯中物。高隨海上槎。不眠瞻白兔。百過落烏鴉。

戲寄崔評事表姪蘇五表弟韋大少府諸姪

隱豹深愁雨。潛龍故起雲。泥多仍徑曲。心醉沮賢羣。忍對江山麗。還披鮑謝文。

高樓憶疎豁。秋興坐氤氳。

季秋江邨

喬木邨墟古。疎籬野蔓懸。素琴將暇日。白首望霜天。登俎黃甘重。支牀錦石圓。遠遊雖寂寞。難見此山川。

小園

由來巫峽水。本是楚人家。客病留因藥。春深買爲花。秋庭風落果。灑岸雨頽沙。問俗營寒事。將詩待物華。

寒雨朝行視園樹

柴門擁樹向千株。丹橘黃甘此地無。江上今朝寒雨歇。籬中秀色畫屏舒。桃蹊李徑年雖古。梔子紅椒艷復殊。鎖石藤梢元自落。倚天松骨見來枯。林香出實垂將盡。葉蒂辭枝不重蘇。愛日恩光蒙借貸。清霜殺氣得憂虞。衰顏動覓藜牀坐。緩步仍須竹杖扶。散騎未知雲閣處。啼猿僻在楚山隅。

傷秋

邨僻來人少。山長去鳥微。高秋收畫扇。久客掩柴扉。懶慢頭時櫛。艱難帶減圍。將軍思汗馬。天子尙戎衣。白蔣風颭脆。殷檉曉夜稀。何年滅豺虎。似有故園歸。

卽事

天畔羣山孤草亭。江中風浪雨冥冥。一雙白魚不受釣。三寸黃甘猶自青。
 多病馬卿無日起。窮途阮籍幾時醒。未聞細柳散金甲。腸斷秦川流濁溼。

耳聲

生年鵝冠子。歎世鹿皮翁。眼復幾時暗。耳從前月聾。猿鳴秋淚缺。雀噪晚愁空。

獨坐二首

竟日雨冥冥。雙崖洗更青。水花寒落岸。山鳥暮過庭。媛老思燕玉。充饑憶楚萍。

【二】

白狗斜臨北。黃牛更在東。峽雲常照夜。江日會兼風。曬藥安垂老。應門試小童。

雲

龍以瞿唐會。江依白帝深。終年常起峽。每夜心通林。收穫辭霜渚。分明在夕岑。

大曆二年九月三十日

爲客無時了。悲秋向夕終。瘴餘夔子國。霜薄楚王宮。草敵虛嵐翠。花禁冷葉紅。

十月一日

有瘴非全歇。爲冬亦不難。夜郎溪日暖。白帝峽風寒。蒸裏如千室。焦糖幸一杆。

孟冬

殊俗還多事。方冬變所爲。破甘霜落爪。嘗稻雪翻匙。巫峽寒都薄。黔溪瘴遠隨。

雷

巫峽中宵動。滄江十月雷。龍蛇不成蟄。天地劃爭迴。卻碾空山過。深蟠絕壁來。

閔

瘴癘浮三蜀。風雲暗百蠻。卷簾唯白水。隱几亦青山。猿捷長難見。鷗輕故不還。

夜二首

向夜月休弦。燈花半委眠。號山無定鹿。落樹有驚蟬。暫憶江東鮪。兼懷雪下船。蠻歌犯星起。空覺在天邊。

【一】

城郭悲笳暮。郵墟過翼稀。甲兵年數久。賦斂夜深歸。暗樹依巖落。明河繞塞微。斗斜人更望。月細鵲休飛。

朝二首

清旭楚宮南。霜空萬嶺含。野人時獨往。雲木曉相參。俊鶻無聲過。饑鳥下食貪。病身終不動。搖落任江潭。

【二】

浦帆晨初發。郊扉冷未開。林疎黃葉墜。野靜白鷗來。礎潤休全濕。雲晴欲半廻。巫山終可怪。昨夜有奔雷。

戲作俳諧體遣悶二首

異俗吁可怪。斯人難竝居。家家養烏鬼。頓頓食黃魚。舊識能爲態。新知已暗疎。治生且耕鑿。只有不關渠。

【一】

西歷青羌坂。南甯白帝城。於菟侵客恨。鉅紉作人情。瓦卜傳神語。畚田費火耕。是非何處定。高枕笑浮生。

昔遊

昔謁華蓋君。深求洞宮脚。玉棺已上天。白日亦寂寞。暮升長岑頂。巾几猶未卻。弟子四五人。入來淚俱落。今時遊名山。發初在遠壑。良覲違夙願。含悽向寥廓。林昏罷幽磬。竟夜伏石閣。王喬下天壇。微月映皓鶴。晨溪響虛駛。歸徑行已昨。豈辭青鞋胝。恨望金匕藥。東蒙赴舊隱。尙憶同志樂。伏事董先生。於今獨蕭索。胡爲客關塞。道意久衰薄。妻子亦何人。丹砂負前諾。雖悲髮鬢變。未憂筋力弱。杖藜望清秋。有興入廬霍。

雨四首

微雨不滑道。斷雲疎復行。紫崖奔處黑。白鳥去邊明。秋日新霑影。寒江舊落聲。柴扉臨野碓。半濕搗香秬。

【二】

江雨舊無時。天晴忽散絲。暮秋霑物冷。今日過雲遲。上馬回休出。看鷗坐不移。

高軒當澗澗。潤色靜書帷。

【三】

物色歲時晏。天隅人未歸。朔風鳴浙浙。寒雨下霏霏。多病久加飯。衰容新授衣。時危覺凋喪。故舊短書稀。

【四】

楚雨石苔滋。京華消息遲。山寒青兕叫。江晚白鷗飢。神女花鈿落。鮫人織杼悲。繁憂不自整。終日灑如絲。

大覺高僧蘭若

巫山不見廬山遠。松林蘭若秋風晚。一老猶鳴日暮鐘。諸僧但乞齋時飯。香爐峰色隱晴湖。種杏仙家近白榆。飛錫去年啼邑子。獻花何日許門徒。

謁真諦寺禪師

蘭若山高處。煙霞嶂幾重。凍泉依細石。晴雪落長松。問法看詩妄。觀身向酒慵。未能割妻子。卜宅近前峰。

上卿翁請修武侯廟遺像缺落時崔卿權夔州

大賢爲政卽多聞。刺史真符不必分。尙有西郊諸葛廟。臥龍無首對江濱。

奉送卿二翁統節度鎮軍還江陵

火旗還錦纜。白馬出江城。嘹唳吟笳發。蕭條別浦清。寒空巫峽曙。落日渭陽情。留滯嗟衰疾。何時見息兵。

久雨期王將軍不至

天雨蕭蕭滯茅屋。空山無以慰幽獨。銳頭將軍來何遲。令我心中苦不足。數看黃霧亂玄雲。時聽嚴風折喬木。泉源泠泠雜猿狖。泥濘漠漠飢鴻鵠。歲暮窮陰耿未已。人生會面難再得。憶爾腰下鐵絲箭。射殺林中雪色鹿。前者坐皮因問毛。知子歷險人馬勞。應弦不礙蒼山高。安得突騎只五千。峩然眉骨皆爾曹。走平亂世相催促。一豁明主正鬱陶。恨昔范增碎玉斗。未使吳兵著白袍。昏昏闔閭閉氛祲。十月荆南雷怒號。

虎牙行

秋風歛吸吹南國。天地慘慘無顏色。洞庭揚波江漢迴。虎牙銅柱皆傾側。巫峽陰岑朔漠氣。峰巒窈窕谿谷黑。杜鵑不來猿狖寒。山鬼幽陰霜雪逼。楚老長嗟憶炎瘴。三尺角弓兩斛力。壁立石城橫塞起。金錯旌竿滿雲直。漁陽突騎獵青丘。犬戎鎖甲圍丹極。八荒十年防盜賊。征戍誅求寡妻哭。

遠客中宵淚霑臆

錦樹行

今日苦短昨日休，荒戍之城石色古。青草萋萋盡枯死，故國三年一消息。生男墮地要膂力。

歲云暮矣增離憂，東郭老人住青丘。天馬跛足隨羗牛，終南渭水寒悠悠。一生富貴傾邦國。

霜凋碧樹作錦樹，飛雪白帝營斗粟。自古聖賢多薄命，五陵豪貴反顛倒。莫愁父母少黃金。

萬壑東逝無停置，琴瑟几杖柴門幽。姦雄惡少皆封侯，鄉里小兒狐白裘。天下風塵兒亦得。

自平

自平中官呂太一，蠻溪豪族小動搖。

收珠南海千餘日，世封刺史非時朝。

近供生犀翡翠稀，蓬萊殿前諸主將。

復恐征戍干戈密，才如伏波不得驕。

寄裴施州

廊廟之具裴施州，自從相遇減多病。幾度寄書白鹽北，柴衣使者辭復命。

宿昔一逢無比流，三歲爲客寬邊愁。苦寒贈我青羔裘，再拜故人謝佳政。

金鐘大鑪在東序，堯有四岳明至理。霜雪迴光避錦袖，將老已失子孫憂。

冰壺玉衡懸清秋，漢二千石真分憂。龍蛇動轅蟠銀鉤，後來況接才華盛。

鄭典設自施州歸

吾憐榮陽秀，冒暑初有適。名賢慎出處，不肯妄行役。旅茲殊俗遠，竟以屢空迫。南謁裴施州，氣合無險僻。攀援懸根本，登頓入天石。青山自一川，城郭洗憂戚。聽子話此邦，令我心悅懌。其俗則淳樸，不知有主客。溫溫諸侯門，禮亦如古昔。敕廚倍常羞，杯盤頗狼藉。時雖屬喪亂，事貴當匹敵。中宵愜良會，裴鄭非遠戚。羣書一萬卷，博涉供務隙。他日辱銀鉤，森疎見矛戟。倒屣喜旋歸，畫地求所歷。乃聞風土質，又重田疇闢。刺史似寇恂，列郡宜競借。北風吹瘴癘，羸老思散策。渚拂蒼葭寒，疇穿蘿葛罽。此身仗兒僕，高興潛有激。孟冬方首路，強飯取崖壁。歎爾疲駑駘，汗溝血不赤。終然備外飾，勸馭何所益。我有平肩輿，前途猶準的。翩翩入鳥道，庶脫蹉跌厄。

觀公孫大娘弟子舞劍器行并序

大曆二年十月十九日，夔州別駕元持宅，見臨穎李十二娘舞劍器，壯其蔚跂，問其所師，曰：余公孫大娘弟子也。開元三載，余尚童稚，記於郾城觀公孫氏舞劍器，渾脫瀏灑頓挫，獨出冠時。自高頭宜春梨園二伎坊內人，洎外供奉舞女，曉是舞者，聖文神武皇帝初，公孫一人而已。玉貌锦衣，況余白首。今茲弟子，亦匪盛顏。既辯其由來，知波瀾莫二。撫事懔

慨聊爲劔器行。昔者吳人張旭善草書。書帖數嘗於鄆縣。見公孫大娘舞西河劔器。自此草書長進。豪蕩感激。卽公孫可知矣。

昔有佳人公孫氏。一舞劔器動四方。
燿如羿射九日落。矯如羣帝驂龍翔。
絳唇珠袖兩寂寞。晚有弟子傳芬芳。
與余問答既有以。感時撫事增惋傷。
五十年間似反掌。風塵澗洞昏王室。
金粟堆南木已拱。瞿唐石城草蕭瑟。
老夫不知其所往。足躡荒山轉愁疾。
觀者如山色沮喪。天地爲之久低昂。
來如雷霆收震怒。罷如江海凝清光。
臨穎美人在白帝。妙舞此曲神揚揚。
先帝侍女八千人。公孫劔器初第一。
梨園弟子散如煙。女樂餘姿映寒日。
玳筵急管曲復終。樂極哀來月東出。

寫懷二首

勞生共乾坤。何處異風俗。冉冉自趨競。行行見繩束。
萬古一骸骨。鄰家遞歌哭。鄙夫到巫峽。三歲如轉燭。
朝班及暮齒。日給還脫粟。編蓬石城東。采藥山北谷。
非關故安排。曾是順幽獨。達士如弦直。小人似鈎曲。
無貴賤不悲。無富貧亦足。
曲直吾不知。負暄候樵牧。

【一】

夜深坐南軒。明月照我膝。驚風翻河漢。梁棟日已出。
吾亦驅其兒。營營爲私實。天寒行旅稀。歲暮日月疾。
古者三皇前。滿腹志願畢。胡爲有結繩。陷此膠與漆。
君看燈燭張。轉使飛蛾密。放神八極外。俛仰俱蕭瑟。
終然契真如。得匪金仙術。

杜少陵詩集卷二十一

冬至

年年至日長爲客。忽忽窮愁泥殺人。
杖藜雪後臨丹壑。鳴玉朝來散紫宸。
柳司馬至 江上形容吾獨老。天涯風俗自相親。
心折此時無一寸。路迷何處是三秦。

有客歸三峽。相遇問兩京。函關猶出將。渭水更屯兵。
幽燕唯鳥去。商洛少人行。衰謝身何補。蕭條病轉嬰。
別李義 霜天到宮闕。戀主寸心明。

神堯十八子。十七王其門。道國洎舒國。實維親弟昆。
中外貴賤殊。余亦忝諸孫。

丈人嗣三葉。之子白玉溫。道國繼德業。請從丈人論。丈人領宗卿。肅睦古制敦。先朝納諫諍。直氣橫乾坤。子建文章壯。河間經術存。爾克富詩禮。骨清慮不喧。洗然遇知己。談論淮湖奔。憶昔初見時。小褊繡芳蓀。長成忽會面。慰我久疾魂。三峽春冬交。江山雲霧昏。正宜且聚集。恨此當離樽。莫怪執杯遲。我衰涕唾煩。重問子何之。西上岷江源。願子少干謁。蜀都是戎軒。誤失將帥意。不知親故恩。少年早歸來。梅花已飛翻。努力慎風水。豈惟數盤餐。猛虎臥左岸。蛟螭出無痕。王子自愛惜。老夫困石根。生別古所嗟。發聲爲爾吞。

送高司直尋封閬州

丹雀銜書來。暮棲何鄉樹。驂驢事天子。辛苦在道路。司直非冗官。荒山甚無趣。借問泛舟人。胡爲入雲霧。與子姻婭閒。既親亦有故。萬里長江邊。邂逅亦相遇。長卿消渴再。公幹沈綿屢。清談慰老夫。開卷得佳句。時見文章士。欣然談情素。伏枕聞別離。疇能忍漂寓。良會苦短促。溪行水奔注。熊羆咆空林。遊子慎馳騫。西謁巴中侯。艱險如跬步。主人不世才。先帝常特顧。拔爲天軍佐。崇大王法度。淮海生清風。南翁尙思慕。公宮造廣厦。木石乃無數。初聞伐松柏。猶臥天一柱。我病書不成。成字讀亦誤。爲我問故人。勞心練征戍。

可歎

天上浮雲似白衣。斯須改變如蒼狗。古往今來共一時。人生萬事無不有。近者扶眼去其夫。河東女兒身姓柳。丈夫正色動引經。鄆城客子王季友。羣書萬卷常暗誦。孝經一通看在手。貧窮老瘦家賣屬。好事就之爲搗酒。豫章太守高帝孫。引爲賓客敬頗久。聞道三年未曾語。小心恐懼閉其口。太守得之更不疑。人生反覆看已醜。明月無瑕豈容易。紫氣鬱鬱猶衝斗。時危可仗真豪俊。二人得置君側否。太守頃者領山南。邦人思之比父母。王生早曾拜顏色。高山之外皆培塿。用爲義和天爲成。用平水土地爲厚。王也論道阻江湖。李也疑丞曠前後。死爲星辰終不滅。致君堯舜焉肯朽。吾輩碌碌飽飯行。風后力牧長廻首。

奉賀陽城郡王太夫人恩命加鄕國太夫人

衛幕銜恩重。潘輿送喜頻。濟時瞻上將。錫號戴慈親。富貴當如此。尊榮邁等倫。郡依封土舊。國與大名新。紫誥鸞迴紙。清朝燕賀人。遠傳冬筍味。更覺彩衣春。奕葉班姑史。芬芳孟母隣。義方兼有訓。詞翰兩如神。委曲承顏體。慈飛報主身。可憐忠與孝。雙美畫麒麟。

送田四弟將軍將夔州柏中丞命起居江陵節度使陽城郡王衛公墓
離筵罷多酒。起柁發寒塘。回首中丞座。馳牋異姓王。燕辭楓樹日。雁度麥城霜。
定醉山翁酒。遙憐似葛彊。

題柏學士茅屋

碧山學士焚銀魚。白馬卻走身巖居。古人已用三冬足。年少今開萬卷餘。
晴雲滿戶團傾蓋。秋水浮堦溜決渠。富貴必從勤苦得。男兒須讀五車書。

題柏大兄弟山居屋壁二首

叔父朱門貴。郎君玉樹高。山居精典籍。文雅涉風騷。江漢終吾老。雲林得爾曹。
哀絃繞白雪。未與俗人操。

【二】

野屋流寒水。山籬帶薄雲。靜應連虎穴。喧已去人羣。筆架雷虵雨。書籤映隙曛。
蕭蕭千里足。箇箇五花文。

白帝樓

漠漠虛無裏。連連睥睨侵。樓光去日遠。峽影入江深。臘破思端綺。春歸待一金。
去年梅柳意。還欲攪邊心。

白帝城樓

江度塞山閣。城高絕塞樓。翠屏宜晚對。白谷會深遊。急急能鳴雁。輕輕不下鷗。
夷陵春色起。漸擬放扁舟。

有歎

壯心久零落。白首寄人閒。天下兵常鬪。江東客未還。窮猿號雨雪。老馬怯關山。
武德開元際。蒼生豈重攀。

舍弟觀赴藍田取妻子到江陵喜寄三首

汝迎妻子達荊州。消息真傳解我憂。鴻雁影來連峽內。鵲鴿飛急到沙頭。
曉關險路今虛遠。禹鑿寒江正穩流。朱紱即當隨綵鶴。青春不假報黃牛。

【二】

馬度秦山雪正深。北來肌骨苦寒侵。他鄉就我生春色。故國移居見客心。
歡劇提攜如意舞。喜多行坐白頭吟。巡簷索共梅花笑。冷蘂疎枝半不禁。

【三】

庾信羅含俱有宅。春來秋去作誰家。短牆若在從殘草。喬木如存可假花。
卜築應同蔣詡徑。爲園須似邵平瓜。比年病酒開涓滴。弟勸兄酬何怨嗟。

夜歸

夜半歸來衝虎過，
庭前把燭噴兩炬。

山黑家中已眠臥，
峽口驚猿聞一箇。

傍見北斗向江低，
白頭老罷舞復歌。

仰看明星當空大，
杖藜不睡誰能那。

前苦寒行二首

漢時長安雪一丈，
秦城老翁荆揚客。

牛馬毛寒縮如蝟，
慣習炎蒸歲絺綌。

楚江巫峽冰入懷，
玄冥祝融氣或交。

虎豹哀號又堪記，
手持白羽未敢釋。

【二】

去年白帝雪在山，
楚人四時皆麻衣。

今年白帝雪在地，
楚天萬里無晶輝。

凍埋蛟龍南浦縮，
三尺之烏足恐斷。

寒刮肌膚北風利，
羲和送之將安歸。

晚晴

高唐暮冬雪壯哉，
南天三句苦霧開。
口雖吟詠心中哀，
支離委絕同死灰。

舊瘴無復似塵埃，
赤日照耀從西來。
未怪及時少年子，

崖沈谷沒白皚皚，
六龍寒急光徘徊。
揚眉結義黃金臺，

江石缺裂青楓摧，
照我衰顏忽落地。
汨乎吾生何飄零，

復陰

方冬合沓玄陰塞，
江濤簸岸黃沙走。

昨日晚晴今日黑，
雲雪埋山蒼兕吼。

萬里飛蓬映天過，
君不見夔子之國杜陵翁。

孤城樹羽揚風直，
牙齒半落左耳聾。

後苦寒行二首

南紀巫廬瘴不絕，
玄猿口噤不能嘯。

太古以來無尺雪，
白鶴翅垂眼流血。

蠻夷長老畏苦寒，
安得春泥補地裂。

崑崙天關凍應折，

【二】

晚來江門失大木，
不爾苦寒何太酷。

猛風中夜吹白屋，
巴東之峽生凌澌。

天兵斬斷青海戎，
彼蒼迴幹人得知。

殺氣南行動坤軸，

元日示宗武

汝啼吾手戰，
訓諭青衿子。

吾笑汝身長，
名慚白首郎。

處處逢正月，
賦詩猶落筆。

迢迢滯遠方，
不見江東弟。

又示宗武

覓句新知律，
應須飽經術。

攤書解滿牀，
已似愛文章。

試吟青玉案，
十五男兒志。

莫羨紫羅囊，
曾參與游夏。

遠懷舍弟穎觀等

陽翟空知處。荆南近得書。積年仍遠別。多難不安居。江漢春風起。冰霜昨夜除。雲天猶錯莫。花萼尚蕭疎。對酒都疑夢。吟詩正憶渠。鄉黨羨吾廬。續得觀書。迎就當陽居止。正月中旬。定出三峽。

自汝到荆府。書來數喚吾。頤椒添諷詠。禁火卜歡娛。舟楫因人動。形骸用杖扶。天旋夔子峽。春近岳陽湖。發日排南喜。傷神散北吁。飛鳴還接翅。行序密銜蘆。俗薄江山好。時危草木蘇。馮唐雖晚達。終覲在皇都。

太歲日

楚岸行將老。巫山坐復春。病多猶是客。謀拙竟何人。閭闔開黃道。衣冠拜紫宸。榮光懸日月。賜予出金銀。愁寂鴛行斷。參差虎穴隣。西江元下蜀。北斗故臨秦。散地逾高枕。生涯脫要津。天邊梅柳樹。相見幾回新。

人日二首

元日到人日。未有不陰時。冰雪鶯難至。春寒花較遲。雲隨白水落。風振紫山悲。蓬鬢稀疎久。無勞比素絲。

【二】

此日此時人共得。一談一笑俗相看。樽前柏葉休隨酒。勝裏金花巧耐寒。

佩劍衝星聊暫拔。匣琴流水自須彈。早春重引江湖興。直道無憂行路難。

喜聞盜賊總退口號五首

蕭關隴水入官軍。青海黃河卷塞雲。北極轉愁龍虎氣。西戎休縱犬羊羣。

【二】

贊普多教使入秦。數通和好止煙塵。朝廷忽用哥舒將。殺伐虛悲公主親。

【三】

崆峒西極過崑崙。駝馬由來擁國門。逆氣數年吹路斷。蕃人聞道漸星奔。

【四】

勃律天西采玉河。堅昆碧盃最來多。舊隨漢使千堆寶。少答胡王萬匹羅。

【五】

今春喜氣滿乾坤。南北東西拱至尊。大曆三年調玉燭。玄元皇帝聖雲孫。

送大理封主簿五郎親事不合卻赴通州主簿前閬州賈子余與主簿

平章鄭氏女子。垂欲納采。鄭氏伯父京書至。女子已許他族。親事遂停。禁櫛去東床。趨庭赴北堂。風波空遠涉。琴瑟幾虛張。渥水出麒麟。崑山生鳳凰。兩家誠款款。中道許蒼蒼。頗謂秦晉匹。從來王謝郎。青春動才調。白首缺輝光。

玉潤終孤立，珠明得暗藏。餘寒拆花卉，恨別滿江鄉。

將別巫峽贈南卿兄懷西果園四十畝

苦竹素所好，萍蓬無定居。遠遊長兒子，幾地別林廬。雜藥紅相對，他時錦不如。具舟將出峽，巡圃念攜鋤。正月喧鶯未，茲辰放鶴初。雪離梅可折，風榭柳微舒。託贈卿家有，因歌野興疎。殘生逗江漢，何處狎樵漁。

巫山縣汾州唐使君十八弟宴別兼諸公攜酒樂相送率題小詩留於屋壁

臥病巴東久，今年強作歸。故人猶遠謫，茲日倍多違。接宴身兼杖，聽歌淚滿衣。諸公不相棄，擁別借光輝。

敬寄族弟唐十八使君

與君陶唐後，盛族多其人。聖賢冠史籍，枝派羅源津。在今氣磊落，巧偽莫敢親。介立實吾弟，濟時肯殺身。物白諱受玷，行高無污真。得罪永泰末，放之五溪濱。鸞鳳有鍛翮，先儒曾抱麟。雷霆劈長松，骨大卻生筋。一失不足傷，念子孰自珍。泊舟楚宮岸，戀闕浩酸辛。除名配清江，厥土巫峽隣。登陸將首途，筆札枉所申。歸朝踟病肺，敘舊思重陳。春風洪濤壯，谷轉頗彌旬。我能泛中流，店突電鄉噴。長年已省柁，慰此貞良臣。

春夜峽州田侍御長史津亭留宴得筵字

北斗三更席，西江萬里船。杖藜登水榭，揮翰宿春天。白髮煩多酒，明星惜此筵。始知雲雨峽，忽盡下牢邊。

大曆三年春白帝城放船出瞿唐峽久居夔府將適江陵漂泊有詩凡四十韻

老向巴人裏，今辭楚塞隅。入舟翻不樂，解纜獨長吁。窄轉深啼狖，虛隨亂浴烏。石苔凌几杖，空翠撲肌膚。疊壁排霜劍，奔泉灑水珠。杳冥藤上下，濃淡樹榮枯。神女峰娟妙，昭君宅有無。曲畱明怨惜，夢盡失歡娛。擺闔盤渦沸，鼓斜激浪輸。風雷纏地脈，冰雪曜天衢。鹿角真走險，狼頭如跋胡。惡灘寧變色，高臥負微軀。書史全傾撓，裝囊半壓濡。生涯臨臬兀，死地脫斯須。不有平川決，焉知衆壑趨。乾坤靈漲海，雨露洗春蕪。鷗鳥牽絲鬣，驪龍濯綿紆。落霞沈線綺，殘月壞金樞。泥筍苞初荻，沙茸出小蒲。雁兒爭水馬，燕子逐橋烏。絕島容煙霧，環洲納曉晡。前聞辯陶牧，轉盼拂匡都。縣郭南畿好，津亭北望孤。勞心依憩息，朗詠劃昭蘇。意遣樂還笑，衰迷賢與愚。鬪蕭將素髮，汨沒聽洪鑪。丘壑曾忘返，文章敢自誣。此生遭聖代，誰分哭窮途。臥疾淹為客，蒙恩早廁儒。廷爭酬造化，樸直乞江湖。澆瀆險相迫，滄浪深可逾。浮名尋已已，嬾計卻區區。喜近天皇寺，先披古畫圖。

應經帝子渚。同泣舜蒼梧。朝士兼戎服。君王按湛盧。旄頭初傲擾。鵠首麗泥塗。甲卒身雖貴。書生道固殊。出塵皆野鶴。歷塊匪轅駒。伊呂終難降。韓彭不易呼。五雲高太甲。六月曠搏扶。迴首黎元病。爭權將帥誅。山林託疲茶。未必免崎嶇。行次古城店。汎江作不揆。鄙拙奉呈江陵幕府諸公。

老年常道路。遲日復山川。白屋花開裏。孤城麥秀邊。濟江元自闊。下水不勞牽。風蝶勤依藥。春鷗懶避船。王門高德業。幕府盛才賢。行色兼多病。蒼茫汎愛前。泊松滋江亭。

紗帽隨鷗鳥。扁舟繫此亭。江湖深更白。松竹遠微青。一柱全應近。高唐莫再經。今宵南極外。甘作老人星。

乘雨入行軍六弟宅

曙角凌雲亂。春城帶雨長。水花分慙弱。巢燕得泥忙。令弟雄軍佐。凡才污省郎。萍漂忍流涕。衰颯近中堂。

上巳日徐司錄林園宴集

鬢毛垂領白。花藥亞枝紅。鼓倒衰年廢。招尋令節同。薄衣臨積水。吹面受和風。有喜留攀桂。無勞問轉蓬。

宴胡侍御書堂

江湖春欲暮。墻宇日猶微。闌闌書籍滿。輕輕花絮飛。翰林名有素。墨客興無違。今夜文星動。吾儕醉不歸。

書堂飲既夜復邀李尚書下馬月下賦絕句

湖月林風相與清。殘檣下馬復同傾。久拚野鶴如雙鬢。遮莫隣雞下五更。

奉送蘇州李二十五長史丈之任

星拆台衡地。曾爲人所憐。公侯終必復。經術竟相傳。食德見從事。克家何妙年。一毛生鳳穴。三尺獻龍泉。赤壁浮春暮。姑蘇落海邊。客閒頭最白。惆悵此離筵。

暮春江陵送馬大卿公恩命追赴闕下

自古求忠孝。名家信有之。吾賢富才術。此道未磷緇。玉府標孤映。霜蹄去不疑。激揚音韻徹。藉甚衆多推。潘陸應同調。孫吳亦異時。北辰徵事業。南紀赴恩私。卿月昇金掌。王春度玉墀。薰風行應律。湛露卽歌詩。天意高難問。人情老易悲。樽前江漢闊。後會且深期。

和江陵宋大少府暮春雨後同諸公及舍弟宴書齋

渥注汗血種。天上麒麟兒。才士得神秀。書齋開爾爲。棣華晴雨好。綵服暮春宜。

朋酒日歡會，老夫今始知。

暮春陪李尚書李中丞過鄭監湖亭汎舟得過字韻

海內文章伯，湖邊意緒多。玉樽移晚興，桂楫帶酣歌。春日繁魚鳥，江天足芰荷。鄭莊賓客地，衰白遠來過。

宇文晁之尚書子崔或司業孫重泛鄭監前湖

郊扉俗遠長幽寂，野水春來更接連。錦席淹留還出浦，葛巾敲側未廻船。君看鄭谷去黃綠，樽當霞綺輕初散。棹拂荷珠碎卻圓，不但習池歸酩酊。

歸雁

聞道今春雁，南歸自廣州。見花辭漲海，避雪到羅浮。是物關兵氣，何時免客愁。年年霜露隔，不過五湖秋。

短歌行贈王郎司直

王郎酒酣拔劍斫地歌莫哀，我能拔爾抑塞磊落之奇才。豫章翻風白日動，欲向何門被珠履。鯨魚跋浪滄溟開，且脫劍佩休徘徊。西得諸侯棹錦水，青眼高歌望吾子，眼中之人吾老矣。

憶昔行

憶昔北尋小有洞，洪河怒濤過輕舸。辛動不見華蓋君，良岑青輝慘么麼。千崖無人萬壑靜，三步回頭五步坐。秋山眼冷魂未歸，仙賞心違淚亦墮。弟子誰依白茅屋，盧老獨啓青銅鎖。巾拂香餘搗藥塵，階除灰死燒丹火。玄圃滄洲莽空闊，金節羽衣飄婀娜。落日初霞閃餘映，倏忽東西無不可。松風礪水聲合時，青兕黃熊啼向我。徒然咨嗟撫遺跡，至今夢想仍猶左。祕訣隱文須內教，晚歲何功使願果。更討衡陽董鍊師，南浮早鼓瀟湘柁。

惜別行送向卿進奉端午御衣之上都

肅宗昔在靈武城，指揮猛將收咸京。向公泣血灑行殿，佐佑卿相乾坤平。逆胡冥冥隨煙燼，卿家兄弟功名震。麒麟圖畫鴻雁行，紫極出入黃金印。尚書勳業超千古，雄鎮荊州繼吾祖。裁縫雲務成御衣，拜跪題封賀端午。向卿將命寸心赤，青山落日江湖白。卿到朝廷說老翁，漂零已是滄浪客。

夏日楊長寧宅送崔侍御常正字入京得深字韻

醉酒揚雄宅，升堂子賤琴。不堪垂老鬢，還對欲分襟。天地西江遠，星辰北斗深。烏臺俯麟閣，長夏白頭吟。

夏夜李尚書筵送宇文石首赴縣聯句

愛客尚書重，之官宅相賢。酒香傾坐側。帆影駐江邊。覆表郎官瑞。鳧看令宰仙。
兩稀雲葉斷，夜久燭花偏。數語敲紗帽。高文擲綵牋。與饒行處樂。離情醉中眠。

多病執熱奉懷李尚書之芳

衰年正苦病侵凌，首夏何須氣鬱蒸。大水淼茫炎海接，奇峯硤兀火雲升。

思露道暘黃梅雨，敢望宮恩玉井冰。不是尚書期不顧，山陰夜雪與難乘。

水宿遣興奉呈羣公

魯鈍仍多病，逢迎遠復迷。耳聾須畫字，髮短不勝篋。澤國雖勤雨，炎天竟淺泥。
小江還積浪，弱纜且長堤。歸路非關北，行舟卻向西。暮年漂泊恨，今夕亂雜啼。
童稚頻書札，盤飧詎糝藜。我行何到此，物理直難齊。高枕翻星月，嚴城疊鼓鞀。
風號聞虎豹，水宿伴鳧鷖。異縣驚虛往，同人惜解攜。蹉跎長汎鷁，展轉屢鳴雞。
巖巖珊瑚器，陰陰桃李蹊。餘波期救涸，費日苦輕齋。杖策門闌遠，肩輿羽翮低。
自傷甘賤役，誰愍強幽棲。巨海能無釣，浮雲亦有梯。勳庸思樹立，語默可端倪。
贈粟困應指，登橋柱必題。丹心老未折，時訪武陵溪。

遣悶

地闊平沙岸，舟虛小洞房。使塵來驛道，城日避烏檣。暑雨雷蒸濕，江風借夕涼。
行雲星隱見，疊浪月光芒。螢鑿緣帷徹，蛛絲罥鬢長。哀箏猶憑几，鳴笛竟霑裳。
倚著如秦贅，過逢類楚狂。氣衝看劍匣，穎脫撫錐囊。妖孽關東臭，兵戈隴右瘡。
時清疑武略，世亂闕文場。餘力浮於海，端憂問彼蒼。百年從萬事，故國耿難忘。

江邊星月二首

驟雨清秋夜，金波耿玉繩。天河元自白，江浦向來澄。映物連珠斷，緣空一鏡升。
餘光隱更漏，況乃露華凝。

【二】

江月辭風纜，江星別霧船。雞鳴還曙色，鶯浴自晴川。歷歷竟誰種，悠悠何處圓。
客愁殊未已，他夕始相鮮。

舟月對驛近寺

更深不假獨，月朗自明船。金剝青楓外，朱樓白水邊。城烏啼眇眇，野鶯宿娟娟。
皓首江湖客，鉤簾獨未眠。

舟中

風餐江柳下，雨臥驛樓邊。結纜排魚網，連檣竝米船。今朝雲細薄，昨夜月清圓。

飄泊南底老，祇應學水仙。

江陵節度使陽城郡王新樓成，王請嚴侍御判官賦七字句，同作

樓上炎天冰雪生，高飛燕雀賀新成。碧窗宿霧濛濛濕，朱戟浮雲細細輕。
仗鉞寒帷瞻具美，投壺散帙有餘清。自公多暇延參佐，江漢風流萬古情。

又作此奉衛王

西北樓成雄楚都，遠開山嶽散江湖。二儀清濁還高下，三伏炎蒸定有無。

推轂幾年惟鎮靜，曳裾終日盛文儒。白頭授簡焉能賦，魏似相如爲大夫。

秋日荆南述懷三十韻

昔承推獎分，愧匪挺生材。遲暮宮臣忝，艱危袞職陪。揚鑣隨日馭，折檻出雲臺。
罪戾寬猶活，干戈塞未開。星霜玄鳥變，身世白駒催。伏枕因超忽，扁舟任往來。
九饋巴噉火，三蟄楚祠雷。望帝傳應實，昭王問不迴。蛟螭深作橫，豺虎亂雄猜。
素業行已矣，浮名安在哉。琴鳥曲怨憤，庭鶴舞摧頹。秋水漫湘竹，陰風過嶺梅。
苦搖求食尾，常曝報恩腮。結舌防讒柄，探腸有禍胎。蒼茫步兵哭，展轉仲宣哀。
饑藉家家米，愁徵處處杯。休爲貧士歎，任受衆人咍。得喪初難識，榮枯劃易該。
差池分組冕，合沓起蒿萊。不必伊周地，皆登屈宋才。漢庭和異域，晉史斥中台。

霸業尋常體，宗臣忌諱災。羣公紛戮力，聖慮宵徘徊。數見銘鐘鼎，真宜法斗魁。
願聞鋒鏑鏘，莫使棟梁摧。盤石圭多剪，凶門穀少推。垂旒資穆穆，祝網但恢恢。
赤雀翻然至，黃龍詎假媒。賢非夢傅野，隱類鑿顏恢。自古江湖客，冥心若死灰。

秋日荆南送石首薛明府辭滿告別奉寄薛尚書頌德敘懷斐然之作三十韻

南征爲客久，西候別君初。歲滿歸烏鳥，秋來把雁書。荆門雷美化，姜被就離居。
聞道和親入，垂名報國餘。連枝不日竝，八座幾時除。往者胡星孛，恭惟漢網疎。
風塵相涸洞，天地一丘墟。殿瓦鴛鴦坼，宮籬翡翠虛。鉤陳摧徹道，槍纍失儲胥。
文物陪巡狩，親賢病拮据。公時呵鯨鱗，首唱卻鯨魚。勢愜宗蕭相，材非一范曄。
屍填太行道，血走浚儀渠。盜口師仍會，函關慣已據。紫微臨大角，皇極正乘輿。
賞從頻異曷，殊恩再直廬。豈惟高衛霍，曾是接應除。降集翻翔鳳，迫攀絕衆狙。
侍臣雙宋玉，戰策兩穰苴。鑒徹勞懸鏡，荒蕪已荷鋤。嚮來披述作，重此憶周嘘。
白髮甘凋喪，青雲亦卷舒。經綸功不朽，跋涉體何如。應訝耽湖橘，常餐占野蔬。
十年嬰藥餌，萬里狎樵漁。揚子淹投閣，鄒生惜曳裾。但驚飛熠燿，不記改蟪蛄。
煙雨封巫峽，江淮略孟諸。湯池雖險固，遼海尙填淤。努力輸肝膽，休煩獨起予。

杜少陵詩集卷二十二

暮歸

霜黃碧梧白鶴棲。城上擊柝復烏啼。客子入門月皎皎。誰家搗練風淒淒。
南渡桂水闕舟楫。北歸秦川多鼓鞀。年過半百不稱意。明日看雲還杖藜。

哭李尚書之芳

漳濱與蒿里。逝水竟同年。欲挂留徐劍。猶迴憶戴船。相知成白首。此別閉黃泉。
風雨嗟何及。江湖涕泫然。修文將管輅。奉使失張騫。史閣行人在。詩家秀句傳。
客亭鞍馬絕。旅榘網蟲懸。復魄昭丘遠。歸魂素滻偏。樵蘇封葬地。喉舌罷朝天。
秋色凋春草。王孫若箇邊。

重題

涕灑不能收。哭君餘白頭。兒童相識盡。宇宙此生浮。江雨銘旌濕。湖風井徑秋。
還瞻魏太子。賓客減應劉。

哭李常侍嶧二首

一代風流盡。修文地下深。斯人不重見。將老失知音。短日行梅嶺。寒山落桂林。
長安若箇伴。猶想映貂金。

【二】

青瑣陪雙入。銅梁阻一辭。風塵逢我地。江漢哭君時。次第尋書札。呼兒檢贈詩。
發揮王子表。不媿史臣詞。

舟出江陵南浦奉寄鄭少尹審

更欲投何處。飄然去此都。形骸元土木。舟楫復江湖。社稷纏妖氣。干戈送老儒。
百年同棄物。萬國盡窮途。雨洗平沙淨。天銜闊岸紆。鳴蜩隨汎梗。別燕起秋蕪。
棲託難高臥。饑寒迫向隅。寂寥相向沫。浩蕩報恩珠。溟漲鯨波動。衡陽雁影徂。
南征問懸榻。東逝想乘桴。濫竊商歌聽。時憂卞泣誅。經過憶鄭驛。斟酌旅情孤。

移居公安山館

南國晝多霧。北風天正寒。路危行木杪。身迴宿雲端。山鬼吹燈滅。廚人語夜闌。
雞鳴問前館。世亂敢求安。

醉歌行贈公安顏十少府請顧八題壁

神仙中人不易得。顧氏之子才孤標。天馬長鳴待駕馭。秋鷹整翮當雲霄。

君不見東吳顧文學。君不見西漢杜陵老。詩家筆勢君不嫌。詞翰升堂爲君掃。是日霜風凍七澤。烏蠻落照衝赤壁。酒酣耳熱忘頭白。感君意氣無所惜。一爲歌行歌主客。

送顧八分文學適洪吉州

中郎石經後。八分蓋憔悴。顧侯運鐘鐺。筆力破餘地。昔在開元中。韓蔡同最屬。玄宗妙其書。是以數子至。御札早流傳。掄揚非造次。三人竝入直。恩澤各不二。顧於韓蔡內。辯眼工小字。分日侍諸王。鈞深法更祕。文學與我遊。蕭疎外聲利。追隨二十載。浩蕩長安醉。高歌卿相宅。文翰飛省寺。視我揚馬閒。白首不相棄。驂驅入窮巷。必脫黃金轡。一論朋友難。遲暮敢失墜。古來事反覆。相見橫涕泗。嚮者玉珂人。誰是青雲器。才盡傷形骸。病渴污官位。故舊獨依然。時危話顛躋。我甘多病老。子負憂世志。胡爲困衣食。顏色少稱遂。遠作辛苦行。順從衆多意。舟楫無根蒂。蛟鼉好爲祟。況兼水賊繁。特戒風颺駛。崩騰戎馬際。往往殺長吏。子千束諸侯。勸勉防縱恣。邦以民爲本。魚餽費香餌。請哀瘡痍深。告訴皇華使。使臣精所擇。進德知歷試。側隱誅求情。固應賢愚異。烈士惡苟得。俊傑思自致。贈子猛虎行。出郊載酸鼻。

官亭夕坐戲簡顏十少府

南國調寒杵。西江浸日車。客愁連蟋蟀。亭古帶葦葭。不返青絲鞵。虛燒夜燭花。老翁須地主。細細酌流霞。

移居公安敬贈衛大郎鈞

衛侯不易得。余病汝知之。雅量涵高遠。清襟照等夷。平生感意氣。少小愛文詞。江海由來合。風雲若有期。形容勞宇宙。質樸謝軒墀。自古幽人泣。流年壯士悲。水煙通徑草。秋露接園葵。入邑豺狼鬪。傷弓鳥雀飢。白頭供宴語。烏几伴棲遲。交態遭輕薄。今朝豁所思。

公安送韋二少府匡贊

逍遙公後世多賢。送爾維舟惜此筵。念我能書數字至。將詩不必萬人傳。時危兵革黃塵裏。日短江湖白髮前。古往今來皆涕淚。斷腸分手各風煙。

公安縣懷古

野曠呂蒙營。江深劉備城。寒天催日短。風浪與雲平。灑落君臣契。飛騰戰伐名。維舟倚前浦。長嘯一含情。

呀鵲行

病鶴孤飛俗眼醜。每夜江邊宿衰柳。清秋落日已側身。過雁歸鴉錯廻首。
 緊腦雄姿迷所向。疎翻稀毛不可狀。彊神非復阜雕前。俊才早在蒼鷹上。
 風濤颯颯寒山陰。熊羆欲蟄龍蛇深。念爾此時有一擲。失聲濺血非其心。
 宴王使君宅題二首
 漢主追韓信。蒼生起謝安。吾徒自漂泊。世事各艱難。逆旅招要近。他鄉意緒寬。
 不才甘朽質。高臥豈泥蟠。

【二】

汎愛容霜鬢。留歡卜夜閒。自吟詩送老。相對酒開顏。戎馬今何地。鄉園獨在山。
 江湖墮清月。酌酌任扶還。

送單二判官

先帝弓劍遠。小臣餘此生。蹉跎病江漢。不復謁承明。錢爾白頭日。永懷丹鳳城。
 遲遲戀屈宋。渺渺臥荆衡。魂斷航舸失。天寒沙水清。肺肝若稍愈。亦上赤霄行。
 公安送李二十九弟晉入蜀。余下沔鄂
 正解柴桑纜。仍看蜀道行。橋烏相背發。塞雁一行鳴。南紀連銅柱。西江接錦城。
 憑將百錢卜。漂泊問君平。

留別公安太易沙門

隱居欲就廬山遠。麗藻初逢休上人。數問舟航留製作。長聞篋笥擬心神。
 沙邨白雪仍含凍。江縣紅梅已放春。先踏鱸峰置蘭若。徐飛錫杖出風塵。

久客

羈旅知交態。淹留見俗情。衰顏聊自哂。小吏最相輕。去國哀王粲。傷時哭賈生。
 狐狸何足道。豺虎正縱橫。

冬深

花葉惟天意。江溪共石根。早霞隨類影。寒水各依痕。易下楊朱淚。難招楚客魂。
 風濤暮不穩。捨棹宿誰門。

曉發公安

北城擊柝復欲罷。東方明星亦不遲。隣雞野哭如昨日。物色生慙能幾時。
 舟楫眇然自此去。江湖遠適無前期。出門轉眄已陳跡。藥餌扶吾隨所之。

發劉郎浦

掛帆早發劉郎浦。疾風颯颯昏亭午。舟中無日不沙塵。岸上空邈盡豺虎。
 十日北風風未迴。客行歲晚晚相催。白頭厭伴漁人宿。黃帽青鞋歸去來。

別董頤

窮冬急風水。逆浪開帆難。士子甘旨闕。不知道里寒。有求彼樂土。南適小長安。別我舟楫去。覺君衣裳單。素聞趙公節。兼盡賓主歡。已結門閭望。無令霜雪殘。老夫纜亦解。脫粟朝未餐。飄蕩兵甲際。幾時懷抱寬。漢陽頗寧靜。峴首試考槃。當念著阜帽。采薇青雲端。

夜聞霽築

夜聞霽築滄江上。衰年側耳情所嚮。隣舟一聽多感傷。塞曲三更歎悲壯。積雪飛霜此夜寒。孤燈急管復風湍。君知天地干戈滿。不見江湖行路難。

衡州送李大大夫七丈勉赴廣州

斧鉞下青冥。樓船過洞庭。北風隨爽氣。南斗避文星。日月籠中鳥。乾坤水上萍。王孫丈人行。垂老見飄零。

歲晏行

歲云暮矣多北風。瀟湘洞庭白雪中。漁父天寒網罟凍。莫徭射雁鳴桑弓。去年米貴闕軍食。今年米賤太傷農。高馬達官厭酒肉。此輩杼柚茅茨空。楚人重魚不重鳥。汝休枉殺南飛鴻。況聞處處鬻男女。割慈忍愛還租庸。

往日用錢捉私鑄。今許鉛鐵和青銅。刻泥爲之最易得。好惡不合長相蒙。萬國城頭吹畫角。此曲哀怨何時終。

泊岳陽城下

江國踰千里。山城近百層。岸風翻夕浪。舟雲灑寒燈。畱滯才難盡。艱危氣益增。圖南未可料。變化有鸚鵡。

纜船苦風戲題四韻奉簡鄭十三判官

楚岸朔風病。天寒鶴鵠呼。漲沙蠹草樹。舞雪渡江湖。吹帽時時落。維舟日日孤。因聲置驛外。爲覓酒家墟。

登岳陽樓

昔聞洞庭水。今上岳陽樓。吳楚東南坼。乾坤日夜浮。親朋無一字。老病有孤舟。戎馬關山北。憑軒涕泗流。

陪裴使君登岳陽樓

湖闊兼雲霧。樓孤屬晚晴。禮加徐孺子。詩接謝宣城。雪岸叢梅發。春泥百草生。敢違漁父問。從此更南征。

南征

春岸桃花水。雲帆楓樹林。偷生長避地。適遠更霑襟。老病南征日。君恩北望心。百年歌自苦。未見有知音。

歸夢

道路時通塞。江山日寂寥。偷生唯一老。伐叛已三朝。雨急青楓暮。雲深黑水遙。夢魂歸未得。不用楚辭招。

過南嶽入洞庭湖

洪波忽爭道。岸轉異江湖。鄂渚分雲樹。衡山引舳舻。翠牙穿窈窕。碧節吐寒蒲。病渴身何去。春生力更無。壤童犁雨雪。漁屋架泥塗。鼓側風帆滿。微冥水驛孤。悠悠回赤壁。浩浩略蒼梧。帝子畱遺恨。曹公屈壯圖。聖朝光御極。殘孽駐艱虞。才淑隨厮養。名賢隱鍛鑪。邵平元入漢。張翰後歸吳。莫怪啼痕數。危檣逐夜烏。

宿青草湖

洞庭猶在目。青草續爲名。宿業依農事。郵籤報水程。寒冰爭倚薄。雲日遞微明。湖雁雙雙起。人來故北征。

宿白沙驛

水宿仍餘照。人煙復此亭。驛邊沙舊白。湖外草新青。萬象皆春氣。孤樓自客星。

隨波無限月。的的近南溟。

湘夫人祠

肅肅湘妃廟。空牆碧水春。蟲書玉佩辭。燕舞翠帷塵。晚泊登汀樹。微聲借渚蘋。蒼梧恨不盡。染淚在叢筠。

祠南夕望

百丈牽江色。孤舟泛日斜。興來猶杖屨。目斷更雲沙。山鬼迷春竹。湘娥倚暮花。湖南清絕地。萬古一長嗟。

上水遣懷

我衰太平時。身病戎馬後。蹭蹬多拙爲。安得不皓首。驅馳四海內。童稚日餬口。但遇新少年。少逢舊親友。低頭下色地。故人知善誘。後生血氣豪。舉動見老醜。窮迫挫曩懷。常如中風走。一紀出西蜀。於今向南斗。孤舟亂春華。暮齒依蒲柳。冥冥九疑葬。聖者骨已朽。蹉跎陶唐人。鞭撻日月久。中閉屈賈輩。讒毀竟自取。鬱悒二悲魂。蕭條猶在否。峩峩清湘石。逆行雜林藪。篙工密逞巧。氣若酣杯酒。訝謳互激越。回斡明受授。善知應觸類。各藉穎脫手。古來經濟才。何事獨罕有。蒼蒼衆色晚。熊掛玄蛇吼。黃巖在樹顛。正爲羣虎守。羸骸將何適。履險顏益厚。

庶與達者論，吞聲混取垢。

遺遇

磐折辭主人，開帆駕洪濤。春水滿南國，朱崖雲日高。舟子廢寢食，飄風爭所操。我行匪利涉，謝爾從者勞。石開采蕨女，鬻市輸官曹。丈夫死百役，暮返空郵號。聞見事略同，刻剝及錐刀。貴人豈不仁，汝視如莠蒿。索錢多門戶，喪亂紛嗷嗷。奈何黠吏徒，漁奪成逋逃。自喜遂生理，花時甘繡袍。

解憂

減米散同舟，路難思共濟。向來雲濤盤，衆力亦不細。呀坑瞥眼過，飛檣本無蒂。得失瞬息閒，致遠宜恐泥。百慮視安危，分明曩賢計。茲理庶可廣，拳拳期勿替。

宿鑿石浦

早宿賓從勞，仲春江山麗。飄風過無時，舟楫不敢繫。迴塘澹暮色，日沒衆星暉。闕月殊未生，青燈死分翳。窮途多俊異，亂世少恩惠。鄙夫亦放蕩，草草頻年歲。斯文憂患餘，聲哲垂家繫。

早行

歌哭俱在曉，行邁有期程。孤舟似昨日，聞見同一聲。飛鳥數求食，潛魚何獨驚。

前王作網罟，設法害生成。碧藻非不茂，高帆終日征。干戈未揖讓，崩迫關其情。

過津口

南岳自茲近，湘流東逝深。和風引桂楫，春日漲雲岑。回道過津口，而多楓樹林。白魚困密網，黃鳥喧嘉音。物微限通塞，惻隱仁者心。瓮餘不盡酒，膝有無聲琴。聖賢兩寂寞，眇眇獨開襟。

次空靈岸

汙汙逆素浪，落落展清眺。幸有舟楫遲，得盡所歷妙。空靈霞石峻，楓栝隱奔峭。青春猶無私，白日已偏照。可使營吾居，終焉託長嘯。毒瘴未足憂，兵戈滿邊徼。嚮者爾遺恨，恥爲達人誚。迴帆觀賞延，佳處領其要。

宿花石戍

午辭空靈岑，夕得花石戍。岸疏開闢水，木雜古今樹。地蒸南風盛，春熟西日暮。四序本不分，氣候何廻互。茫茫天造閒，理亂豈恆數。繫舟盤藤輪，杖策古樵路。罷人不在邨，野圃泉自注。柴扉雖蕪沒，農器尙牢固。山東殘逆氣，吳楚守王度。誰能叩君門，下令減征賦。

早發

有求常百慮。斯文亦吾病。以茲朋故多。窮老驅馳併。早行篙師意。席掛風不正。昔人戒垂堂。今則奚奔命。濤翻黑蛟躍。日出黃霧映。煩促瘴豈侵。頽倚睡未醒。僕夫問盥櫛。暮顏視青鏡。隨意簪葛巾。仰慙林花盛。側聞夜來寇。幸喜囊中淨。艱危作遠客。干請傷直性。薇蕨餓首陽。粟馬資歷聘。賤子欲適從。疑悞此二柄。

次晚洲

參錯雲石稠。坡陀風濤壯。晚洲適知名。秀色固異狀。棹經垂猿把。身在度鳥上。擺浪散軼妨。危沙折花當。羈離暫愉悅。羸老反惆悵。中原未解兵。吾得終疎放。

清明二首

朝來新火起新煙。湖色春光淨客船。繡羽銜花他自得。紅顏騎竹我無緣。胡童結束還難有。楚女腰肢亦可憐。不見定王城舊處。長懷賈傅井依然。虛霑周舉爲寒食。實藉君平賣卜錢。鐘鼎山林各天性。濁醪麤飯任吾年。

【二】

此身飄泊苦西東。右臂偏枯半耳聾。寂寂繫舟雙下淚。悠悠伏枕左書空。十年蹴踘將雛遠。萬里鞦韆習俗同。旅雁上雲歸柴塞。家人鑽火用青楓。秦城樓閣煙花裏。漢主山河錦繡中。春水春來洞庭闊。白蘋愁殺白頭翁。

發潭州

夜醉長沙酒。曉行湘水春。岸花飛送客。檣燕語留人。賈傅才未有。褚公書絕倫。名高前後事。回首一傷神。

發白馬潭

水生春纜沒。日出野船開。宿鳥行猶去。叢花笑不來。人人傷白首。處處接金杯。莫道新知要。南征且未廻。

野望

納納乾坤大。行行郡國遙。雲山兼五嶺。風壤帶三苗。野樹侵江闊。春蒲長雪消。扁舟空老去。無補聖明朝。

入喬口

漠漠舊京遠。遲遲歸路賒。殘年傍水國。落日對春華。樹蜜早蜂亂。江泥輕燕斜。買生骨已朽。悽惻近長沙。

銅官渚守風

不夜楚帆落。避風湘渚閒。水耕先浸草。春火更燒山。早泊雲物晦。逆行波浪慳。飛來雙白鶴。過去杳難攀。

北風

春生南國瘴。氣待北風蘇。向晚蠶殘日。初宵鼓大鼓。爽攜卑濕地。聲拔洞庭湖。萬里魚龍伏。三更鳥獸呼。滌除貪破浪。愁絕付摧枯。執熱沈沈在。凌寒往往須。且知寬疾肺。不敢恨危途。再宿煩舟子。衰容問僕夫。今晨非盛怒。便道卻長驅。隱几看帆席。雲山湧坐隅。

雙楓浦

輟棹青楓浦。雙楓舊已摧。自驚衰謝力。不道棟梁材。浪足浮紗帽。皮須截錦苔。江邊地有主。暫借上天迴。

詠懷二首

人生貴是男。丈夫重天機。未達善一身。得志行所爲。嗟余竟轆轤。將老逢艱危。胡雛逼神器。逆節同所歸。河洛化爲血。公侯草閒啼。西京復陷沒。翠蓋蒙塵飛。萬姓悲赤子。兩宮棄紫微。倏忽向二紀。奸雄多是非。本朝再樹立。未及貞觀時。日給在軍儲。上官督有司。高賢迫形勢。豈暇相扶持。疲茶苟懷策。棲屑無所施。先王實罪己。愁痛正爲茲。歲月不我與。蹉跎病子斯。夜看鄆城氣。回首蛟龍池。齒髮已自料。意深陳苦詞。

【117】

邦危壞法則。聖遠益愁慕。飄飄桂水遊。悵望蒼梧暮。潛魚不銜鉤。走鹿無反顧。儼儼幽曠心。拳拳異平素。衣食相拘閹。朋知限流寓。風濤上春沙。千里侵江樹。逆行值吉日。時節空復度。井甃任塵埃。舟航煩數具。牽纏加老病。瑣細隘俗務。萬古一死生。胡爲足名數。多憂汗桃源。拙計泥銅柱。未辭炎瘴毒。擺落跋涉懼。虎狼窺中原。焉得所歷住。葛洪及許靖。避世常此路。賢愚誠等差。自合受馳驚。羸瘠且如何。魄奪鍼灸屢。擁滯僮僕備。稽留篙師怒。終當掛帆席。天意難告訴。南爲祝融客。勉強親杖屨。結託老人星。羅浮展衰步。

酬郭十五判官

才微歲晚尙虛名。臥病江湖春復生。藥裏關心詩總廢。花枝照眼句還成。只同燕石能星隕。自得隋珠覺夜明。喬口橘洲風浪促。驚帆何惜片時程。

望嶽

南嶽配朱鳥。秩禮自百王。欬吸領地靈。涸洞半炎方。邦家用祀典。在德非馨香。巡狩何寂寞。有虞今則亡。泊吾隘世網。行邁越瀟湘。渴日絕壁出。漾舟清光旁。祝融五峰尊。峰峰次低昂。紫蓋獨不朝。爭長礫相望。恭聞魏夫人。羣仙夾翱翔。

有時五峰氣，散風如飛霜。牽迫限脩途，未暇杖崇岡。歸來覲命駕，沐浴休玉堂。

嶽麓山道林二寺行

玉泉之南麓山殊，道林林壑爭盤紆。寺門高開洞庭野，殿脚插入赤沙湖。五月寒風冷佛骨，六時天樂朝香爐。地靈步步雪山草，僧寶人人滄海珠。瑜刼宮牆壯麗敞，香廚松道清涼俱。蓮花交響共命鳥，金勝雙迴三足烏。方丈涉海費時節，玄圃尋河知有無。暮年且喜經行近，春日兼蒙暄暖扶。飄然斑白身奚適，傍此煙霞茅可誅。桃源人家易制度，橘洲田土仍膏腴。潭府邑中甚淳古，太守庭內不喧呼。今幸樂國養微軀，依止老宿亦未晚。富貴功名焉足圖，細學何願免與孤。一重一掩吾肺腑，山鳥山花共友于。物色分留待老夫。

奉送韋中丞之晉赴湖南

寵渥徵黃漸，權宜借寇頻。湖南安背水，峽內憶行春。王室仍多故，蒼生倚大臣。還將徐孺榻，處處待高人。

湘江宴饒裴二端公赴道州

白日照舟師，朱旗散廣川。羣公饒南伯，肅肅秩初筵。鄙人奉末眷，佩服自早年。義均骨肉地，懷抱罄所宣。盛名富事業，無取媿高賢。不以喪亂嬰，保愛金石堅。計拙百寮下，氣蘇君子前。會合苦不久，哀樂本相纏。交遊颯向盡，宿昔浩茫然。促觴激百慮，掩抑淚潺湲。熱雲初集黑，缺月未生天。白團爲我破，華燭蟠長煙。鵲鷗催明星，解袂從此旋。上請減兵甲，下請安井田。永念病渴老，附書遠山顛。

哭韋大夫之晉

悽愴郁瑕邑，差池弱冠年。丈人叨禮數，文律早周旋。臺閣黃圖裏，簪裾紫蓋邊。尊榮真不忝，端雅獨翛然。貢喜音容開，馮招疾病纏。南過駭倉卒，北思情聯綿。鵬鳥長沙諱，犀牛蜀郡憐。素車猶慟哭，寶劍欲高懸。漢道中興盛，韋經亞相傳。沖融標世業，磊落映時賢。城府深朱夏，江湖渺霽天。綺樓關樹頂，飛旆泛堂前。帝幕旋風燕，笳簫咽暮蟬。興殘虛白室，跡斷孝廉船。童孺交遊盡，喧卑俗事牽。老來多涕淚，情在強詩篇。誰繼方隅理，朝難將帥權。春秋褒貶例，名器重雙全。

江閣臥病走筆寄呈崔盧兩侍御

客子庖廚薄，江樓枕席清。衰年病祗瘦，長夏想爲情。滑憶雕胡飯，香聞錦帶羹。溜匙兼煖腹，誰欲致杯甕。

潭州送韋員外迢收韶州

炎海韶州牧。風流漢署郎。分符先令望。同含有輝光。白首多年疾。秋天昨夜涼。洞庭無過雁。書疏莫相忘。

酬韋韶州見寄

養拙江湖外。朝廷記憶疎。深慚長者轍。重得故人書。白髮絲難理。新詩錦不如。雖無南過雁。看取北來魚。

樓上

天地空搔首。頻抽白玉簪。皇輿三極北。身事五湖南。戀闕勞肝肺。掄材愧杞樞。亂離難自救。終是老湘潭。

遠遊

江闊浮高棟。雲長出斷山。塵沙連越嶠。風雨暗荆蠻。雁矯銜蘆內。猿啼失木閒。敝裘蘇季子。歷國未知還。

千秋節有感二首

自罷千秋節。頻傷八月來。先朝常宴會。壯觀已塵埃。鳳紀編生日。龍池墮劫灰。湘川新涕淚。秦樹遠樓臺。寶鏡羣臣得。金吾萬國迴。衢尊不重飲。白首獨餘哀。

【二】

御氣雲樓敞。含風綵仗高。仙人張內樂。王母獻宮桃。羅襪紅蓮艷。金羈白雪毛。舞階銜壽酒。走索背秋毫。聖主他年貴。邊心此日勞。桂江流向北。滿眼送波濤。

奉贈盧五丈參謀琬

恭惟同自出。妙選異高標。入幕知孫楚。披襟得鄭僑。丈人藉才地。門閥冠雲霄。老矣逢迎拙。相於契託饒。賜錢傾府待。爭米駐船遙。隣好艱難薄。忙心杼柚焦。客星空伴使。寒水不成潮。素髮乾垂領。銀章破在腰。說詩能累夜。醉酒或連朝。藻翰唯牽率。湖山合動搖。時清非造次。興盡卻蕭條。天子多恩澤。蒼生轉寂寥。休傳鹿是馬。莫信鵬如鴞。未解依依袂。還斟泛泛瓢。流年疲蟋蟀。體物幸鷓鴣。孤負滄洲願。誰云晚見招。

惜別行送劉僕射判官

聞道南行市駿馬。不限匹數軍中須。襄陽幕府天下異。主將儉省憂艱虞。祇收壯健勝鐵甲。豈因格鬪求龍駒。而今西北自反胡。騏驎蕩盡一匹無。龍媒真種在帝都。子孫未落東南隅。向非戎事備征伐。君肯辛苦越江湖。江湖凡馬多顛顛。衣冠往往乘蹇驢。梁公富貴於身疎。號令明白人安居。

俸錢時散士子盡。府庫不為驕豪虛。以茲報主寸心赤。氣卻西戎回北狄。
 羅網羣馬籍馬多。意在驅除出金帛。劉侯奉使光推擇。滔滔才略滄溟窄。
 杜陵老翁秋繫船。扶病相識長沙驛。強梳白髮提胡盧。手把菊花路旁摘。
 九州兵革浩茫茫。三嘆聚散臨重陽。當杯對客忍流涕。不覺老夫神內傷。
 重送劉十弟判官
 分源豕韋派。別浦雁賓秋。年事推兄忝。人才覺弟優。經過辨墨劍。意氣逐吳鉤。
 垂翅徒衰老。先鞭不滯留。本支凌歲晚。高義豁窮愁。他日臨江待。長沙舊驛樓。

杜少陵詩集卷二十三

湖中送敬十使君適廣陵

相見各頭白。其如離別何。幾年一會面。今日復悲歌。少壯樂難得。歲寒心匪他。
 氣纏霜匣滿。冰置玉壺多。遭亂實漂泊。濟時曾琢磨。形容吾較老。膽力爾誰過。
 秋晚嶽增翠。風高湖湧波。奮騰訪知己。淮海莫蹉跎。
 晚秋長沙蔡五侍御飲筵送股六參軍歸澧觀省

佳士欣相識。慈顏望遠遊。甘從投轄飲。肯作致書郵。高鳥黃雲暮。寒蟬碧樹秋。
 湖南冬不雪。吾病得淹留。

別張十三建封

嘗讀唐實錄。國家草昧初。劉裴首建議。龍見尚躊躇。秦王撥亂奏。一劍總兵符。
 汾晉為豐沛。暴隋竟濼除。宗臣則廟食。後祀何疎蕪。彭城英雄種。宜膺將相圖。
 爾惟外曾孫。倜儻汗血駒。眼中萬少年。用意盡崎嶇。相逢長沙亭。乍問緒業餘。
 乃吾故人子。童叟聯居諸。揮手灑衰淚。仰看八尺軀。內外名家流。風神蕩江湖。
 范雲堪結友。嵇紹自不孤。擇材征南幕。潮落回鯨魚。載感賈生慟。復聞樂毅書。
 主憂急盜賊。師老荒京都。舊丘豈稅駕。大厦傾宜扶。君臣各有分。管葛本時須。
 雖當霰雪嚴。未覺朽柏枯。高議在雲臺。嘶鳴望天衢。羽人掃碧海。功業竟何如。

送盧十四弟侍御護韋尚書靈榷歸上都二十四韻

素幘度江遠。朱幡登陸微。悲鳴駟馬顧。失涕萬人揮。參佐哭辭畢。門闌誰送歸。
 從公伏事久。之子俊才稀。長路更執紼。此心猶倒衣。感恩義不小。懷舊禮無違。
 墓待龍驤詔。臺迎獬豸威。深衷見士則。雅論在兵機。戎狄乘妖氣。塵沙落禁闈。
 往年朝謁斷。他日掃除非。但促銅壺箭。休添玉帳旂。動詢黃閣老。肯慮白登圍。

萬姓瘡痍合。羣兇嗜慾肥。刺規多諫諍。端拱自光輝。儉約前王體。風流後代希。對啟期特達。衰朽再芳菲。空裏愁書字。山中疾采薇。撥杯要忽罷。抱被宿何依。眼冷看征蓋。兒扶立釣磯。清霜洞庭葉。故就別時飛。

蘇大侍御訪江浦賦八韻記異

蘇大侍御渙。靜者也。旅於江側。不交州府之客。人事都絕久矣。肩輿江浦。忽訪老夫舟楫。已而茶酒內。余請誦近詩。肯吟數首。才力素壯。辭句動人。接對明日。憶其湧思雷出。書篋几杖之外。殷殷留金石聲。賦八韻記異。亦見老夫傾於蘇至矣。龐公不浪出。蘇氏今有之。再聞誦新作。突過黃初詩。乾坤幾反覆。揚馬宜同時。今晨清鏡中。白閒生黑絲。余髮喜卻變。勝食齋房芝。昨夜舟火滅。湘娥簾外悲。百靈未敢散。風破寒江遲。

暮秋枉裴道州手札。卒爾遣興寄。遞呈蘇渙侍御

久客多枉友朋書。素書一月凡一束。虛名但蒙寒暄問。道州手札適復至。紙長要自三過讀。齒落未是無心人。舌存恥作窮途哭。撥棄潭州百斛酒。燕沒瀟岸千株菊。盈把那須滄海珠。入懷本倚崑山玉。憶子初尉永嘉去。使我盡立頰兒孫。紅顏白面花映肉。

軍符侯印取豈遲。

紫燕駭耳行甚速。

聖朝尚飛戰鬪塵。

濟世宜引英俊人。

黎元愁痛會蘇息。

戎狄跋扈徒逡巡。

授鉞築壇開意旨。

顏網漏網期彌綸。

郭欽上書見大計。

劉毅答詔驚羣臣。

他日更僕語不淺。

明公論兵氣益振。

傾壺簫管動白髮。

儻劍霜雪吹青春。

宴筵曾語蘇季子。

後來傑出雲孫比。

茅齋定王城郭門。

藥物楚老漁商市。

市北肩輿每聯袂。

郭南抱甕亦隱几。

無數將軍西第成。

早作丞相東山起。

烏雀苦肥秋粟菽。

蛟龍欲蟄寒沙水。

天下鼓角何時休。

陣前部曲終日死。

附書與裴因示蘇。

此生已愧須人扶。

致君堯舜付公等。

早據要路思捐軀。

奉贈李八丈曠判官

我丈特英特。宗枝神堯後。珊瑚市則無。駿驥人得有。早年見標格。秀氣衝星斗。事業富清機。官曹貞獨守。頃來樹佳政。皆已傳衆口。艱難體貴安。冗長吾敢取。區區猶歷試。炯炯更持久。討論實解頤。操割紛應手。篋書積諷諫。宮闕限奔走。入幕未展材。秉鈞孰爲偶。所親問淹泊。泛愛惜衰朽。垂白辭南翁。委身希北叟。真成窮轍鮒。或似喪家狗。秋枯洞庭石。風颯長沙柳。高興激荆衡。知音爲回首。

奉送魏六丈佑少府之交廣

賢豪贊經綸。功成空名垂。子孫不振耀。歷代皆有之。鄭公四葉孫。長大常苦饑。衆中見毛骨。猶是麒麟兒。磊落貞觀事。致君樸直詞。家聲蓋六合。行色何其微。遇我蒼梧陰。忽驚會面稀。議論有餘地。公侯來未遲。虛思黃金遺。自笑青雲期。長卿久病渴。武帝元同時。季子黑貂敝。得無妻嫂欺。尚爲諸侯客。獨屈州縣卑。南游炎海甸。浩蕩從此辭。窮途仗神道。世亂輕土宜。解帆歲云暮。可與春風歸。出入朱門家。華屋刻蛟螭。玉食亞王者。樂張遊子悲。侍婢艷傾城。綃綺輕霧霏。掌中琥珀鍾。行酒雙逶迤。新歡繼明燭。梁棟星辰飛。兩情願盼合。珠碧贈于斯。上貴見肝膽。下貴不相疑。心事披寫開。氣酣達所爲。錯揮鐵如意。莫避珊瑚枝。始兼逸邁興。終慎賓主儀。戎馬關天宇。嗚呼生別離。

北風

北風破南極。朱風日威垂。洞庭秋欲雪。鴻雁將安歸。十年殺氣盛。六合人煙稀。吾慕漢初老。時清猶茹芝。

幽人

孤雲亦羣游。神物有所歸。靈風在赤霄。何當一來儀。往與惠詢輩。中年滄洲期。天高無消息。棄我忽若遺。內懼非道流。幽人見瑕疵。洪濤隱笑語。鼓柁蓬萊池。

崔嵬扶桑日。照曜珊瑚枝。風帆倚翠蓋。暮把東皇衣。嘯漱元和津。所思煙霞微。知名未足稱。局趣商山芝。五湖復浩蕩。歲暮有餘悲。

江漢

江漢思歸客。乾坤一腐儒。片雲天共遠。永夜月同孤。落日心猶壯。秋風病欲蘇。古來存老馬。不必取長途。

地隅

江漢山重阻。風雲地一隅。年年非故物。處處是窮途。喪亂秦公子。悲涼楚大夫。平生心已折。行路日荒蕪。

舟中夜雪有懷盧十四侍御弟

朔風吹桂水。大雪夜紛紛。暗度南樓月。寒深北渚雲。燭斜初近見。舟重竟無聞。不識山陰道。聽雞更憶君。

對雪

北雪犯長沙。胡雲冷萬家。隨風且閉葉。帶雨不成花。金錯囊垂罄。銀壺酒易賒。無人竭浮蟻。有待至昏鴉。

冬晚送長孫漸舍人歸州

參卿休坐幄。蕩子不歸鄉。南客瀟湘外。西戎鄂杜旁。衰年傾蓋晚。費日繫舟長。會面思來札。銷魂逐去檣。雲晴鷗更舞。風逆雁無行。匣裏雌雄劍。吹毛任選將。

暮冬送蘇四郎後兵曹適桂州

飄飄蘇季子。六印佩何遲。早作諸侯客。兼工古體詩。爾賢埋照久。余病長年悲。盧綰須征日。樓蘭要斬時。歲陽初盛動。王化久磷緇。爲入蒼梧廟。看雲哭九疑。

客從

客從南溟來。遺我泉客珠。珠中有隱字。欲辨不成書。緘之篋笥久。以俟公家須。開視化爲血。哀今徵斂無。

蠶穀行

天下郡國向萬城。無有一城無甲兵。焉得鑄甲作農器。一寸荒田牛得耕。牛盡耕蠶亦成。不勞烈士淚滂沱。男穀女絲行復歌。

白鳧行

君不見黃鵠高于五尺童。化爲白鳧似老翁。故畦遺穗已蕩盡。天寒歲暮波濤中。鱗介腥膻素不食。終日忍饑西復東。魯門鸚鵡亦踏蹬。聞道于今猶避風。

朱鳳行

君不見瀟湘之山衡山高。山巔朱鳳聲嗷嗷。側身長願求其曹。翅垂口噤心勞勞。下慙百鳥在羅網。黃雀最小猶難逃。願分竹實及螻蟻。盡使鴟梟相怒號。

追酬故高蜀州人日見寄并序

開文書帙中。檢所遺忘。因得故高常侍適往居在成都時。高任蜀州刺史。人日相憶見寄詩。淚灑行閒讀終篇末。自枉詩已十餘年。莫記存沒。又六七年矣。老病懷舊。生意可知。今海內忘形故人。獨漢中王瑀與昭州敬使君超先在。愛而不見。情見乎辭。大曆五年正月二十一日。卻追酬高公此作。因寄王及敬弟。

自蒙蜀州人日作

不意清詩久零落。

今晨散帙眼忽開。

迸淚幽吟事如昨。

嗚呼壯士多慷慨。

合沓高名動寥廓。

歎我悽悽求友篇。

感君鬱鬱匡時略。

錦里春光空爛漫。

瑤墀侍臣已冥寞。

瀟湘水國傍滄漭。

鄂杜秋天失鸚鵡。

東西南北更誰論。

白首扁舟病獨存。

遙拱北辰纏寇盜。

欲傾東海洗乾坤。

邊塞西羌最充斥。

衣冠南渡多崩奔。

鼓瑟至今悲帝子。

曳裾何處覓王門。

文章曹植波瀾闊。

服食劉安德業尊。

長笛隣家亂愁思。

昭州詞翰與招魂。

送重表姪王珣評事使南海

我之曾老姑。爾之高祖母。爾祖未顯時。歸爲尚書婦。隋朝大業末。房杜俱交友。長者來在門。荒年自餬口。家貧無供給。客位但箕箒。俄頃羞頗珍。寂寥人散後。入怪鬢髮空。吁嗟爲之久。自陳剪鬢髮。市鬻充杯酒。上云天下亂。宜與英俊厚。

杜少陵詩集卷二十三

一四六七

向竊窺數公。經綸亦俱有。次問最少年。虬髯十八九。子等成大名。皆因此人手。
 下云風雲合。龍虎一吟吼。願展丈夫雄。秦王時在坐。真氣驚戶牖。
 及乎貞觀初。尚書踐台斗。夫人常肩輿。上殿稱萬壽。六宮師柔順。法則化妃后。
 至尊均嫂叔。盛事垂不朽。鳳雛無凡毛。五色非爾曹。往者胡作逆。乾坤沸嗷嗷。
 吾客左馮翊。爾家同遁逃。爭奪至徒步。塊獨委蓬蒿。逗畱熱爾腸。十里卻呼號。
 自下所騎馬。右持腰閒刀。左牽紫遊韉。飛走使我高。苟活到今日。寸心銘佩牢。
 亂離又聚散。宿昔恨滔滔。水花笑白首。春草隨青袍。廷評近要津。節制收英髦。
 北驅漢陽傳。南汎上瀧初。家聲肯墜地。利器當秋毫。番禺親賢領。籌運神功操。
 大夫出盧宋。寶貝休脂膏。洞主降接武。海胡舶千艘。我欲就丹砂。跋涉覺身勞。
 安能陷糞土。有志乘鯨鼈。或驂鸞騰天。聊作鶴鳴皋。

清明

著處繁華於是日。長沙千人萬人出。
 此都好遊湘西寺。諸將亦自軍中至。
 金鑿下山紅日晚。牙橋振柁青樓遠。
 弟姪雖存不得書。干戈未息苦離居。
 波頭翠柳艷明眉。爭道朱蹄驕習膝。
 馬援征行在眼前。葛強親近同心事。
 古時夷亂皆可知。人世悲歡暫相遣。
 逢迎少壯非吾道。況乃今朝更祓除。

風雨看舟前落花戲爲新句

江上人家桃樹枝。春寒細雨出疎籬。
 吹花因懶傍舟楫。水光風力俱相怯。
 濕久飛遲半欲高。縈沙惹草細於毛。
 影遭碧水潛勾引。風妬紅花卻倒吹。
 赤憎輕薄遮入懷。珍重分明不來接。
 蜜蜂蝴蝶生情性。偷眼蜻蜓避伯勞。

奉贈蕭十二使君

昔在嚴公墓。俱爲蜀使臣。艱危參大府。前後閉清塵。
 起草鳴先路。乘槎動要津。王覺聊暫出。蕭雉只相馴。終始任安義。荒蕪孟母隣。
 聯翩匍匐禮。意氣死生親。張老存家事。嵇康有故人。
 食恩慙齒莢。鑽骨抱酸辛。巢許山林志。夔龍廊廟珍。
 鵬圖仍矯翼。熊軾且移輪。磊落衣冠地。蒼茫土木身。
 填旆鳴自合。金石鑿逾新。重憶羅江外。同遊錦水濱。
 結歡隨過隙。懷舊益霑巾。曠絕含香舍。稽畱伏枕辰。
 停驂雙闕早。廻雁五湖春。不達長卿病。從來原憲貧。
 監河受貨粟。一起轍中鱗。

奉送二十三舅錄事世偉之攝郴州

賢良歸盛族。吾舅盡知名。徐庶高交友。劉牢出外甥。
 泥塗豈珠玉。環堵但柴荆。衰老悲人世。驅馳厭甲兵。
 氣春江上別。淚血渭陽情。丹鶴排風影。林鳥反哺聲。
 永嘉多北至。勾漏且南征。必見公侯復。終聞盜賊平。
 郴州頗涼冷。橘井尚凄清。

從事何蠻貊，居官志在行。

送魏二十四司直充嶺南掌選崔郎中判官兼寄韋韶州

選曹分五嶺，使者歷三湘。才美膺推薦，君行佐紀綱。佳聲斯共遠，雅節在周防。明白山濤鑒，嫌疑陸賈裝。故人湖外少，春日嶺南長。憑報韶州牧，新詩昨寄將。

送趙十七明府之縣

連城爲寶重，茂宰得才新。山雉迎舟楫，江花報邑人。論交翻恨晚，臥病卻愁春。惠愛南翁悅，餘波及老身。

同豆盧峰貽主客李員外賢子棐知字韻

煉金歐冶子，噴玉大宛兒。符彩高無敵，聰明達所爲。夢蘭他日應，折桂早年知。爛漫通經術，光芒刷羽儀。謝庭瞻不遠，潘省會于斯。唱和將難曲，田翁號鹿皮。

歸雁二首

萬里衡陽雁，今年又北歸。雙雙瞻客上，一一背人飛。雲裏相呼疾，沙邊自宿稀。擊書元浪語，愁寂故山薇。

【二】

欲雪違胡地，先花別楚雲。卻過清渭影，高起洞庭羣。塞北春陰暮，江南日色曛。

傷弓流落羽，行斷不堪聞。

江南逢李龜年

岐王宅裏尋常見，崔九堂前幾度聞。正是江南好風景，落花時節又逢君。

小寒食舟中作

佳辰強飲食猶寒，隱几蕭條戴鶻冠。春水船如天上坐，老年花似霧中看。娟娟戲蝶過閒幔，片片輕鷗下急湍。雲白山青萬餘里，愁看直北是長安。

燕子來舟中作

湖南爲客動經春，燕子銜泥兩度新。舊入故園嘗識主，如今社日遠看人。可憐處處巢居室，何異飄飄託此身。暫語船檣還上去，穿花貼水益霑巾。

贈韋七贊善

鄉里衣冠不乏賢，杜陵韋曲未央前。爾家最近魁三象，時論同歸尺五天。北走關山開雨雪，南遊花柳塞雲煙。洞庭春色悲公子，蝦菜忘歸范蠡船。

奉酬寇十侍御錫見寄四韻復寄寇

往別邠瑕地，于今四十年。來簪御府筆，故泊洞庭船。詩憶傷心處，春深把臂前。南瞻按百越，黃帽待君偏。

入衡州

兵革自久遠，興衰看帝王。漢儀甚照耀，胡馬何猖狂。老將一失律，清邊生戰場。君臣忍瑕垢，河岳空金湯。重鎮如割據，輕權絕紀綱。軍州體不一，寬猛性所將。嗟彼苦節士，素於圓鑿方。寡妻從爲郡，兀者安堵墻。凋弊惜邦本，哀矜存事常。旌麾非其任，府庫實過防。恕己獨在此，多憂增內傷。偏裨限酒肉，卒伍單衣裳。元惡迷是似，聚謀洩康莊。竟流帳下血，大降湖南殃。烈火發中夜，高煙燼上蒼。至今分粟帛，殺氣吹沅湘。福善理顛倒，明徵天莽茫。銷魂避飛鏑，累足穿豺狼。隱忍積棘刺，遷延胝躄瘡。遠歸兒侍側，猶乳女在旁。久客幸脫免，暮年慙激昂。蕭條向水陸，汨沒隨漁商。報主身已老，入朝病見妨。悠悠委薄俗，鬱鬱回剛腸。參錯走洲渚，春容轉林篁。片帆左榔岸，通郭前衡陽。華表雲鳥陣，名園花草香。旗亭壯邑屋，烽檣蟠城隍。中有古刺史，盛才冠巖廊。扶顛待柱石，獨坐飛風霜。昨者開瓊樹，高談隨羽觴。無論再繆繆，已是安蒼黃。劇孟七國畏，馬卿四賦良。門闌蘇生在，勇銳白起強。問罪富形勢，凱歌懸否臧。氛埃期必掃，蚊蚋焉能當。橘井舊地宅，仙山引舟航。此行怨暑雨，厥土聞清涼。諸舅剖符近，開緘書札光。頻繁命屢及，磊落字百行。江總外家養，謝安乘輿長。下流匪珠玉，擇木羞鸞鳳。

我師嵇叔夜

世賢張子房

柴荆寄樂土

鵬路觀翱翔

逃難

五十白頭翁，南北逃世難。疎布纏枯骨，奔走苦不暖。已衰病方入，四海一塗炭。乾坤萬里內，莫見容身畔。妻孥復隨我，回首共悲歎。故國莽丘墟，鄰里各分散。歸路從此迷，涕盡湘江岸。

白馬

白馬東北來，空鞍貫雙箭。可憐馬上郎，意氣今誰見。近時主將戮，中夜傷於戰。喪亂死多門，嗚呼淚如霰。

舟中苦熱遣懷奉呈陽中丞通簡臺省諸公

媿爲湖外客，看此戎馬亂。中夜混黎暈，脫身亦奔竄。平生方寸心，反當帳下難。嗚呼殺賢良，不叱白刃散。吾非丈夫特，沒齒埋冰炭。恥以風病辭，胡然泊湘岸。入舟雖苦熱，垢膩可溉灌。痛彼道邊人，形骸改昏旦。中丞連帥職，封內權得按。身當問罪先，縣實諸侯半。士卒旣輯睦，啓行促精悍。似聞上游兵，稍逼長沙館。隣好彼克修，天機自明斷。南圖卷雲水，北拱戴霄漢。美名光史臣，長策何壯觀。驅馳數公子，咸願同伐叛。聲節哀有餘，夫何激衰懦。偏裨表三上，鹵莽同一貫。

始謀誰其閒。回首增憤惋。宗英李端公。守職甚昭煥。變通迫脅地。謀畫焉得算。王室不肯微。凶徒略無憚。此流須卒斬。神器資強幹。扣寂豁煩襟。皇天照嗟歎。

江閣對雨有懷行營裴二端公

南紀風濤壯。陰晴屢不分。野流行地日。江入度山雲。層閣憑雷殷。長空面水文。雨來銅柱北。應洗伏波軍。

題衡山縣文宣王廟新學堂呈陸宰

旄頭彗紫微。無復俎豆事。金甲相排蕩。青衿一憔悴。嗚呼已十年。儒服蔽於地。征夫不遑息。學者淪素志。我行洞庭野。歛得文翁肆。先先胃子行。若舞風零至。周室宜中興。孔門未應棄。是以資雅才。煥然立新意。衡山雖小邑。首唱恢大義。因見縣尹心。根源舊宮闕。講堂非曩構。大屋加塗甍。下可容萬人。墻隅亦深邃。何必三千徒。始壓戎馬氣。林木在庭戶。密幹疊蒼翠。有井朱夏時。轆轤凍階屺。耳聞讀書聲。殺伐災勞瘁。故國延歸望。衰顏減愁思。南紀改波瀾。西河共風味。采詩倦跋涉。載筆尙可記。高歌激宇宙。凡百慎失墜。

聶未陽以僕阻水書致酒肉療饑荒江詩得代懷與盡本韻至縣呈聶令陸路去方田驛四十里舟行一日時屬江漲泊於方田

未陽馳尺素。見訪荒江渺。義士烈女家。風流吾賢紹。昨見狄相孫。許公人倫表。前朝翰林後。屈跡縣邑小。知我礙湍濤。半旬獲浩漾。孤舟增鬱鬱。僻路殊悄悄。側驚猿猱捷。仰羨鶴鶴矯。禮過宰肥羊。愁當置清醕。麾下殺元戎。湖邊有飛旄。方行榔岸靜。未話長沙擾。人非西論蜀。與在北坑趙。崔師乞已至。澧卒用於少。問罪消息真。開顏憩亭沼。

廻棹

宿昔試安命。自私猶畏天。勞生繫一物。爲客費多年。衡岳江湖大。蒸池疫癘偏。散才嬰薄俗。有跡負前賢。巾拂那關眼。瓶罍易滿船。火雲滋垢膩。凍雨裏沈綿。強飯葷添滑。端居茗續煎。清思漢水上。涼憶峴山巔。順浪翻堪倚。廻帆又省牽。吾家碑不昧。王氏井依然。几杖將衰齒。茅茨寄短椽。灌園曾取適。遊寺可終焉。遂性同漁父。成名異魯連。篙師煩爾送。朱夏及寒泉。

過洞庭湖

蛟室圍青草。龍堆隱白沙。護堤盤古木。迎擺舞神鴉。破浪南風正。回檣畏日斜。湖光與天遠。直欲泛仙槎。

登舟將適漢陽

春宅棄汝去。秋帆催客歸。庭蔬尙在眼。浦浪已吹衣。生理飄蕩拙。有心遲暮違。中原戎馬盛。遠道素書稀。塞雁與時集。檣烏終歲飛。鹿門自此往。永息漢陰機。

暮秋將歸秦。留別湖南幕府親友

水闊蒼梧野。天高白帝秋。途窮那免哭。身老不禁愁。大府才能會。諸公德業優。北歸衝雨雪。誰憫敝貂裘。

長沙送李十一

與子避地西康州。洞庭相逢十二秋。遠愧尙方曾賜履。竟非吾土倦登樓。久存膝漆應難竝。一辱泥塗遂晚收。李杜齊名真忝竊。朔雲寒菊倍離憂。

風疾舟中伏枕書懷三十六韻奉呈湖南親友

軒轅休製律。虞舜罷彈琴。尙錯雄鳴管。猶傷半死心。聖賢名古邈。羈旅病年侵。舟泊常依震。湖平早見參。如聞馬融笛。若倚仲宣襟。故國悲寒望。羣雲慘歲陰。水鄉靈白屋。楓岸疊青岑。鬱鬱冬炎瘴。濛濛雨滯淫。鼓迎非祭鬼。彈落似鴉禽。興盡纔無悶。愁來遽不禁。生涯相汨沒。時物正蕭森。疑惑樽中弩。淹留冠上簪。牽裙驚魏帝。投閣爲劉歆。狂走終奚適。微才謝所欽。吾安藜不糝。汝貴玉爲琛。烏几重重縛。鶉衣寸寸針。哀傷同庾信。述作異陳琳。十暑岷山葛。三霜楚戶砒。

叨陪錦帳坐。久放白頭吟。反樸時難遇。忘機陸易沈。應過數粒食。得近四知金。春草封歸恨。源花費獨尋。轉蓬憂悄悄。行藥病泔泔。瘞天追潘岳。持危覓鄧林。蹉跎翻學步。感激在知音。卻假蘇張舌。高誇周宋鐔。納流迷浩汗。峻趾得峩嶷。城府開清旭。松筠起碧潯。披顏爭倩倩。逸足競駸駸。朗鑒存愚直。皇天實照臨。公孫仍恃險。侯景未生擒。書信中原闊。干戈北斗深。畏人千里井。問俗九州箴。戰血流依舊。軍聲動至今。葛洪尸定解。許靖力難任。家事丹砂訣。無成涕作霖。

杜少陵詩集終

王右丞詩集

王右丞詩集卷一

王右丞詩集卷一

古詩

奉和聖製天長節賜宰臣歌應制

太陽升兮照萬方。

開闔闔兮臨玉堂。

儼冕旒兮垂衣裳。

金天淨兮麗三光。

彫庭曙兮延八荒。

德合天兮禮神遍。

靈芝生兮慶雲見。

唐堯后兮稷高臣。

匝宇宙兮華胥人。

盡九服兮皆四鄰。

乾降瑞兮坤獻珍。

登樓歌

聊上君兮高樓。飛甍鱗次兮在下。俯十二兮通衢。綠槐參差兮車馬。卻瞻兮龍首。

前眺兮宜春。王畿鬱兮千里。山河壯兮咸秦。舍人下兮青宮。據胡床兮書空。執

戟疲於下位。老夫好隱兮牆東。亦幸有張伯英草聖兮。龍騰虬躍。擺長雲兮振廻

風。琥珀酒兮彫胡飯。君不御兮日將晚。秋風兮吹衣。夕鳥兮爭返。孤砧發兮東

城。林薄暮兮蟬聲遠。時不可兮再得。君何爲兮偃蹇。

雙黃鵠歌送別

天路來兮雙黃鶴。雲上飛兮水上宿。撫翼和鳴整羽族。不得已忽分飛。
 家在玉京朝紫微。主人臨水送將歸。悲笳嘹唳舞衣。賓欲散兮復相依。
 幾往返兮極浦。尚徘徊兮落暉。岸上火兮相迎。將夜入兮邊城。

贈徐中書望終南山歌

晚下兮紫微。

恨塵事兮多違。

駐馬兮雙樹。

望青山兮不歸。

送友人歸山歌二首

山寂寂兮無人。又蒼蒼兮多木。
 文寡和兮思深。道難知兮行獨。
 入雲中兮養鷄。上山頭兮抱犢。
 愧不才兮妨賢。嫌既老兮貪祿。

羣龍兮滿朝。悅石上兮流泉。
 神與棗兮如瓜。誓解印兮相從。

君何為兮空谷。與松門兮艸屋。
 虎賣杏兮收穀。何詹尹兮可卜。

【二】

山中人兮欲歸。君不可兮褰衣。
 猿不見兮空聞。

雲冥冥兮雨霏霏。山萬重兮一雲。
 忽山西兮夕陽。

水驚波兮翠苔靡。混天地兮不分。
 見東臯兮遠邨。

白鷺忽兮翻飛。樹暉暖兮氛氳。
 平蕪綠兮千里眇。

惆悵兮思君。

魚山神女祠歌二首

【一】迎神曲

坎坎擊鼓魚山之下。風淒淒兮夜雨。

吹洞簫望極浦。神之來兮不來。

女巫進紛屢舞。使我心兮苦復苦。

陳瑤席湛清醕。

【二】送祝曲

紛進拜兮堂前。悲急管思繁絃。

日眷眷兮瓊筵。靈之駕兮儼欲旋。

來不語兮意不傳。倏雲收兮雨歇。

作暮雨兮愁空山。山青青兮水潺潺。

白龍渦雜言定筆

南山之瀑水兮。蘇老且厚。

激石瀉瀑似雷驚。春艸為之不生。

人相對兮不聞語聲。獸不敢飛鳴。

白龍渦濤戲瀨兮。翻渦跳沫兮蒼苔溼。

委身以縱橫。

主人之仁兮不網不釣。得遂性以生成。

酬諸公見過

嗟余未喪。哀此孤生。屏居藍田。薄地躬耕。
 歲晏輸稅。以奉桑盛。晨往東臯。艸露未晞。
 暮看煙火。負擔來歸。我聞有客。足掃荆扉。
 簞食伊何。副瓜抓棗。

仰。厠羣賢。幡然一老。媿無莞篔。班荆席藁。汎泛登陂。折彼荷花。淨觀素鮪。俯映白沙。山鳥羣飛。日隱輕霞。登車上馬。倏忽雨散。雀噪荒邨。雞鳴空館。還復幽獨。重歎累嘆。

王右丞詩集卷二

古詩

扶南曲歌詞五首

翠羽流蘇帳。春眠曙不開。羞從面色起。嬌逐語聲來。早向昭陽殿。君王中使催。

【二】

堂上青絃動。堂前綺席陳。齊歌盧女曲。雙舞洛陽人。傾國徒相看。寧知心所親。

【三】

香氣傳空滿。妝華影箔通。歌聞天仗外。舞出御樓中。日暮歸何處。花開長樂宮。

【四】

宮女還金屋。將眠復畏明。入春輕衣好。半夜薄妝成。拂曙朝前殿。玉墀多佩聲。

【五】

朝日照綺窗。佳人坐臨鏡。散黛恨猶輕。插釵嫌未正。同心勿遽遊。幸待春妝竟。

從軍行

吹角動行人。喧喧行人起。笳悲馬嘶亂。爭渡金河水。日暮沙漠垂。戰聲煙塵裏。盡係名王頸。歸來獻天子。

隴西行

十里一走馬。五里一揚鞭。都護軍書至。匈奴圍酒泉。關山正飛雪。烽火斷無煙。

早春行

紫梅發初遍。黃鳥歌猶澀。誰家折楊女。弄春如不及。愛水看妝坐。羞人映花立。

香長風吹散。衣愁露霑溼。玉闥青門裏。日落香車入。游衍益相思。含啼向綵帷。

憶君長入夢。歸晚更生疑。不及紅簷燕。雙棲綠艸時。

贈裴迪

不相見。不相見。來久。日日泉水頭。常憶同攜手。攜手本同心。復嘆忽分襟。

相憶今如此。相思深不深。

瓜園詩并序

維瓜園高齋俯視南山形勝二三時輩同賦是詩兼命詩英數公同用園字爲韻韻任多
少時太子司議郎薛璠發此題遂同諸公云

余適欲鋤瓜倚鋤聽叩門鳴騶導馳馬常從夾朱軒窮巷正傳呼故人儻相存
攜手追涼風放心望乾坤藹藹帝王州宮觀一何繁林端出綺道殿頂播華旂
素懷在青山若值白雲屯廻風城西雨返景原上邨前酌盈尊酒往往聞清言
黃鸝囀深木朱槿照中園猶羨松下客石上聞清猿

同盧拾遺韋給事東山別業二十韻給事首春休沐維已陪游及乎是
行亦預聞命會無車馬不果斯諾

託身侍雲陛昧旦趨華軒遂陪鷓鴣侶霄漢同飛翻君子垂惠顧期我於田園
側聞景龍際親降南面尊萬乘駐山外順風祈一言高陽多變龍荆山積瓊瑤
盛德啓前烈大賢鍾後昆侍郎文昌宮給事東掖垣謁帝俱來下冠蓋盈丘樊
閨風首邦族庭訓延鄉邨采地包山河樹井竟川原巖端迴綺檻谷口開朱門
階下羣峯首雲中瀑水源鳴玉滿春山列筵先朝暎會舞何颯踏擊鐘彌朝昏
是時陽和節清晝猶未暄藹藹樹色深嚶嚶鳥聲繁願已負宿諾延頸慙芳蕚
蹇步守窮巷高駕難攀援素是獨往客脫冠情彌敦

和使君五郎西樓望遠思歸

高樓望所思目極情未畢枕上見千里牕中窺萬室悠悠長路人曖曖遠郊日
惆悵極浦外迢遞孤煙出能賦屬上才思歸同下秩故鄉不可見雲外空如一

酬黎居士浙川作

儂家真箇去公定隨儂否著處是蓮花無心變楊柳松龕藏藥裏石脣安茶臼
氣味當共知那能不攜手

奉寄韋太守陟

荒城自蕭索萬里山河空天高秋日迴嘹唳聞歸鴻寒塘映衰艸高館落疎桐
臨此歲方晏願景詠悲翁故人不可見寂寞平林東

林園卽事寄舍弟統

寓目一蕭散消憂冀俄頃青艸肅澄陂白雲移翠嶺後浦通河渭前山包鄆郢
松含風裏聲花對池中影地多齊后瘥人帶荊州瘵徒思赤筆書詎有丹砂井
心悲常欲絕髮亂不能整青簾日何長閉門畫方靜頽思茅簷下彌傷好風景

贈從弟司庫員外綽

少年識事淺強學干名利徒聞躍馬年苦無出人智卽事豈徒言累官非不試

既寡遂性歡。恐招負時累。清冬見遠山。積雪凝蒼翠。皓然出東林。發我遺世意。惠連素清賞。夙語塵外事。欲緩攜手期。流年一何駛。座上走筆贈薛璩容損。

希世無高節。絕跡有卑棲。君徒視人文。吾固和天倪。緬然萬物始。及與羣物齊。分地依后稷。用天信重黎。春風何豫人。令我思東溪。艸色有佳意。花枝稍含萋。更待風景好。與君藉萋萋。

贈李頎

聞君餌丹砂。甚有好顏色。不知從今去。幾時生羽翼。王母翳華芝。望爾崑崙側。文螭從赤豹。萬里方一息。悲哉世上人。甘此羶腥食。

贈劉藍田

籬中犬迎吠。出屋侯荆扉。歲晏輸井稅。山邨人夜歸。晚田始家食。餘布成我衣。詎肯無公事。煩君問是非。

贊房盧氏瑄

達人無不可。忘己愛蒼生。豈復小千室。絃歌在兩楹。浮人日已歸。但坐事農畷。桑榆鬱相望。邑里多雞鳴。秋山一何淨。蒼翠臨寒城。視事兼偃臥。對書不簪纓。

蕭條人吏疎。鳥雀下空庭。鄙夫心所向。晚節異平生。將從海岳居。守靜解天刑。或可累安邑。茅茨君試營。

贈祖三詠

蟪蛄挂虛牖。蟋蟀鳴前除。歲晏涼風至。君子復何如。高館闕無人。離居不可道。閉門寂已閉。落日照秋艸。雖有近音信。千里阻河關。中復客汝穎。去年歸舊山。結交二十載。不得一日展。貧病子既深。契闊余不淺。仲秋雖未歸。暮秋以爲期。良會詎幾日。終日長相思。

春夜竹亭贈錢少府歸藍田

夜靜羣動息。時聞隔林夫。卻憶山中時。人家湖西遠。羨君明發去。采蕨輕軒冕。

戲贈張五弟諤三首

吾弟東山時。心向一何遠。日高猶自臥。鐘動始能飯。領上髮未梳。牀頭書不卷。清川與悠悠。空林對偃蹇。青苔石上淨。細草松下軟。窗外鳥聲閒。階前虎心善。徒然萬像多。澹爾太虛緬。一知與物平。自願爲人淺。對君忽自得。浮念不煩遣。

【二】

張弟五車書。讀書仍隱居。染翰過草聖。賦詩輕子虛。閉門二室下。隱居十年餘。

宛是野人也。時從漁父魚。秋風日蕭索。五柳高且疎。望此去人世。渡水向吾廬。歲晏同攜手。只應君與予。

【三】

設置守錢兔。垂釣伺游鱗。此是安口腹。非關慕隱倫。吾生好清靜。蔬食去情塵。今子方豪蕩。思爲鼎食人。我家南山下。動息自遺身。入鳥不相亂。見獸皆相親。雲霞成伴侶。虛白侍衣巾。何事須夫子。邀予谷口真。

至滑州隔河望黎陽憶丁三寓

隔河見桑柘。藹藹黍陽川。望望行漸遠。孤峯沒雲煙。故人不可見。河水復悠然。賴有政聲遠。時聞行路傳。

秋夜獨坐懷內弟崔興宗

夜靜羣動息。蟋蟀聲悠悠。庭槐北風響。日夕方高秋。思子整羽翮。及時當雲浮。吾生將白首。歲晏思滄洲。高足在且暮。肯爲南畝儔。

贈裴十迪

風景日夕佳。與君賦新詩。澹然望遠空。如意方支頤。春風動百草。蘭蕙生我籬。曖曖日曖曖。田家來致詞。欣欣春還早。澹澹水生陂。桃李雖未開。萋萋滿其枝。

請君理還策。敢告將農時。

華嶽

西嶽出浮雲。積翠在太清。連天凝黛色。百里遙青冥。白日爲之寒。森沈華陰城。昔聞乾坤閉。造化生巨靈。右足踏方止。左手推削成。天地忽開拆。大河注東溟。遂爲西峙嶽。雄雄鎮秦京。大君包覆載。至德被羣生。上帝佇昭告。金天思奉迎。神祇望幸久。何獨禪云亭。

王右丞詩集卷三

古詩

胡居士臥病遺米因贈

了觀四大因。根性何所有。妄計苟不生。是身孰休咎。色聲何謂客。陰界復誰守。徒言運華目。豈惡楊枝肘。既飽香積飯。不飲聲聞酒。有無斷常見。生滅幻夢受。卽病卽實相。趨空定狂走。無有一法真。無有一法垢。居士素通達。隨宜善抖擻。牀上無氈臥。甌中有粥否。齋時不乞食。定應空漱口。聊持數斗米。且救浮生取。

與胡居士皆病寄此詩兼示學人二首

一興微塵念。橫有朝露身。如是觀陰界。何方置我人。礙有固爲主。趣空寧舍賓。洗心詎懸解。悟道正迷津。因愛果生病。從貪始覺貧。色聲非彼妄。浮幻卽吾真。四達竟何遣。萬殊安可塵。胡生但高枕。寂寞與誰鄰。戰勝不謀食。理齊甘負薪。子若未始異。詎論疎與親。

【二】

浮空徒漫漫。汎有定悠悠。無乘及乘者。所謂智人舟。詎舍貧病域。不疲生死流。無煩君喻馬。任以我爲牛。植福祠迦葉。求仁笑孔丘。何津不鼓棹。何路不摧輜。念此聞思者。胡爲多阻修。空虛花聚散。煩惱樹稀稠。滅想成無記。生心坐有求。降吳復歸蜀。不到莫相尤。

藍田山石門精舍

落日山水好。漾舟信歸風。玩奇不覺遠。因以緣源窮。遙愛雲木秀。初疑路不同。安知清流轉。偶與前山通。舍舟理輕策。果然慳所適。老僧四五人。逍遙蔭松柏。朝梵林未曙。夜禪山更寂。道心及牧童。世事問樵客。暝宿長林下。焚香臥瑤席。闌芳襲人衣。山月映石壁。再尋畏迷悟。明發更登歷。笑謝桃源人。花紅復來覲。

青溪

言入黃花川。每逐青溪水。隨山將萬轉。趣途無百里。聲喧亂石中。色靜深松裏。漾漾泛菱荇。澄澄映葭葦。我心素已閒。清川澹如此。請爾盤石上。垂釣將已矣。

崔澗陽兄季重前山與

秋色有佳興。況君池上閒。悠悠西林下。自識門前山。千里橫黛色。數峯出雲閒。嗟峨對秦國。合沓藏荆關。殘雨斜日照。夕嵐飛鳥還。故人今尙爾。歎息此顏顏。

終南別業

中歲頗好道。晚家南山陲。興來每獨往。勝事空自知。行到水窮處。坐看雲起時。偶然值林叟。談笑無還期。

李處士山居

君子盈天階。小人甘自免。方隨鍊金客。林上家絕巘。背嶺花未開。入雲樹深淺。清晝猶自眠。山鳥時一轉。

韋侍郎山居

幸忝君子顧。遂陪塵外蹤。閒花滿巖谷。瀑水映杉松。啼鳥忽臨澗。歸雲時抱峯。良游盛簪紱。繼跡多夔龍。詎枉青門道。故聞長樂鐘。清晨去朝謁。車馬何從容。

丁寓田家有贈

君心尚棲隱。久欲傍歸路。在朝每爲言。解印果成趣。晨雞鳴鄰里。羣動從所務。農夫行餉田。閨婦起縫素。開軒御衣服。散帙理章句。時吟招隱詩。或製閒居賦。新晴望郊郭。日映桑榆暮。陰盡小苑城。微明渭川樹。揆子宅閭井。幽賞何由屢。道存終不忘。迹異難相遇。此時惜離別。再來芳菲度。

渭川田家

斜光照墟落。窮巷牛羊歸。野老念牧童。倚杖候荆扉。雝雝麥苗秀。蠶眠桑葉稀。田家荷鋤至。相見語依依。卽此羨閒逸。悵然歌式微。

春中田園作

屋上春鳩鳴。邨邊杏花白。持斧伐遠揚。荷鋤覘泉脈。歸燕識故巢。舊人看新曆。臨觴忽不御。惆悵遠行客。

過李揖宅

閉門秋草色。終日無車馬。客來深巷中。犬吠寒林下。散髮時未簪。道書行尙把。與我同心人。樂道安貧者。一罷宜城酌。還歸洛陽社。

飯覆釜山僧

晚知清淨理。日與人羣疎。將候遠山僧。先期拂敝廬。果從雲峯裏。願我蓬蒿居。藉艸飯松屑。焚香看道書。燃燈晝欲盡。鳴磬夜方初。一悟寂爲樂。此生閒有餘。思歸何必深。身世猶空虛。

謁瓊上人并序

上人外人內天。不定不亂。捨法而澗泊。無心而雲動。色空無得。不物物也。默語無際。不言言也。故吾徒得神交焉。元關大啓。德海羣泳。時雨旣降。春物俱美。序於詩者。人百其言。少年不足言。識道年已長。事往安可悔。餘生幸能養。誓從斷葷血。不復嬰世網。浮名寄纓珮。空性無羈鞅。夙從大導師。焚香此瞻仰。頽然居一室。覆載紛萬象。高柳早鶯啼。長廊春雨響。牀下阮家屐。牕前筇竹杖。方將見身雲。陋彼示天壤。一心在法要。願以無生獎。

送魏郡李太守赴任

與君伯氏別。又欲與君離。君行無幾日。當復隔山陂。蒼茫秦川盡。日落桃林塞。獨樹臨關門。黃河向天外。前經洛陽陌。宛洛故人稀。故人離別盡。淇上轉驂騑。企予悲送遠。惆悵睢陽路。古木官渡平。秋城鄴宮故。想君行縣日。其出從如雲。遙思魏公子。復憶李將軍。

送康太守

城下滄江水。江邊黃鶴樓。朱欄將粉堞。江水映悠悠。鏡吹發夏口。使君居上頭。郭門隱楓岸。候吏趨蘆洲。何異臨川郡。還來康樂侯。

送陸員外

郎署有伊人。居然古人風。天子顧河北。詔書隸征東。拜手辭上官。緩步出南宮。九河平原外。七國薊門中。陰風悲枯桑。古塞多飛蓬。萬里不見虜。蕭條胡地空。無爲費中國。更欲邀奇功。遲遲前相送。握手嗟異同。行當封侯歸。肯訪南山翁。

送宇文太守赴宣城

寥落雲外山。迢遙舟中賞。鏡吹發西江。秋空多清響。地迴古城蕪。月明寒潮廣。時賽敬亭神。復解罟師網。何處寄相思。南風吹五兩。

送綦母校書棄官還江東

明時久不達。棄置與君同。天命無怨色。人生有素風。念君拂衣去。四海將安窮。秋天萬里淨。日暮澄江空。清夜何悠悠。扣舷明月中。和光漁鳥際。澹爾蒼葭叢。無庸客昭世。衰鬢日如蓬。頑疎暗人事。僻陋遠天聰。微物縱可採。其誰爲至公。余亦從此去。歸畊爲老農。

送六舅歸陸渾

伯舅吏淮泗。卓魯方喟然。悠哉自不競。退畊東臯田。條桑臘月下。種杏春風前。酌醴賦歸去。共知陶令賢。

留別邱爲

歸鞍白雲外。綠繞出前山。今日又明日。自知心不閒。親勞簪組送。欲趁鶯花還。一步一回首。遲遲向近關。

送別

下馬飲君酒。問君何所之。君言不得意。歸臥南山陲。但去莫復問。白雲無盡時。

王右丞詩集卷四

古詩

送張五歸山

送君盡惆悵。復送何人歸。幾日同攜手。一朝先拂衣。東山有茅屋。幸爲掃荆扉。當亦謝官去。豈令心事違。

齊州送祖三

相逢方一笑，相送還成泣。祖帳已傷離，荒城復愁入。天寒遠山淨，日暮長河急。解纜君已遙，望君猶佇立。

送綰雲苗太守

手疏謝明王，腰章爲長吏。方從會稽邸，更發汝南騎。按節下松陽，清江響鑿吹。露冕見三吳，方知百城貴。

送從弟蕃遊淮南

讀書復騎射，帶劍遊淮陰。淮陰少年輩，千里遠相尋。高義難自隱，明時寧陸沈。烏夷九州外，泉館三山深。席帆聊問罪，卉服盡成擒。歸來見天子，拜爵賜黃金。忽思鱸魚膾，復有滄洲心。天寒葦葭渚，日落雲夢林。江城下楓葉，淮上聞秋砧。送歸青門外，車馬去駸駸。惆悵新豐樹，空餘天際禽。

送權二

高人不可友，清論復何深。一見如舊識，一言知道心。明時當薄宦，解辭去中林。芳草空隱處，白雲餘故岑。韓侯久攜手，河嶽共幽尋。恨別千餘里，臨堂鳴素琴。

送高道弟耿歸臨淮作

少年客淮泗，落魄居下邳。遊游向燕趙，結客過臨淄。山東諸侯國，迎送紛交馳。自爾厭游俠，閉戶方垂帷。深明戴家禮，頗學毛公詩。備知經濟道，高臥陶唐時。聖主詔天下，賢人不得遺。公吏奉繩組，安車去茅茨。君王蒼龍闕，九門十二達。羣公朝謁罷，冠劍下丹墀。野鶴終踈踈，威鳳徒參差。或問理人術，但致還山詞。天書降北闕，賜帛歸東菑。都門謝親故，行路日逶遲。孤帆萬里外，淼漫將何之。江天海陵郡，雲日淮陰祠。杳冥滄洲上，蕩滯無人知。緯蕭或賣藥，出處安能期。

送別

聖代無隱者，英靈盡來歸。遂令東山客，不得顧採薇。既至君門遠，孰云吾道非。江淮度寒食，京洛縫春衣。置酒長安道，同心與我違。行當浮桂棹，未幾拂荆扉。遠樹帶行客，孤城當落暉。吾謀適不用，勿謂知音稀。

送張舍人佐江州同薛據十韻

東帶趨承明，守官惟謁者。清晨聽銀蚪，薄暮辭金馬。受辭未嘗易，當御方知寡。清範何風流，高文有風雅。忽佐江上州，當自潯陽下。逆旅到三湘，長途應百舍。香爐遠峯出，石鏡澄湖瀉。薰奉杏成林，陶潛菊盈把。彭蠡常好之，廬山我心也。送君思遠道，欲以數行灑。

送韋大夫東京留守

人外遺世慮。空端結遐心。曾是集許淺。始知堯舜深。蒼生詎有物。黃屋如喬林。上德撫神運。冲和穆宸襟。雲雷康屯難。江海遂飛沈。天工寄人英。龍袞瞻君臨。名器苟不假。保釐固其任。素資貫方領。清景照華簪。慷慨念王室。從容獻官箴。雲旗蔽三川。畫角發龍吟。晨揚天漢聲。夕卷大河陰。窮人業已寧。逆虜遺之擒。然後解金組。拂衣東山岑。給事黃門省。秋光正沈沈。功名與身退。老病隨年侵。君子從相訪。重玄其可尋。

資聖寺送廿二

浮生信如寄。薄宦夫何有。來往本無歸。別離方此受。柳色滿春餘。槐陰清夏首。不覺御溝上。銜悲執杯酒。

留別山中溫古上人兄并示舍弟緒

解薛登天朝。去師偶時暫。豈唯山中人。兼負松上月。宿息同游止。致身雲霞末。開軒臨潁陽。臥視飛鳥沒。好依盤石飯。屢對瀑泉歇。理齊少狎隱。道勝寧外物。舍弟官崇高。宗兄此削髮。荆扉但澗掃。乘閒當過拂。

觀別者

青青楊柳陌。陌上別離人。愛子游燕道。高堂有老親。不行無可養。行去百憂新。切切委兄弟。依依向四鄰。都門帳飲畢。從此謝親賓。揮泪逐前侶。含悽動征輪。車從望不見。時時起行塵。余亦辭家久。看之淚滿巾。

別弟緒後登青龍寺望藍田山

陌上新別離。蒼茫四郊晦。登高不見君。故山復雲外。遠樹蔽行人。長天隱秋塞。心悲宦游子。何處飛征蓋。

別弟妹二首

兩妹日成長。雙鬢將及人。已能持寶瑟。自解掩羅巾。念昔別時小。未知疎與親。今來始離恨。拭淚方慇懃。

【二】

小弟更孩幼。歸來不相識。同居雖漸慣。見人猶未覓。宛作越人語。殊甘水鄉食。別此最為難。淚盡有餘憶。

別茶母潛

端笏明光宮。歷稔朝雲陛。詔看延閣書。高議平津邸。適意偶輕人。虛心削繁禮。盛德江左風。彌工建安體。高張多絕弦。截河有清濟。嚴冬爽羣木。伊洛方清泚。

渭水冰下流。潼關雪中啓。荷蓀幾時還。塵纓待君洗。

新晴晚望

新晴原野曠。極目無氛垢。郭門臨渡頭。邨樹連溪口。白水明田外。碧峯出山後。農月無閒人。傾家事南畝。

晦日游大理韋卿城南別業四首

與世澹無事。自然江海人。側聞塵外游。解驂輒朱輪。極野昭暄景。上天垂春雲。張組竟北阜。汎舟過東鄰。故鄉信高會。牢醴及佳辰。幸同擊壤樂。心荷堯爲君。

【二】

郊居杜陵下。永日同攜手。人里藹川陽。平原見峯首。園廬鳴春鳩。林薄媚新柳。上卿始登席。故老前爲壽。臨當游南陂。約略執杯酒。歸與緇微官。惆悵心自咎。

【三】

冬中餘雪在。墟上春流駛。風日暢懷抱。山川多秀氣。雕胡先豐酌。庖脰亦雲至。高情浪海嶽。浮生寄天地。君子外簪纓。埃塵良不啻。所樂衡門中。陶然忘其貴。

【四】

高館臨澄陂。曠然蕩心目。澹蕩動雲天。玲瓏映墟曲。鵲巢結空林。雉雊響幽谷。

應接無閒暇。徘徊以躑躅。紆組上春隄。側弁倚喬木。弦望忽已晦。後期洲應綠。

冬日游覽

步出城東門。試騁千里目。青山橫蒼林。赤日圍平陸。渭北走邯鄲。關東出函谷。秦地萬方會。來朝九州牧。雞鳴咸陽中。冠蓋相追逐。丞相過列侯。羣公餞光祿。相如方老病。獨歸茂陵宿。

自大散以往深林密竹。磴道盤曲四五十里。至黃牛嶺見黃花川

危徑幾萬轉。數里將三休。廻環見徒侶。隱映隔林邱。颯颯松上雨。潺潺石中流。靜言深溪裏。長嘯高山頭。望見南山陽。白日靄悠悠。青阜麗已淨。綠樹鬱如浮。曾是厭蒙密。曠然消人愁。

休假還舊業便使

謝病始告歸。依依入桑梓。家人皆佇立。相候柴門裏。時輩皆長年。成人舊童子。上堂嘉慶畢。顧與姻親齒。論舊忽餘悲。目存且相喜。田園轉蕪沒。但有寒泉水。衰柳日蕭條。秋光清邑里。入門乍如客。休騎非便止。中飯顧王程。離憂從此始。

早入滎陽界

汎舟入滎澤。茲邑迺雄藩。河曲閭閻隘。川中煙火繁。因人見風俗。入境聞方言。

秋晚田疇盛。朝光市井喧。漁商波上客。雞犬岸旁邨。前路白雲外。孤帆安可論。

宿鄭州

朝與周人辭。暮投鄭人宿。他鄉絕儔侶。孤客親僮僕。宛洛望不見。秋霖晦平陸。田父草際歸。邨童雨中牧。主人東阜上。時稼遠茅屋。蟲思機杼鳴。雀喧禾黍熟。明當渡京水。昨晚猶金谷。此去欲何言。窮邊徇微祿。

渡河到清河作

汎舟大河裏。積水窮天涯。天波忽開拆。羣邑千萬家。行復見城市。宛然有桑麻。迴瞻舊鄉國。森漫連雲霞。

苦熱

赤日滿天地。火雲成山嶽。草木盡焦卷。川澤皆竭涸。輕紈覺衣重。密樹苦陰薄。莞簟不可近。絺綌再三濯。思出宇宙外。曠然在寥廓。長風萬里來。江海蕩煩濁。卻願身爲患。始知心未覺。忽入甘露門。宛然清涼樂。

納涼

喬木萬餘株。清流貫其中。前臨大川口。豁達來長風。漣漪含白沙。素鮪如游空。偃臥盤石上。翻濤沃微躬。漱流復濯足。前對釣魚翁。貪餌凡幾許。徒思蓮葉東。

王右丞詩集卷五

古詩

濟上四賢詠三首

【一】崔錄事

解印歸田里。賢哉此丈夫。少年曾任俠。晚節更爲儒。遜世東山下。因家滄海隅。已聞能狎鳥。余欲共乘桴。

【二】成文學

寶劍千金裝。登君白玉堂。身爲平原客。家有邯鄲娼。使氣公卿座。論心游俠場。中年不得志。謝病客游梁。

【三】鄭霍二山人

翩翩繁華子。多出金張門。幸有先人業。早蒙明主恩。童年且未學。肉食驚華軒。豈乏中林士。無人獻至尊。鄭公老泉石。霍子安邱樊。賣藥不二價。著書盈萬言。息陰無惡木。飲水必清源。吾賤不及議。斯人竟誰論。

偶然作六首

楚國有狂夫。茫然無心想。散髮不冠帶。行歌南陌上。孔丘與之言。仁義莫能獎。未嘗肯問天。何事須擊壤。復笑探薇人。胡爲乃長往。

【一】

田舍有老翁。垂白衡門裏。有時農事閒。斗酒呼鄰里。喧聒茅簷下。或坐或復起。短褐不爲薄。園葵固足美。動則長子孫。不會向城市。五帝與三王。古來稱天子。干戈將揖讓。畢竟何者是。得意苟爲樂。野田安足鄙。且當放懷去。行行沒餘齒。

【二】

日夕見太行。沈吟未能去。問君何以然。世網嬰我故。小妹日成長。兄弟未有娶。家貧祿既薄。儲蓄非有素。幾迴欲奮飛。踟躕復相顧。孫登長嘯臺。松竹有遺處。相去詎幾許。數人在中路。愛染日已薄。禪寂日已固。忽乎吾將行。寧俟歲云暮。

【三】

陶潛任天真。其性頗耽酒。自從棄官來。家貧不能有。九月九日時。菊花空滿手。中心竊自思。倘有人送否。白衣攜壺觴。果來遺老叟。且喜得斟酌。安問升與斗。奪衣野田中。今日嗟無負。兀傲迷東西。簞笠不能守。傾倒強行行。酣歌歸五柳。

【四】

生事不曾問。肯媿家中婦。

【五】

趙女彈箜篌。復能邯鄲舞。夫婿輕薄兒。圖難事齊主。黃金買歌笑。用錢不復數。許史相經過。商門盈四牡。客舍有儒生。昂藏出鄒魯。讀書三十年。腰下無尺組。被服聖人教。一生自窮苦。

【六】

老來懶賦詩。唯有老相隨。宿世謬詞客。前身應畫師。不能舍餘習。偶被世人知。名字本皆是。此心還不知。

西施詠

豔色天下重。西施寧久微。朝爲越溪女。暮作吳宮妃。賤日豈殊衆。貴來方悟稀。邀人傅脂粉。不自著羅衣。君寵益驕態。君憐無是非。當時浣紗伴。莫得同車歸。持謝鄰家子。效顰安可希。

李陵詠

漢家李將軍。三代將門子。結髮有奇策。少年成壯士。長驅塞上兒。深入單于壘。旌旗列相向。簫鼓悲何已。日暮沙漠陲。戰聲煙塵裏。將令驕虜滅。豈獨名王侍。

既失大軍援。遂嬰穹廬恥。少小蒙漢恩。何堪坐思此。深衷欲有報。投軀未能死。引領望子卿。非君誰相理。

燕子龕禪師

山中燕子龕。路劇羊腸惡。裂地競盤屈。插天多峭愕。瀑泉吼而噴。惟石看欲落。伯禹訪未知。五丁愁不鑿。上人無生緣。生長居紫閣。六時自搥磬。一飲尙帶索。種田燒白雲。斫漆響丹室。行隨拾栗猿。歸對集松鶴。時許山神請。偶逢洞仙博。救世多慈悲。卽心無行作。周商倦積阻。蜀物多淹泊。巖腹乍旁穿。澗唇時外拓。橋因倒樹架。柵值垂藤縛。鳥道悉已平。龍宮爲之涸。跳波誰揭厲。絕壁免捫摸。山木日陰陰。結跏歸舊林。一向石門裏。任君春艸深。

羽林騎聞人

秋月臨高城。城中管絃思。離人堂上愁。稚子階前戲。出門復映戶。望望青絲騎。行人過欲盡。狂夫終不至。左右寂無言。相看共垂淚。

冬夜書懷

冬宵寒且永。夜漏宮中發。草白靄繁霜。木衰澄清月。麗服映頰顏。朱燈照華髮。漢家方尙少。顧影慚朝謁。

早朝

皎潔明星高。蒼茫遠天曙。槐霧鬱不開。城鴉鳴稍去。始聞高閣聲。莫辨更衣處。銀燭已成行。金門儼騶馭。

寓言二首

朱紱誰家子。無乃金張孫。驪駒從白馬。出入銅龍門。問爾何功德。多承明主恩。圖讎平樂館。射雉上林園。曲陌車騎盛。高堂珠翠繁。奈何軒冕貴。不與布衣言。

【二】

君家御溝上。垂柳夾朱門。列鼎會中貴。鳴珂朝至尊。生死在八議。窮達由一言。須誠苦寒士。莫矜狐白溫。

雜詩

朝因折楊柳。相見洛城隅。楚國無如妾。秦家自有夫。對人傳玉腕。映竹解羅襦。人見東方騎。皆言夫婿殊。持謝金吾子。煩君提玉壺。

獻始興公

寧棲野樹林。寧飲澗水流。不用食梁肉。崎嶇見王侯。鄙哉匹夫節。布褐將白頭。任智誠則短。守仁固其優。側聞大君子。安問黨與讎。所不賣公器。動爲蒼生謀。

賤子跪自陳。可爲帳下不。感激有公議。曲私非所求。

哭殷遙

人生能幾何。畢竟歸無形。念君等爲死。萬事傷人情。慈母未及葬。一女纔十齡。泱泱寒郊外。蕭條聞哭聲。浮雲爲蒼茫。飛鳥不能鳴。行人何寂寞。白日自淒清。憶昔君在時。問我學無生。勸君苦不早。令君無所成。故人各有贈。又不及生平。負爾非一途。痛哭返柴荆。

歎白髮

我年一何長。鬢髮日已白。俛仰天地閒。能爲幾時客。惆悵故山雲。徘徊空日夕。何事與時人。東城復南陌。

王右丞詩集卷六

古詩

夷門歌

七國雄雌猶未分。攻城殺將何紛紛。秦兵益圍邯鄲急。魏王不救平原君。公子爲嬴停駟馬。執轡逾恭意逾下。亥爲屠肆鼓刀人。嬴乃夷門抱關者。

非但慷慨獻奇謀。意氣兼將身命酬。向風劍頸送公子。七十老翁何所求。

新秦郡松樹歌

青青山上松。數里不見今更逢。不見君心相憶。此心向君君應識。

爲君顏色高且閒。亭亭迴出浮雲閒。

青雀歌

青雀翅羽短。未能遠食玉山禾。猶勝黃雀爭上下。唧唧空倉復若何。

隴頭吟

長城少年游俠客。夜上戍樓看太白。隴頭明月迴臨關。隴上行人夜吹笛。關西老將不勝愁。駐馬聽之雙淚流。身輕大小百餘戰。磨下偏裨萬戶侯。蘇武纔爲典屬國。節旄落盡海西頭。

老將行

少年十五二十時。步行奪取胡馬騎。射殺陰山白額虎。肯數鄴下黃鬚兒。一身轉戰三千里。一劍曾當百萬師。漢兵奮迅如霹靂。虜騎崩騰畏蒺藜。衛青不敗由天幸。李廣無功緣數奇。自從棄置便衰朽。世事蹉跎成白首。昔時飛箭無全目。今日垂楊生左肘。路傍時賣故侯瓜。門前學種先生柳。

茫茫古木連窮巷，
賀蘭山下陣如雲。
試拂鐵衣如雪色，
莫嫌舊日雲中守。

寥落塞山對虛牖，
羽檄交馳日夕聞。
聊持寶劍動星文，
猶堪一戰立功勳。

誓令疏勒出飛泉，
節使三河募年少。
願得燕弓射天將，

不似潁川空使酒，
詔書五道出將軍。
恥令越甲鳴吾君。

燕支行

漢家天將才且雄，
誓辭甲第金門裏。
趙魏燕韓多勁卒，
畫戟雕戈白日寒。
麒麟錦帶佩吳鉤，
漢兵大呼一當百。

來時謁帝明光宮，

萬乘親推雙闕下，

千官出餞五陵東，

身作長城玉塞中，
關西俠少何咆勃，
連旗大旆黃塵沒，
颯踏青驪躍紫騮，
虜騎相看哭且愁。

衛霍纔堪一騎將，
報讎只是聞嘗膽，
壘鼓遙翻瀚海波，
拔劍已斷天驕臂，
教戰須令赴湯火。

朝廷不數貳師功，
飯酒不會妨刮骨，
鳴笳亂動天山月，
歸鞍共飲月支頭，
終知上將先代謀。

桃源行

漁舟逐水愛山春，
山口潛行始隈隩，
樵客初傳漢姓名，

兩岸桃花夾去津，
山開曠望旋平陰，
居人未改秦衣服，

坐看紅樹不知遠，
遙看一處攢雲樹，
居人共住武陵源，

行盡青溪不見人，
近入千家散花竹，
遷徙物外起田園。

月明松下房櫺靜，
平明閭巷掃花開，
峽裏誰知有人事，
出洞無論隔山水，
當時只記入山深，

日出雲中雞犬喧，

驚聞俗客爭來集，

競引還家問都邑，

洛陽女兒行

洛陽女兒對門居，
畫閣朱樓盡相望，
狂夫富貴在青春，
春窗曙滅九微火，
城中相識盡繁華，

纔可顏容十五餘，

良人玉勒乘驄馬，

侍女金盤脍鯉魚，

黃雀癡

黃雀癡黃雀癡，
到大啣啾解游颺，
鳳凰九雛亦如此，

紅桃綠柳垂簷向，
意氣驕奢劇季倫，
九微片片飛花理，
日夜經過趙李家，

羅帷送上七香車，
自憐碧玉親教舞，
戲罷曾無理曲時，
誰憐越女顏如玉，

寶扇迎歸九華帳，
不惜珊瑚持與人，
妝成祇是薰香坐，
貧賤江頭自浣紗，

謂言青鸞是我兒，

一一口銜食，

養得成毛衣，

各自東西南北飛，
慎莫愁思憔悴損容輝，

薄暮空巢上，

羈雌獨自歸，

榆林郡歌

山頭松柏林。

黃龍戍上游俠兒。

問寇校書雙溪。

君家少室西。

餘生欲寄白雲中。

寄崇梵僧

崇梵僧崇梵僧。

峽裏誰知有入事。

同崔傅答賢弟

洛陽才子姑蘇客。

揚州時有下江兵。

周郎陸弟爲儔侶。

衣冠若話外臺臣。

同比部楊員外十五夜游有懷靜者季

山下泉聲傷客心。

愁逢漢使不相識。

爲復少室東。

別來幾日今春風。

新買雙溪定何似。

秋歸覆釜春不還。

落花啼鳥紛紛亂。

澗戶山窗寂寂閒。

郡中遙望空雲山。

桂苑殊非故鄉陌。

九江楓樹幾回青。

一片揚州五湖白。

蘭陵鎮前吹笛聲。

夜火人歸富春郭。

秋風鶴唳石頭城。

對舞前溪歌白紵。

曲机書置小史家。

艸堂碁賭山陰墅。

先數夫君席上珍。

更聞臺閣求三語。

遙想風流第一人。

承明少休沐。

建禮省文書。

夜漏行人息。

歸鞍落日餘。

豈知三五夕。

萬戶千門闢。

夜出曙翻歸。

傾城滿南陌。

陌頭馳騁盡繁華。

王孫公子五侯家。

由來月明如白日。

共道春燈勝百花。

聊看侍中千寶騎。

強識小婦七香車。

香車寶馬共喧闐。

箇裏多情俠少年。

競向長楊柳市北。

昔過精舍竹林前。

獨有仙郎心寂寞。

卻將宴坐爲行樂。

倘覓忘懷共往來。

幸霑同舍甘藜藿。

故人張譚工詩善易卜兼能丹青草隸頃以詩見贈聊獲酬之

不逐城東游俠兒。

隱囊紗帽坐彈棋。

蜀中夫子時開卦。

洛下書生解詠詩。

藥欄花徑衡門裏。

時復據梧聊隱几。

屏風誤點惑孫郎。

團扇草書輕內史。

故園高枕度三春。

永日垂帷絕四鄰。

自想蔡邕今已老。

更將書籍與何人。

答張五弟

終南有茅屋。

前對終南山。

終年無客長閉關。

終日無心長自閒。

不妨飲酒復垂釣。

君但能來相往還。

贈吳官

長安客舍熱如煮。

無箇茗糜難御暑。

空搖白團其諦苦。

欲向縹囊還歸旅。

江鄉鯖鮓不寄來。

雪中憶李揖。

積雪滿阡陌。

送崔五太守。

長安廐吏來到門。

變斜谷中不容幘。

劔門忽斷蜀川開。

使君年幾三十餘。

送李睢陽。

將進酒思悲翁。

騎連連車遲遲心中悲。

游人賈客信難持。

太官尙食陳羽觴。

宗室子弟君最賢。

鸞聲噦噦魯侯期。

秦人湯餅那堪許。

不如儂家任挑達。

艸屨撈蝦富春渚。

故人不可期。

長安千門復萬戶。

何處蹀躞黃金鞵。

朱文露網動行軒。

黃花縣西九折坂。

玉樹宮南五丈原。

唯有白雲當露冕。

子午山裏杜鵑啼。

嘉陵水頭行客飯。

萬井雙流滿眼來。

霧中遠樹刀州出。

天際澄江巴字回。

少年白晝專城居。

欲持畫省郎官筆。

廻與臨邛父老書。

使君去出城東。

麥漸漸雉子斑。

槐陰陰到潼關。

宋又遠周閉之。

南淮夷東齊兒。

碎碎織練與青絲。

五穀前熟方可爲。

下車閉閣君當思。

天子當殿儼衣裳。

彤庭散綬垂鳴璫。

黃紙詔書出東廂。

輕執疊綺爛生光。

分憂當爲百辟先。

布衣一言相爲死。

何況聖主恩如天。

明年上計朝京師。

須憶今日斗酒別。

慎勿富貴忘我爲。

寒食城東卽事

清溪一道穿桃李。

演漾綠蒲涵白芷。

溪上人家凡幾家。

落花半落東流水。

蹴鞠屢過飛鳥上。

鞦韆競出垂楊裏。

少年分日作遨遊。

不用清明兼上巳。

不遇詠

北闕獻書寢不報。

南山種田時不登。

百人會中身不預。

五侯門前心不能。

身投河朔飲君酒。

家在茂陵平安否。

且共登山復臨水。

莫問春風動楊柳。

今人作人多自私。

我心不說君應知。

濟人然後拂衣去。

肯作徒爾一男兒。

王右丞詩集卷七

近體詩

奉和聖製賜史供奉曲江宴應制

侍從有鄒枚。瓊筵就水開。言陪柏梁宴。新下建章來。對酒山河滿。移舟艸樹廻。

天文同麗日。駐景惜行杯。

從岐王過楊氏別業應教

楊子談經所。淮王載酒過。興闌啼鳥換。坐久落花多。運轉迴銀燭。林閒散玉珂。殿城時未啓。前路擁笙歌。

從岐王夜讌衛家山池應教

座客香貂滿。宮娃綺幔張。澗花輕粉色。山月少燈光。積翠紗窗暗。飛泉繡戶涼。還將歌舞出。歸路莫愁長。

和尹諫議史館山池

雲館接天居。霓裳侍玉除。春池百子外。芳樹萬年餘。洞有仙人籙。山藏太史書。君恩深漢帝。且莫上空虛。

同崔員外秋宵寓直

建禮高秋夜。承明候曉過。九門寒漏徹。萬井曙鐘多。月迴藏珠斗。雲消出絳河。更慚衰朽質。南陌共鳴珂。

奉和楊駙馬六郎秋夜卽事

高樓月似霜。秋夜鬱金堂。對坐彈盧女。同看舞鳳凰。少兒多送酒。小玉更焚香。結束平陽騎。明朝入建章。

酬虞部蘇員外過藍田別業不見畱之作

貧居依谷口。喬木帶荒邨。石路枉廻駕。山家誰候門。漁舟膠凍浦。獵火燒寒原。唯有白雲外。疎鐘聞夜猿。

酬比部楊員外暮宿琴臺朝躋書閣率爾見贈之作

舊簡拂塵看。鳴琴候月彈。桃源迷漢姓。松樹有秦官。空谷歸人少。青山背日寒。羨君棲隱處。遙望白雲端。

酬嚴少尹徐舍人見過不遇

公門暇日少。窮巷故人稀。偶值乘籃輦。非關避白衣。不知炊黍否。誰解掃荆扉。君但傾茶椀。無妨騎馬歸。

慕容承攜素饌見過

紗帽烏皮几。閒居懶賦詩。門看五柳識。年算六身知。靈壽君王賜。雕胡弟子炊。空勞酒食饌。特底解人頤。

酬慕容上

行行西陌返。駐轡問車公。挾穀雙官騎。應門五尺童。老年如塞北。強起離牆東。爲報壺邱子。來人道姓蒙。

酬張少府

晚年唯好靜。萬事不關心。自顧無長策。空知返舊林。松風吹解帶。山月照彈琴。君問窮通理。漁歌入浦深。

喜祖三至留宿

門前洛陽客。下馬拂征衣。不枉故人駕。平生多掩扉。行人返深巷。積雪帶餘暉。早歲同袍者。高車何處歸。

酬賀四贈葛巾之作

野巾傳惠好。茲賦重兼金。嘉此幽棲物。能齊隱吏心。早朝方暫挂。晚沐復來簪。坐覺蠶塵遠。思君共入林。

寄荊州張丞相

所思竟何在。悵望深荆門。舉世無相識。終身思舊恩。方將與農圃。藝植老邱園。目盡南飛鳥。何由寄一言。

朝川閒居贈裴秀才迪

寒山轉蒼翠。秋水日潺湲。倚杖柴門外。臨風聽暮蟬。波頭餘落日。墟里上孤煙。復值接輿醉。狂歌五柳前。

冬晚對雪憶胡居士家

寒更傳曉箭。清鏡覽衰顏。隔牖風驚竹。開門雪滿山。灑空深巷靜。積素廣庭閒。借問袁安舍。脩然尚閉關。

山居秋暝

空山新雨後。天氣晚來秋。明月松間照。清泉石上流。竹喧歸浣女。蓮動下漁舟。隨意春芳歇。王孫自可留。

歸嵩山作

清川帶長薄。車馬去閒閒。流水如有意。暮禽相與還。荒城臨古渡。落日滿秋山。迢遞嵩高下。歸來且閉關。

歸朝川作

谷口疎鐘動。漁樵稍欲稀。悠然遠山暮。獨向白雲歸。菱蔓弱難定。楊花輕易飛。東皐春艸色。惆悵掩柴扉。

韋給事山居

幽尋得此地。詎有一人曾。大壑隨階轉。羣山入戶登。庖廚出深竹。印綬隔垂藤。卽事辭軒冕。誰云病未能。

山居卽事

寂寞掩柴扉。蒼茫對落暉。鶴巢松樹徧。人訪華門稀。嫩竹含新粉。紅蓮落故衣。

終南山

太乙近天都。連山到海隅。白雲迴望合。青靄入看無。分野中峯變。陰晴衆壑殊。

輞川閒居

一從歸白社。不復到青門。時倚簷前樹。遠看原上邨。青菰臨水映。白鳥向山翻。

春園卽事

宿雨乘輕屐。春寒著敝袍。開畦分白水。閉柳發紅桃。艸際成碁局。林端舉桔槔。

洪上卽事

屏居洪水上。東野曠無山。日隱桑柘外。河明閭井閒。牧童望邨去。田犬隨人還。

與盧象集朱家

主人能愛客。終日有逢迎。貰得新豐酒。復聞秦女箏。柳條疎客舍。槐葉下秋城。語笑且爲樂。吾將達此生。

過福禪師蘭若

巖壑轉微逕。雲林隱法堂。羽人飛奏樂。天女跪焚香。竹外峯偏曙。藤陰水更涼。欲知禪坐久。行路長春芳。

黎拾遺昕裴秀才迪見過秋夜對雨之作

促織鳴已急。輕衣行向重。寒燈坐高館。秋雨聞疎鐘。白法調狂象。元言問老龍。何人願蓬徑。空愧求羊蹤。

晚春嚴少尹與諸公見過

松菊荒三徑。圖書共五車。烹葵邀上客。看竹到貧家。雀乳先春草。鶯啼過落花。自憐黃髮暮。一倍惜年華。

過感化寺曇興上人山院

暮持筇竹杖。相待虎溪頭。催客聞山響。歸房逐水流。野花叢發好。谷鳥一聲幽。夜坐空林寂。松風直似秋。

夏日過青龍寺謁操禪師

龍鍾一老翁。徐步謁禪宮。欲問義心義。遙知空病空。山河天眼裏。世界法身中。

鄭果州相過

麗日照殘春。初晴艸木新。牀前磨鏡客。林裏灌園人。五馬驚窮巷。雙童逐老身。中厨辦蠶飯。當恕阮家貧。

香積寺

不知香積寺。數里入雲峯。古木無人徑。深山何處鐘。泉聲咽危石。日色冷青松。薄暮空潭曲。安禪制毒龍。

過崔駙馬山池

畫樓吹笛妓。金碗酒家胡。錦石稱貞女。青松學大夫。脫貂貫桂醕。射雁與山厨。聞道高陽會。愚公谷正愚。

送李判官赴江東

聞道皇華使。方隨卓蓋臣。封章通左語。冠冕化文身。樹色分楊子。潮聲滿富春。遙知辯璧吏。恩到泣珠人。

王右丞詩集卷八

近體詩

送封太守

忽解羊頭削。聊馳熊軾幡。揚舲發夏口。按節向吳門。帆映丹陽郭。楓攢亦岸邨。百城多候吏。露冕一何尊。

送嚴秀才還蜀

寧親爲令子。似舅卽賢甥。別路經花縣。還鄉入錦城。山臨青塞斷。江向白雲平。獻賦何時至。明君憶長卿。

送張判官赴河西

單車曾出塞。報國敢邀勳。見逐張征虜。今思霍冠軍。沙平連白雪。蓬卷入黃雲。慷慨倚長劍。高歌一送君。

送岐州源長史歸

握手一相送。心悲安可論。秋風正蕭索。客散孟嘗門。故驛通槐里。長亭下檣原。

征西舊旌節。從此向河源。

送張道士歸山

先生何處去。王屋訪毛君。別婦留丹訣。驅雞入白雲。人閒若刺住。天上復離羣。當作遼城鶴。仙歌使爾聞。

同崔興宗送瑗公

言從石菌閣。新下穆陵關。獨向池陽去。白雲留故山。綻衣秋日裏。洗鉢古松閒。一施傳心法。唯將戒定還。

送錢少府還藍田

草色日向好。桃源人去稀。手持平子賦。目送老萊衣。每候山櫻發。時同海燕歸。今年寒食酒。應得返柴扉。

留別錢起

卑棲卻得性。每與白雲歸。徇祿仍懷橘。看山免採薇。暮禽先去馬。新月待開扉。霄漢時回首。知音青瑣闈。

送邱為往唐州

宛洛有風塵。君行多苦辛。四愁連漢水。百口寄隨人。槐色陰清晝。楊花惹暮春。

朝端肯相送。天子繡衣臣。

送元中丞轉運江淮

薄稅歸天府。輕徭賴使臣。歡沾賜帛老。恩及卷綰人。去問珠官俗。來經石劫春。東南御亭上。莫使有風塵。

送崔九與宗游蜀

送君從此去。轉覺故人稀。徒御猶回首。田園方掩扉。出門當旅食。中路授寒衣。江漢風流地。游人何處歸。

送崔興宗

已恨親皆遠。誰憐友復稀。君王未西顧。游宦盡東歸。塞闕山河淨。天長雲樹微。方同菊花節。相待洛陽扉。

送平淡然判官

不識陽關路。新從定遠侯。黃雲斷春色。畫角起邊愁。瀚海經年別。交河出塞流。須令外國使。知飲月支頭。

送孫秀才

帝城風日好。況復建平家。玉枕雙文箑。金盤五色瓜。山中無魯酒。松下飯胡麻。

莫厭田家苦。歸期遠復賒。

送劉司直赴安西

絕域陽關道。胡煙與塞塵。三春時有雁。萬里少行人。首着隨天馬。蒲桃逐漢臣。當令外國懼。不敢覓和親。

送趙都督赴代州得青字

天官動將星。漢地柳條青。萬里鳴刁斗。三軍出井陘。忘身辭鳳闕。報國取龍庭。豈學書生輩。聽閒老一經。

送方城韋明府

遙思葭菼際。寥落楚人行。高鳥長淮水。平蕪故郢城。使車聽雉乳。懸鼓應雞鳴。若見州從事。無嫌手板迎。

送李員外賢郎

少年何處去。負米上銅梁。借問阿戎父。知爲童子郎。魚箋請詩賦。檀布作衣裳。蕙以扶衰病。歸來幸可將。

送梓州李使君

萬壑樹參天。千山響杜鵑。山中一半雨。樹杪百重泉。漢女輸檀布。巴人認芋田。

文翁翻教授。不敢倚先賢。

送張五諶歸宣城

五湖千萬里。況復五湖西。漁浦南陵郭。人家春穀溪。欲歸江淼淼。未到草萋萋。憶想蘭陵鎮。可宜猿夜啼。

送友人南歸

萬里春應盡。三江雁亦稀。連天漢水廣。孤客郢城歸。郎國稻苗秀。楚人菰米肥。懸知倚門望。遙織老萊衣。

送賀遂員外外甥

南國有歸舟。荆門泝上流。蒼茫葭菼外。雲水與昭邱。檣帶城烏去。江連暮雨愁。猿聲不可聽。莫待楚山秋。

送楊長史赴果州

喪斜不容櫓。之子去何之。鳥道一千里。猿啼十二時。官橋祭酒客。山木女郎祠。別後同明月。君應聽子規。

送邢桂州

鏡吹喧京口。風波下洞庭。赭圻將赤岸。擊汰復揚舲。日落江湖白。潮來天地青。

明珠歸合浦。應逐使臣星。

送宇文三赴河西充行軍司馬

橫吹雜繁笳。邊風捲塞沙。還聞田司馬。更逐李輕車。蒲類成秦地。莎車屬漢家。當令犬戎國。朝聘學昆邪。

送孫二

郊外誰相送。夫君道術親。書生鄒魯客。才子洛陽人。祖席依寒草。行車起暮塵。山川何寂寞。長望淚霑巾。

送崔三往密州觀省

南陌去悠悠。東郊不少留。同懷扇枕戀。獨念倚門愁。路遠天山雪。家臨海樹秋。魯連功未報。且莫蹈滄州。

送邱爲落第歸江東

憐君不得意。況復柳條春。爲客黃金盡。還家白髮新。五湖三畝宅。萬里一歸人。知爾不能薦。羞稱獻納臣。

漢江臨眺

楚塞三湘接。荆門九派通。江流天地外。山色有無中。群邑浮前浦。波瀾動遠空。

襄陽好風日。留醉與山翁。

登辨覺寺

竹徑從初地。蓮峯出化城。牕中三楚盡。林上九江平。軟草承趺坐。長松響梵聲。空居法雲外。觀世得無生。

涼州郊外游望

野老三才戶。邊鄙少四鄰。婆娑依里社。簫鼓賽田神。鬻酒澆芻狗。焚香拜木人。女巫紛屢舞。羅襪自生塵。

觀獵

風勁角弓鳴。將軍獵渭城。草枯鷹眼疾。雪盡馬蹄輕。忽過新豐市。還歸細柳營。回看射鵰處。千里暮雲平。

王右丞詩集卷九

近體詩

春日上方卽事

王右丞詩集卷九

好讀高僧傳。時看辟穀方。鳩形將刻杖。龜殼用支牀。柳色春山映。梨花夕鳥藏。

汎前陂

秋空自明迴。況復遠人閒。暢以沙際鶴。兼之雲外山。澄波澹將夕。清月皓方閒。

游李山人所居因題屋壁

世上皆如夢。狂來或自歌。問年松樹老。有地竹林多。藥倩韓康賣。門容向子過。

登河北城樓作

井邑傳巖上。客亭雲霧閒。高城眺落日。極浦映蒼山。岸火孤舟宿。漁家夕鳥還。

登裴迪秀才小臺作

端居不出戶。滿目望雲山。落日鳥邊下。秋原人外閒。遙知遠林際。不見此簷閒。

被出濟州

微官易得罪。謫去濟川陰。執政方持法。明君無此心。閭閻河潤上。井邑海雲深。縱有歸來日。多愁年鬢侵。

千塔主人

逆旅逢佳節。征帆未可前。臆臨汴河水。門渡楚人船。雞犬散墟落。桑榆蔭遠田。所居人不見。枕席生雲煙。

使至塞上

單車欲問邊。屬國過居延。征蓬出漢塞。歸雁入胡天。大漠孤煙直。長河落日圓。蕭關逢候騎。都護在燕然。

晚春聞思

新妝可憐色。落日卷羅帷。鑪氣清珍簟。牆陰上玉墀。春蟲飛網戶。暮雀隱花枝。向晚多愁思。閒聽桃李時。

戲題示蕭氏外甥

憐爾解臨池。渠爺未學詩。老夫何足似。敝宅倘因之。蘆笋穿荷葉。菱花買雁兒。鄰公不易勝。莫著外家欺。

秋夜獨坐

獨坐悲雙鬢。空堂欲二更。雨中山果落。燈下草蟲鳴。白髮終難變。黃金不可成。

侍儲光義不至

重門朝已啓。起坐聽車聲。要欲聞清珮。方將出戶迎。晚鐘鳴上苑。疎雨過春城。

聽宮鶯

春樹繞宮牆。春鶯囀曙光。忽驚啼暫斷。移處弄還長。隱葉棲承露。攀花出未央。

早朝

柳暗百花明。春深五鳳城。城烏睥睨曉。宮井轆轤聲。方朔金門侍。班姬玉輦迎。

愚公谷三首

愚公與誰去。唯將黎子同。非須一處住。不那兩心空。寧問春將夏。誰論西復東。不知吾與子。若箇是愚公。

【二】

吾家愚谷裏。比谷本來平。雖則行無跡。還能響應聲。不隨雲色暗。只待日光明。緣底名愚谷。都由愚所成。

【三】

借問愚公谷。與君聊一尋。不尋翻到谷。此谷不離心。行處曾無險。看時豈有深。寄言塵世客。何處欲歸臨。

雜詩

雙燕初命子。五桃初作花。王昌是東舍。宋玉次西家。小小能織綺。時時出浣紗。親勞使君問。南陌駐香車。

過秦皇墓

古墓成蒼嶺。幽宮象紫臺。星辰七曜隔。河漢九泉開。有海人寧渡。無春雁不迴。更聞松韻切。疑是大夫哀。

故太子太師徐公輓歌四首

功德冠羣英。彌綸有大名。軒皇用風后。傳說是星精。就第優遺老。來朝詔不名。留侯常辟穀。何苦不長生。

【二】

謀猷爲相國。翊贊奉乘輿。劔履升前殿。貂蟬託後車。齊侯疏土宇。漢室賴圖書。僻處畱田宅。仍纔十頃餘。

【三】

舊里趨庭日。新年置酒辰。聞詩鸞渚客。獻賦鳳樓人。北首辭明主。東堂哭大臣。猶思御朱轡。不惜汗車茵。

【四】

久踐中台座。終登上將壇。誰言斷車騎。空憶盛衣冠。風日咸陽慘。笳簫渭水寒。無人當便闕。應罷太師官。

故西河郡杜太守輓歌三首

天上去西征。雲中護北平。生擒白馬將。連破黑鵬城。忽見芻靈苦。徒聞竹使榮。空留左氏傳。誰繼卜商名。

【二】

返葬金符守。同歸石窰棲。卷衣悲畫翣。持髮待鳴雞。容衛都人慘。山川駟馬嘶。猶聞隴上客。相對哭征西。

【三】

塗芻去國門。祕器出東園。太守畱金印。夫人罷錦軒。旌旄轉衰木。蕭鼓上寒原。墳樹應西廡。長思魏闕恩。

故南陽夫人樊氏輓歌二首

錦衣餘翟翫。繡轂罷魚軒。淑女詩長在。夫人法尙存。凝笳隨曉旆。行哭向秋原。歸去將何見。誰能返戟門。

【二】

石窰恩榮重。金吾車騎盛。將朝每贈言。入室還相敬。疊鼓秋城動。懸旌寒日映。不言長不歸。環佩獨將聽。

達奚侍郎夫人寇氏輓歌二首

東帶將朝日。鳴環映牖辰。能令諫明主。相勸識賢人。遺挂空畱壁。廻文日覆塵。金蠶將畫柳。何處更知春。

【二】

女史悲彤管。夫人罷錦軒。卜筮占二室。行哭度千門。秋日光能澹。寒川波自翻。一朝成萬古。松柏暗平原。

恭懿太子輓歌五首

何悟藏環早。纔知拜壁年。 神天王子去。對日聖君憐。 樹轉宮猶出。笳悲馬不前。 雖蒙絕馳道。京兆別開阡。

【二】

蘭殿新恩切。椒宮夕臨幽。 白雲隨風管。明月在龍樓。 人向青山哭。天臨渭水愁。 雞鳴常問膳。今恨玉京留。

【三】

騎吹凌霜發。旌旗夾路陳。 愷容金節護。冊命玉符新。 傳母悲香襍。君家擁畫輪。 射熊今夢帝。秤象問何人。

【四】

蒼舒置帝寵。子晉有仙才。 五歲過人智。三天使鶴催。 心悲陽祿館。目斷望思臺。 若道長安近。何爲更不來。

【五】

西望昆池闊。東瞻下杜平。 山朝豫章館。樹轉鳳凰城。 五校連旗色。千門疊鼓聲。 金環如有驗。還向畫堂生。

王右丞詩集卷十

近體詩

奉和聖製從蓬萊向興慶閣道中留春雨中春望之作應制

渭水自縈秦塞曲。 黃山舊繞漢宮斜。 鑾輿迴出仙門柳。 閣道回看上苑花。 雲裏帝城雙鳳闕。 雨中春樹萬人家。 爲乘陽氣行時令。 不是宸游重物華。

大同殿生玉芝龍池上有慶雲百官共觀聖恩便賜宴樂敢書即事

欲笑周文歌宴鎬。 遙輕漢武樂橫汾。 豈如玉殿生三秀。 詎有銅池出五雲。 陌上堯樽傾北斗。 樓前舜樂動南薰。 共懽天意同人意。 萬歲千秋奉聖君。

敕賜百官櫻桃

芙蓉闕下會千官。 紫禁朱櫻出上蘭。 總是寢園春薦後。 非關御苑鳥銜殘。 歸鞍競帶青絲籠。 中使頻頒赤玉盤。 飽食不須愁內熱。 大官還有蔗漿寒。

敕借岐王九成宮避暑應教

帝子遠辭丹鳳闕。 天書遙借翠微宮。 隔窗雲霧生衣上。 卷幔山泉入鏡中。

林下水聲喧語笑。

巖間樹色隱房櫺。

仙家未必能勝此。

何事吹蕭向碧空。

和賈舍人早朝大明宮之作

絳幘雞人送曉籌。

尙衣方進翠雲裘。

九天闔闔開宮殿。

萬國衣冠拜冕旒。

日色纔臨仙掌動。

香煙欲傍袞龍浮。

朝罷須裁五色詔。

珮聲歸向鳳池頭。

和太常韋主簿五郎溫湯寓目

漢主離宮接露臺。

秦川一半夕陽開。

青山盡是朱旗遶。

碧澗翻從玉殿來。

新豐樹裏行人度。

小苑城邊獵騎回。

聞道甘泉能獻賦。

懸知獨有子雲才。

苑舍人能書梵字。兼達梵音。皆曲盡其妙。戲爲之贈。

名儒待詔滿公車。

才子爲郎典石渠。

蓮花法藏心懸悟。

貝葉經文手自書。

楚辭共許勝楊馬。

梵字何人辨魯魚。

故舊相望在三事。

願君莫厭承明廡。

重酬苑郎中并序

頃輒奉贈。忽枉見酬。敍末云。且久不遷。因而嘲及。詩落句云。應同羅漢無名欲。故作馮唐老。歲年亦解嘲之類也。

何幸含香奉至尊。

多慚未報主人恩。

草木豈能酬雨露。

榮枯安敢問乾坤。

僊郎有意憐同舍。

丞相無私斷掃門。

楊子解嘲徒自遣。

馮唐已老復何論。

酬郭給事

洞門高閣靄餘暉。

桃李陰陰柳絮飛。

禁裏疎鐘官舍晚。

省中啼鳥吏人稀。

晨搖玉佩趨金殿。

夕奉天書拜瑣闈。

強欲從君無那老。

將因臥病解朝衣。

既蒙宥罪。旋復拜官。伏感聖恩。竊書鄙意。兼奉簡新。除使君等諸公。

忽蒙漢詔還冠冕。

始覺殷王解網羅。

日比皇明猶自暗。

天齊聖壽未云多。

花迎喜氣皆知笑。

鳥識歡心亦解歌。

聞道百城新佩印。

還來雙闕共鳴珂。

酌酒與裴迪

酌酒與君君自寬。

人情翻覆似波瀾。

白首相知猶按劍。

朱門先達笑彈冠。

草色全經細雨濕。

花枝欲動春風寒。

世事浮雲何足問。

不如高臥且加餐。

朝川別業

不到東山向一年。

歸來纔及種春田。

雨中草色綠堪染。

水上桃花紅欲然。

優婁比丘經論學。

僮僕丈人鄉里賢。

披衣倒屣且相見。

相歡語笑衡門前。

早秋山中作

無才不敢累明時。

思向東溪守故籬。

不厭尙平婚嫁早。

卻嫌陶令去官遲。

草堂蛩響臨秋急。

山裏蟬聲薄暮悲。

寂寞柴門人不到。

空牀獨與白雲期。

積雨朝川莊作

積雨空林煙火遲

蒸藜炊黍餽東菑

淡淡水田飛白鷺

陰陰夏木嘯黃鸝

山中習靜觀朝槿

松下清齋折露葵

野老與人爭席罷

海鷗何事更相疑

過乘如禪師蕭居士嵩邱蘭若

無著天親弟與兄

嵩邱蘭若一峯晴

食隨鳴磬巢鳥下

行踏空林落葉聲

進水定侵香案濕

雨花應共石床平

深洞長松何所有

儼然天竺古先生

春日與裴迪過新昌里訪呂逸人不遇

桃源一向絕風塵

柳市南頭訪隱淪

到門不敢題凡鳥

看竹何須問主人

城外青山如屋裏

東家流水入西鄰

閉戶著書多歲月

種松皆作老龍鱗

送方尊師歸嵩山

仙官欲往九龍潭

旄節朱旛倚石龕

山壓天中半天上

洞穿江底出江南

瀑布杉松常帶雨

夕陽彩翠忽成嵐

借問迎來雙白鶴

已曾衡嶽送蘇耽

送楊少府貶郴州

明到衡山與洞庭

若為秋月聽猿聲

愁看北渚三湘近

惡說南風五兩輕

青草瘴時過夏口

白頭浪裏出湓城

長沙不久留才子

賈誼何須吊屈平

王右丞詩集卷十一

近體詩

出塞作

居延城外獵天驕

白草連天野火燒

暮雲空磧時驅馬

秋日平原好射鵰

護羌校尉朝乘障

破虜將軍夜渡遼

玉靶角弓珠勒馬

漢家將賜霍嫖姚

聽百舌鳥

上蘭門外草萋萋

未央宮中花裏栖

亦有相隨過御苑

不知若箇向金陵

入春解作千般語

拂曙能先百鳥啼

萬戶千門應覺曉

建章何必聽鳴雞

奉和聖製慶元元皇帝玉像之作應制

明君夢帝先

寶命上齊天

秦后徒開樂

周王恥卜年

玉京移大像

金籙會羣仙

承露調天供

臨空敞御筵

斗迴迎壽酒

山近起爐煙

願奉無爲化

齋心學自然

奉和聖製與太子諸王三月三日龍池春禊應制

故事修春禊

新宮展豫游

明君移鳳輦

太子出龍樓

賦掩陳王作

杯如洛水流

金人來捧劍。畫鶴去廻舟。苑樹浮宮闕。天池照冕旒。宸章在雲漢。垂象滿皇州。

奉和聖製上巳於望春亭觀禊飲應制

長樂青門外。宜春小苑東。樓開萬戶上。輦過百花中。畫鶴移仙妓。金貂列上公。清歌邀落日。妙舞向春風。渭水明秦甸。黃山入漢宮。君王來祓禊。灞滻亦朝宗。

奉和聖製幸玉真公主山莊因題石壁十韻之作應制

碧落風煙外。瑤臺道路賒。如何連帝苑。別自有仙家。此地廻鑿駕。綠溪轉翠華。洞中開日月。窗裏發雲霞。庭養沖天鶴。溪流上漢查。種田生白玉。泥竈化丹砂。谷靜泉逾響。山深日易斜。御羹和石髓。香飯進胡麻。大道今無外。長生詎有涯。還瞻九霄上。來往五雲車。

奉和聖製登降聖觀與宰臣等同望應制

鳳辰朝碧落。龍圖耀金鏡。維嶽降二臣。戴天臨萬姓。山川八枝滿。井邑三農竟。比屋皆可封。誰家不相慶。林疎遠邨出。野曠寒山靜。帝城雲裏深。渭水天邊映。喜氣含風景。頌聲溢歌詠。端拱能任賢。彌彰聖君聖。

奉和聖製御春明樓臨右相園亭賦樂賢詩應制

複道通長樂。青門臨上路。遙聞風吹喧。闔識龍輿度。寰旒明四目。伏檻紆三顧。

小苑接侯家。飛甍映宮樹。商山原上碧。滌水林端素。銀漢下天章。瓊筵承湛露。將非富民寵。信以平戎故。從來簡帝心。詎得廻天步。

奉和聖製暮春送朝集使歸郡應制

萬國仰宗周。衣冠拜冕旒。玉乘迎大客。金節送諸侯。祖席傾三省。褰帷向九州。楊花飛上路。槐色蔭通溝。來預鈞天樂。歸分漢主憂。宸章類河漢。垂象滿中州。

奉和聖製送不蒙都護兼鴻臚卿歸安西應制

上卿增命服。都護揚歸旆。雜虜盡朝周。諸胡皆自郤。鳴笳瀚海曲。按節陽關外。落日下河源。寒山靜秋塞。萬方氛祲息。六合乾坤大。無戰是天心。天心同覆載。

三月三日曲江侍宴應制

萬乘親齋祭。千官喜豫游。奉迎從上苑。祓禊向中流。草樹連容衛。山河對冕旒。畫旗搖浦瀨。春服滿汀洲。仙樂龍媒下。神皋鳳蹕留。從今億萬歲。天寶紀春秋。

奉和聖製十五夜燃燈繼以酬宴應制

上路笙歌滿。春城漏刻長。游人多畫日。明月讓燈光。魚鑰通翔鳳。龍輿出建章。九衢陳廣樂。百福透名香。仙妓來金殿。都人繞玉堂。定應偷妙舞。從此學新妝。奉引迎三事。司儀列萬方。願將天地壽。同以獻君王。

奉和聖製重陽節宰臣及羣官上壽應制

四海方無事。三秋大有年。百工逢此日。萬壽願齊天。
芍藥和金鼎。茱萸插玳筵。玉堂開右个。天樂動宮懸。
御柳疎秋影。城鴉拂曙煙。無窮菊花節。長奉柏梁篇。
三月三日勤政樓侍宴應制

綵仗連宵合。瓊樓拂曙通。年光三月裏。宮殿百花中。
不數秦王日。誰將洛水同。酒筵嫌落絮。舞袖怯春風。
天保無爲德。人歡不戰功。仍臨九衢宴。更達四門聰。

和陳監四郎秋雨中思從弟據
嫋嫋秋風動。淒淒煙雨繁。聲連鳩鵲觀。色暗鳳凰原。
細柳疎高閣。輕槐落洞門。九衢行欲斷。萬井寂無喧。
忽有愁霖唱。更陳多露言。平原思令弟。康樂謝賢昆。
逸興方三接。衰顏強七奔。相如今老病。歸守茂陵園。

和僕射晉公扈從溫湯

天子幸新豐。旌旗渭水東。寒山天仗裏。溫谷幔城中。
奠玉羣仙座。焚香太乙宮。出遊逢牧馬。罷獵有非熊。
上宰無爲化。明時太古同。靈芝三秀紫。陳粟萬箱紅。
王禮尊儒教。天兵小戰功。謀猷歸哲匠。詞賦屬文宗。
司諫方無闕。陳詩且未工。長吟吉甫頌。朝夕仰清風。

和宋中丞夏日游福賢觀天長寺之作

已相殷王國。空餘尙父溪。釣磯開月殿。築道出雲梯。
積水浮香象。深山鳴白雞。虛空陳伎樂。衣服製虹霓。
墨點三千界。丹飛六一泥。桃源勿遽返。再訪恐君迷。
沈十四拾遺新竹生讀經處同諸公之作

閒居日清淨。修竹自檀欒。嫩節留餘箨。新叢出舊欄。
細枝風響亂。疎影月光寒。樂府裁龍笛。漁家伐釣竿。
何如道門裏。青翠拂仙壇。贈東嶽焦鍊師

先生千載餘。五岳遍曾居。遙識齊侯鼎。新過王母廬。
不能師孔墨。何事問長沮。玉管時來鳳。銅盤卽釣魚。
竦身空裏語。明目夜中書。自有還丹術。時論太素初。
頻蒙露版詔。時降軟輪車。山靜泉逾響。松高枝轉疎。
支頤問樵客。世上復何如。贈焦道士

海上游三島。淮南預八公。坐知千里外。跳向一壺中。
縮地朝珠闕。行天使玉童。飲人聊割酒。送客乍分風。
天老能行氣。吾師不養空。謝君徒雀躍。無可問鴻濛。
投道一師蘭若宿

一公棲太白。高頂出雲煙。梵流諸壑遍。花雨一峯偏。
迹爲無心隱。名因立教傳。